

COMMENTARII
DE REBUS
IN
SCIENTIA NATVRALI
ET
MEDICINA
GESTIS.




VOLVMINIS X. PARS II.

LIPSIAE MDCCLXII.

APVD IOH. FRIDERICVM GLEDITSCH.

Venduntur etiam

Amstelodami apud I. Schreuder et P. Mortier iun. Londini apud C. G. Seyffert, Pa-
risiis apud Briasson, Patauii apud I. Manfr , Venetiis in B. Albrizzi et S. Coleti
officinis, Romae apud Venant. Monaldini.



I.

Kongl. Vetenskaps Academiens Handlingar foer
Aor 1759 Vol. XX med Kongl. Academiens
Tillstand. Tryckte i Stockholm hos Di-
rect. Lars Salvius, pa des egen Kost-
nad, 1759. 8 mai. plag. 21. tab. aen. 10.

i. e.

Acta Academiae Regiae Scientiarum Suecicae
Anni 1759. Holmiae. Vol. XX.



Trimestre primum.

I. *De speciebus, usuque vario cinerum* p. 1.
clauellatorum agit HENR. THEOPH.
SCHEFFER. Genera alcalium fixorum

duo constituit, vegetabilia et mineralia. *Illorum spe-*
cies sunt 1) cineres arborum, quarum folia deci- p. 2.
dua sunt, fagi, quercus, imprimis betulae et alni.
Resinosarum, vt abietis et pini cineres, perparum
salis alcalici continent. 2) Filicis cineres; terram
leni igne fusibilem continentes, hinc vitriariae apti.
Calcis terra haec nihil habet, vnde nullo modo
caustici sunt. 3) Cineres crudi (*rohe Potasche*) se- p. 3.

N 2

cunda

- cunda vſtione ex iis n. 1 obtenti 4) Gedanenſes (*blaukrone*) vt n. 3 in Polonia inprimis, nulla praecedente ſolutione, ſed, pinguedine vſtione ſolum conſumta, praeparati; vnde reſtat inter alcali terra calcaria, cauſticumque efficit. 5) Gallorum *Cendre Gravellee* ex tartaro vini et vite, cauſtici ob terram calcariam admixtam. 6) Fuſci (*braun*) ex n. 1 vel 3, ſolutione extracti, lixiuio ad ſiccitatem euaporato, valde cauſtici, ſtatimque in aere deliqueſcentes. 7) Depurati (*raffinirt*) duplicis formae ſunt, a) fagi ſegmenta tenuia lixiuio ſpiſſo n. 3 impraegnata in fornace ad albedinem in Suecia calcinantur; b) fuſci n. 6. in fornace calcinati donec ignis pinguedinem omnem conſumſerit, ſalque natum ſit album maculis coeruleis. Tales Bataui ex Germania acceptos Suecis mittunt, olim et Hamburgum miſit, 9) Alcalica nitri pars. Haec alcalica vegetabilia omnia, ſi nitri acidum ſaturauerint, formant nitrum longum, hexagonum, prismaticum.
- p. 4. p. 5. p. 7. p. 8. p. 9. p. 18. p. 19.
- 10) *Soda*, cuius alcali eſt ex ſale marino, acido, ſalis vegetatione pinguedini ita iuncto, vt in igne ſimul auolent. 11) *Kalp* Anglorum ex plantis a mare eiectis praecedenti (10) ſimile, ſed aliis ſalibus inquinatum. In aliis regionibus non venditur. 12) *Rocchetta* lixiuium n. 10 ad ſiccitatem coctum; ad mare mediterraneum et in Italia inprimis praeparatur. 13) *Natron*, qua voce Orientales varia ſalia designant. 14) *Borax*. Vſibus notis ſalium recensendis non immorabimur, id vnice obſervamus, alcalica quaedam, vel ob terras vel ob ſalia peregrina admixta, certis quibusdam vſibus interdum aptiora eſſe aliis alalictis, etſi ſale lixivioſo diſtioribus.
2. *Entomolithum Paradoxum* illuſtrat CAR. LINNAEVS. Petreſactum in Suecia ſatis copioſum, ely.

elytras, aliasque partes insecti coleopteri exhibet. Sed rarissima sunt exemplaria adeo perfecta, qualia hic e Museo *Tessiniano* describuntur ac depinguntur; unde colligitur esse insecti ouati, thorace testa semiorbiculata conuexa, corpore segmentis 20 marginatis. p. 23.

3. *Gemmam pennam pauonis dictam idem LINNAEVS* ostendit formari ex ligamento cartilagineo matricis perlarum offic. p. 24.

4) *Coccum Suecicum idem* reperit ad caules arbuti f. vuae vrsi. Insectum duplo maius cocco polonica, compressum, egregium colorem rubrum praebet. Coloris est rufo-fusci, initio laeue, pilis post albis curuis veluti conspergitur, qui in tunicam albissimam siue folliculum coeunt, tandemque ab animali secedunt, vt in suo veluti receptaculo insectum quoduis habitet. Quaerendum est ad caules arbuti, in vicinia radicis, imprimis vbi arbutum terra non nimium sicca, sed paululum humida nutrit. Ad tingendi vsum statim torreri oportet, ne in statum suum perfectiorem transeuntia insecta, tingendo inutilia fiant. p. 28. p. 29.

5. *Sales lixiuiosos varios hydrostatice examinatus IAC. FAGGOT*, vt scilicet, quantum salis alcali Suecicum, cum aliis comparatum, contineat, edoceatur. p. 31.

6. *De cataractis duabus sanatis refert IAC. DAVIEL Anat. et Chir. Prof. Massiliensis.* In altera, lens cristallina ossea ab interiore pupillae ambitu, cui adhaerebat, separata et extracta est, vulnus iridis sanatum, oculo nihil damni sentiente, quod contrahi et ampliari pupilla amplius non potest. Olim coecus, ope vitri, quod lentis defectum supplet p. 43. p. 46.

- iam pictoriam artem eadem facilitate ac ante quam visu orbaretur, exercet omninoque oculis bene valet. Altera operatio priori similis est. Scopus
- p. 47. DAVIELII est, vt monstret, cataractam adhaerentem fanari posse.
- p. 49. 7. *Pondera Belgica cum Suecicis comparat*
- p. 50. EDVARD. FR. RVNEBERG. Libra Amstelodamensis ad Suecicam est in ratione 3, 29163: 2, 83136. *Troica* pondera, quae vocant, variare reperit, contra communem sententiam. Belgae 100 libras Troicas, 12½ semunciis Amstelodamensibus leuiiores 100 libris Amstelodamensibus statuunt.
- p. 58. Brabanticae librae ad Suecicam ratio est 1959, 303571: 1769, 6000 000. Colonienfis Brabanticae aequalis est.
- p. 59.
- p. 60. 8. *Effectus, quos faba Brasiliensis Pecuris vel (Pechurims) in dysenteria sedanda edit*, recenset P. ZETZEL. Experimenta in nosocomio militari Pomerano capta sunt, medicamentum dosi dimidia drachmae aut scrupulorum 4 exhibitum est, plerumque duabus saltim, aut tribus dosibus. Inde diarrhoea et dysenteria sedata est, excrementa, ex aquosis et sanguinolentis, firma reddita. Aegris plerumque ante
- p. 64. vsum fabae, rhabarbarum datum est. Vni, in recenti diarrhoea colliquatiua, cum torminibus, et febre mitiori, tribus primis singulis diebus data est mane dimidia drachma fabae, diminuto exinde sedium numero et excrementis solidescens. Quarto die vsum eiusdem medicamenti continuatus, nocte insequente sedes multae, cum torminibus, lingua molli, et doloribus capitis cessantibus. Rursus tribus diebus mane pulvis fabae datus est dosi drachmae dimidia, deiectiones, singulis harum noctium duae, excrementa solida. Tormina res-
- dua

dua infuso picis liquidæ (*Theerwasser*) sanata. Alius, p. 66.
 qui dysenteria cruenta diebus 21 laborauerat, post
 usum quotidianum dimidiæ drachmæ, tribus die-
 bus, vermes eiecit, excrementis consistentiam na-
 ctis, lingua adhuc alba, quarta die alius melius se
 habuit, sed aeger de stranguria conquestus, lingua
 ut ante. Eadem 5, 6, 7 die durarunt, infuso
 picis liquidæ adhibito aeger conualuit. Hic fabæ
 usus dysenteriam sedauit, reliquo fero sanguinis
 vitioso cum vrina exunte. Interdum dysenteriae
 surditas successit, vel solo temporis spatio, vel aliis p. 66.
 remediis imminuta; interdum tussis. Aliquando, p. 67.
 dosi prædicta quinque diebus continuis data, immi- p. 68.
 nutus deiectionum numerus, sed insequuta tormina p. 70.
 ventris, cum dolore pungente in thorace. Quinta
 die dysenteria rediit, cum sedibus quinque, cessan-
 tibus iam torminibus et dolore pungente, sed in-
 gruente surditate cum tussi et febricula. Aliquan-
 do tamen medicamentum nihil profuit, aegrique
 mortui sunt; alius, cuius in naso et labio gangraena
 apparuit, forte intestinis eadem iam occupatis; p. 70.
 alius, cuius in corpore emaciato nihil toni restabat,
 tertius, quem diarrhoea colliquatiua, in ultimo sta- p. 72.
 dio phthiseos cum scorbuto, occidebat. Neque p. 73.
 ullibi prodest pecuris, ubi lingua sicca est, quo
 vnico ferè casu infructuosus est eius usus. Cete-
 rum ex 22, quos retulit, casibus hæc generatim *No-*
ster de ducit: Adhibitum est medicamentum, in
 dysenteria, quæ sequebatur amphemerinem mali-
 gnâ, ea lege ut qua ratione cresceret dysenteria,
 ea decresceret febris, ita, ut in summo dysenteriae
 gradu, sedibusque 20 aut 30 vna nocte, pulsus
 velocitas plane esset naturalis, etsi lingua, facies,
 et cutis febrim indicarent. Hanc dysenteriam,
 nemo comperit, ulli remedio adhibito cedere, con-
 tra, ubi lenis fuit, 5 aut 6 menses durauit. Graf-

satur inprimis, inter militum cohortes, densius et confertim, inque locis occlusis habitantes, munditiei vero minus studiosos. Praemissis laxantibus, pulsu veloce et debili, lingua alba, usus remedii profligat dysenteriam, succedente tussi. Si comitentur aut sequantur dysenteriam tormina, lingua madeat, laxantia nulla in antecessum adhibita sint, primis diebus minuit pecuris dysenteriam, quarta die augetur dysenteria, post cessat. Interdum cessat, nullo interueniente augmento, abitque in febrem cum lingua sicca. In dysenteria absque torminibus, lingua madente, pulsu debili, sed quantum decet, veloce, sistitur dysenteria, sequitur vero eam tussis, aut surditas, aut stranguria.

P. 74. 9. *Historiam remedii, cuius effectus* articulus praecedens recenset, tradit A. BAECK. CORVINVS, magister navis, (*Admiralitaets Capitaen*) primus in Sueciam ante aliquot annos attulit, ex Lusitania, aduersus colicam, aluique fluxum commendatum, nomine *Pecuris*, vel *fava Pecairo*. Cum multis prodesset, permisit rex Sueciae vt ZETZELIVS, experimenta ante recensita institueret. Similis est

p. 75. *Picchurim* amygdalo maiori, secundum longitudinem fisso et in latere plano, secundum longitudinem aliquantum excauato. Magnitudo variat, medio-crium longitudo est linearum 12 vel 13; latitudo 5 vel 6; in superficie plana, cavitates ad lineas 2 porrigitur, profundissima in medio, tuberculo quodam in extremo crassiore. Color fabae ad nigredinem accedit, veluti membrana tenui obducta. Fracta aut scissa, interiora subfusca ostendit, nihil lignosi aut fibrosi, nuci myristicae scillae aut fractae similis. Microscopium in substantia interiori veterum punctula clara alba detegit. Friabilis est dentibus, odore saporeque inter nucem myristicam et
fassa-

fassafras mediis. Qui primas in Sueciam attulit, balsamum de Copayva ab eadem arbore sumi audiuit. Describitur autem fructus Copayuae a PRIGONE et GEOFFROY et MARCGAVIO, quod sit filiqua, nucleum continens, nucis auellanae figura, rotundum, oblongum, membrana tenui nigrescente inuolutum, medio pulpa flavescente, viscida, molli tecto, ipsum vero nucleum esculentum substantiae, magis consistentis esse, cornu emollito similis, saporis non admodum manifesti, coloris aquei, fimiis amatum. His notis cum *Pichurim* conuenit, nisi quod nucis auellanae figura hic non adsit. Igitur *Noster* suspicatur Copayuae nucleos singulos ex duabus *Pichurim* iunctis, vt fructus Caffee ex fabis, quas appellamus, componi, cuticulamque illam et pulpam induci; ita quae de recenti Copayuae fructu scribuntur, satis in siccam *Pichurim* quadrant. Imo Lusitani *faua Pichurim de Maranhão* vocant, in hac vero insula copiose arbores Copayuae crescunt. Commendant Lusitani aduersus colicam et flatum, item puluerem vulneribus recentibus inspergunt; grana 32, 64, 96 in aqua, vino, aut spiritu vini sumunt. Iam merx rarior, ob patrum S. I. fata negociorumque in colonia decrementum. Holmiae ob raritatem remedii pauca experimenta capta sunt. Profuit autem contra diarrhoeam feminae peripneumonia et colica laboranti; idque saepius, cum alia remedia vana essent. Alium, febri pectorali consumptiua laborantem, a diarrhoea liberauit. Saepius vero nihil etiam contra colicam, aluique fluxum effecit, vt vani sint, qui ab ea semper auxilium promittunt contra hos morbos, vndecunque nascantur. Aquae bullienti, colorem, odorem, saporem communicat. Decocti residuum si cum spiritu vini rectificatissimo digeratur, parum coloris spiritui tribuit, saporem vero fortem, simul ap-

P. 76.

P. 77.

parent flocci albi pingues, qualis pinguedo etiam ipsi decocto supernatat. Hoc pingue, sensim exsiccatum, in charta bibula crustam griseam pinguem inspidam relinquit. In puluerem redacta *Pichuris* si cum spiritu vini rectificatiss. digeratur, obtinetur potens rubicunda tinctura, saporem *pichuris* fortem habens, cui pinguedo praedicta innatat. Destillatione inspissata tinctura, in recipiente obtinetur spiritus aliquo *Pichuris* odore gaudens, extractum vero linguae impositum, acre est et causticum, nuci myristicae et ligno sassafras odore et sapore simile, facile madescens.

- p. 77. 10. *Ex diario academiae* refertur praemium Sparrianum anni 1758 EPHR. RVNEBERGIO, ANTONIO V. SVAB, et RINMANO contigisse.

Trimestre secundum.

- p. 79. 1. *Physicorum de tonitru sententias* recenset 10. CAROL. WILKE inprimis, quae FRANKLINVM secuti iam docent, explicans.

- p. 94. 2. *Procellariam borealem* describit ANTON ROLANDSON MARTIN *Med. stud.* Est avis, quae ANDERSONIO in commentariis de Islandia et Groenlandia etc. (*Nachrichten von Island* etc. Hamb. 1746) *Larus marinus maximus* vocatur et p. 178. 183 describitur. Noster in latitudine 62; 63; imo 79; 80; vidit balaenarum cadaueribus inhiantem,

- p. 98. unde venatoribus balaenarum, stupide temeraria molestias creat, auiumque harum cateruis abigendis cymbae hominibus plenae occupantur. Thorax carnosus est, vt decet auem in mari inhospito inter glaciales insulas perpetuo circumuolitantem. Caro haec cum oryza cocta nautis comeditur. Plumae interiores mollissimae sunt (*dunen*) exterio-

teriores crassiores; est sub abdomine fouea plumis mollissimis obducta, qua forte ouis incubat. Auis depicta exhibetur.

3. *Epicycloidem circuli super aequali circulo volutione genitam per tria puncta, quorum unum sit cuspis, describere docet Andreas PLANMAN.* p. 99.

4. *Hydropem abdominis vomitu sanatum* DAV. p. 103. SCHULTZ narrat, frustra adhibitis euacuantibus, ipsaque abdominis perforatione. Cum enim semper hydrops rediret, aliquando, Septembri mense 1757, nullo commisso in dietam peccato, velut puerperii dolores sensit, inde a vespera, ad meridiem insequentem, ubi aquam foetentem euomuit, ita venter detumuit, sed mense elapso rursus intumescere coepit. Nouembri exeunte vomitus rediit horarum 24, pracedente obstructione alui quatuor dierum. Ita cum aqua foetente excrementa eiecit, fractis omnino viribus. sed tumore penitus euanescente. Post bene valuit. Hydrope laboranti hernia umbilicalis accidit, nullo plane eius incommodo, in situ corporis supino, euanescebat.

5. *Aquas Holmenses examinat* PETR. ION. p. 106. BERGIVS methodo MARGRAVII (Com. Ac. Pruss. T. VII. ann. 1752) Auxilium praebeuit pharmacopoeus aulicus ZIERVOGEL. Ab aestu maris quidem fontes Holmenses saliores redduntur; pluviae vero, interdum aquae copiam, habita ad contenta ratione augent, interdum plus terreni secum in fontes praecipitant. Igitur fluxus et pluviarum tempus in aquis, quas examinavit, hauriendo euitavit. Ceterum salia exigua copia in aqua contenta, nihil nocumenti adferre posse observat. Quoniam tamen salis communis sat magnam copiam cibis praeparant.

parandis ipsi adhibemus, aquae his salibus foetae praestat, nitrum purum continens, eoque siti sedandae aptior; dummodo non celet calcem, nitri aut alius mineralis acido saturatam. Ferrum continentes, si fieri potest, euitare iubet, quibus vero calx exigua quantitate inest, illas ob calculi noxam non timendas esse, experimentis anglorum euincit, de calcis aquae vsu lithontriptico.

- p. 133. 6. *Littora prouinciarum Suecicarum arenosa, quomodo vegetabilibus ibi plantatis firmanda, simulque in usum trahenda sint*, ostendit ERIC. GVST. LIDBECK. Constant illa littora arena vento obediente (*Flug-sand*,) firman-
 p. 136. tur vero auena arenaria, quam Batau-
 tauum *Helm* vocant. Hanc igitur more Batauis in aggeribus suis arenariis (*duenen*) vsitato, quem describit, plantandam suadet item arbores ferendas vlmum, quercum, alnum, salicem, cet. nec non anisum, foeniculum, coriandrum; quae omnia illis in locis crescere experientia docet.
- p. 139. 7. *De concharum margaritiferarum natura* disserit IO. FISCHERSTROM. Myam testa ouata, antice coarctata cardinis dente primario conico natibus decorticatis LINN. Syst. Nat. ed. X. p. 671. in Hollandia frequenter obseruauit, multis autem verbis haec fere ex obseruationibus suis nos docet: Ani-
 p. 141. malia hermaphrodita sunt; Iunio et Iulio viscida, lactea materies in illis reperitur, Augusto aucta. Hanc animalia sibi mutuo immittere vidit, quod eius in aquam cadit, statim coagulatur propagationi
 p. 143. minus idoneum. Sulcos in fundo fluuiorum lingua excauant. In alium locum poni, facile ferunt, vnde colligit noster facile transplantari posse. Cha-
 p. 146. racteres concharum margaritas continentium, nisi vi excussae sint, hos ait multiplici obseruatione didicisse: strias obliquas 5, 6, plures in alterutro latere;

tere; tubercula in lateribus; curuaturam insolitam
versus extremum angustius; fulcum profundum
transuersum.

8. *Vrogalli minores* (Birkhaehne) *quomodo domi* p. 146.
per mansuefactos propagandi sint docet AND. SCHOEN-
BERG ANDERSSON. Cum vrograllis maioribus
(*Auerhaehne*) res haec plane non succedit. Nam
aetate prouectiores si capiantur, raro captiuitatem p. 147.
diu tolerant, sed moriuntur, pulli nutriti nunquam
fatis mansuefiunt. Vrogallorum minorum oua, gal-
linis domesticis supposuerunt, sed pulli, qui inde
prodierant, semper mortui sunt frigidi vel calidis-
simo tempore, et antequam morirentur, tales; indi p. 148.
cio gallinae domesticae calorem minorem esse calore
matris pullorum. Igitur ipsas feminas auium, quas
diximus mansuefactas, ouis suis incumbere decet,
quod fieri oportet in loco separato ab aliis auibus, p. 149.
oua destructuris, et superne vel aperto, vel ita, vt
prospectus tamen pateat, clauso, v. g. si rete tega-
tur. Haec opera cum auibus his domi educandis
adhibenda sit, dubitat auctor an vnquam vtilitatis
caussa domesticas haberi, vsui futurum sit, inprimis
cum vtcunque mansuefactae, saepius tamen, si oc p. 150.
casio offeratur, syluas repetant.

9. *Nouas obseruationes de hortis aquandis* edit 10. p. 151.
LECHE. Similes sunt illis, quas ex anni 1758 tri-
mestri 1. Art. 8 olim adduximus*, nisi quod iam, non
pinguissimam humum, sed mediocritati propriorem,
hortensem tamen, sumserit. Ceterum eodem
tendunt, quo priores: aquationem multo copiosio-
rem esse debere, quam vulgo est.

10. *Singulare phaenomenon in cremore lactis, dum* p. 155.
butyro cogendo adhibebatur obseruatum narrat 10.

IVST.

* vid. Comment. nostr. Vol. VIII. Part. I. p. 9.

IVST. WAHLBOM. Aestate ficcissima et calidissima anni 1758, cremor lactis dum in eo erat, vt in butyrum coiret, aquae ad modum limpidus euasit, foetens vt oua putrida. Eum vel fues auersatae sunt. Causa nulla detegi potuit in pascuorum, aut vavorum conditione, tandem alumine, addito remedium repertum est, sed tunc pluuia contigit cum tonitru, et postea vitium cremori nullum amplius fuit, vt remedii opus non amplius esset. Lac singulare nihil habuit. Satisque bene ab eo cremor p. 156. secessit. An calore cremoris particulae in tantam tenuitatem dissolutae sint, vt cum separarentur, statim in putredinem abierint? Aqua marina eo calore (22 - 27) graduum thermometri Suecici foetuit et acido sapore fuit.

Trimestre tertium.

p. 159. I. IOAN. CAR. WILKIVS dissertationem de *fulmine electrico* (v. Trim. II. art. I.) continuat, et suas inprimis coniecturas edit.

p. 170. 2. *Cinerum clauellatorum calcinandorum methodum* docet ALEX. FYNCK. Calcinatio eo redit, vt pinguedo in cineribus nigris, quos vocant residua, consumatur. Huius viam aliquanto emendatorem iis, quas KVNKELIVS in arte vitraria et SCHLVTERVS in descriptione rei fusoriae (*Vnterr. von Hüttenw.*) docuerunt, Noster ostendit.

p. 181. 3. *Brachia paxillosque rotarum* qui vbi ferrum cuditur vel malleos regunt, vel folles agitent, ope *annulorum* ex ferro fusorum superficiei exteriori axium applicare docuerat RINMANNVS (1758 Trim. I. art. 3.) sed annulos hos ex ferro fuso non satis firmos esse, experientia docuit. Igitur quomodo ex ferro malleis cuso fiant, docet O. HOLMGREN.

4. HOLM-

4. HOLMGRENIO *respondet* suumque inuen- p.183.
tum tuetur S. RINMAN.

5. *Tubum aquae spectandae*, vt vocare ipsi libuit, p.186.
describit DANIEL THVNBERG. Instrumentum
est, quo fundus maris ad multo maiorem profun-
ditatem, quam oculo nudo, spectari potest.

6. *Valorem politicum hominum et regionum* calculo p.187.
subducere quomodo liceat, exemplo *Parochiae Laihela*
ostendit EPHR. OTTO RVNEBERG nixus descri-
ptione parochiae, quam anni 1758 trimestri 2 edidit.

7. *De aratris Suecicis* commentatur ANDR. p.199.
BERCH, theoriae aratri perficiendae geometriam
et staticam adhibens.

8. *De aetate piscium* differit IOAN HEDER- p.222.
STRÖM. Eius characterem desumi posse credit ex
numero annulorum vertebrarum dorsi, inprimis in
piscibus paulo maioribus, spinisque satis ficcis con-
spicuo. Rationibus nititur his potissimum. 1) An- p.224.
nulorum numerus in eadem vertebra, ad vtrum-
que latus idem est. 2) Maiores minoresque ver- p.225.
tebrae, eiusdem piscis, eundem habent annulo-
rum numerum. 3) Maior minorque piscis eius-
dem generis eundem habent vertebrarum nume-
rum. Sed 4) plane diuersum numerum annulo-
rum; maior enim 12, 15, vel plures in quavis
vertebra ostendit, minor vix 2, 3, estque nume-
rus annulorum, circiter magnitudini piscium pro-
portionalis, nunquam minor piscis repertus est tot
aut plures annulos habere, quot maior. 5) In
piscibus, de quorum aetate aliunde constabat, nun-
quam hic calculus fefellit. 6) Vertebrae confide-
ranti patet augeri per accrescentiam ex medulla
obli-

- oblique versus exteriora, quo tum longitudo tum crassities piscis augeatur. Extimi annuli plerumque molliores, obscuriores, tenuiores sunt reliquis, paulatim cartilaginis consistentiam consequuntur, tandem osseam. Igitur pisces, quorum annuli extimi, ut reliqui induruerunt, incrementi sui limites attigisse censet. Haec piscium generibus applicat. Lucio minimo, ponderis 3, 4 semunciarum, annum dat. In maximis, duas vlnas longis, $1\frac{1}{2}$ *Lisspfund* ponderantibus, nunquam plures 12, 13 annulos reperit, tot igitur annos vixisse censet.
- p. 227. Ceterum, si ut Noster credit, piscis quilibet statotempore terminum incrementi sui attingit, non nisi usque ad hoc tempus annulorum numerus augebitur, nullum amplius aetatis indicium in senioribus, si vero tota sua vita crescant pisces, semper aetas ex annulis colligetur. Vfus in oeconomia est, ut piscibus iunioribus parcatur, piscinaeque construantur, si constet mox ex piscibus maturitatem consequutis fructus percipi posse.
- p. 229. 9. *De terrae motu in Lappmarchia Kimi nocte ante Ianuarii primum diem 1759* obseruato refert
- p. 232. HENRIC. WEGELIVS *Ph. M. et Pastor*. Quatuor dies ante terrae motum (phaenomenon Lapponibus vicinis plane incognitum) 27 Dec. barometri altitudo minima fuit, quam dum hic vixit noster obseruauit digitorum decimalium Suecicorum 23, linear. $9\frac{1}{4}$. Eadem 27 Dec. subito tussis satis grauis, fere vniuersos inuasit, quam ex insigni hac aeris leuitate nasci potuisse Noster suspicatur. Sita est habitatio nostri *Vtsjoki* in latitudine grad. 69 min. 52. In meteorologicis haec anno 1758 obseruauit: Ver exeunte Aprili demum incipit; nix ex aruis demum Maii 9 secedere incipit. Aues aestiuae 12 redeunt. Betulae folia Iunii 9 prodeunt, mox aliae arbores et

et plantae sequuntur. Aestas huius anni frigidior p. 235. paullo fuit, quam alias solet; calor maximus Iulii 4 graduum 22 thermometri suecici.

Trimestre quartum.

1. *Quae physici ad iridem explicandam excogitarunt* recenset THORBERN BERGMAN. p. 239.

2. *Parochiam Olhem* in regione Calmariensi sitam p. 252. describit ANDR. WYKSTRÖM, sub finem refert de incola huius parochiae, inde a natiuitate surdo et p. 265. muto, qui proprio, quantum constat, Marte legere et scribere, et subductionis additionisque calculos perficere didicit. An intelligat, quae legit, fatetur Noster, etsi adhibita opera, percipere se non potuisse, ea tamen signa notitiae rerum diuinarum edidit, quae, ut ad sacram coenam admitteretur, effecerunt. Maritus est et pater, piscatione imprimis familiam sustentans.

3. *Vomitum chronicum ex spica secalis et capitulo centaureae scabiosae Fl. Su. 708 deglutitis*, describit PETR. ZETZEL. Miles Suecicus postquam diu tussi et vomitu continuo haec duo eiecit, duobus diuersis temporibus id Martio 1758 contigit. Intrasse corpus videntur sub finem anni 1757, ubi frigori arcendo manipulum secalis corpori capitiq. imposuerat sicque obdormiuerat. Ceterum eiecta ZETZELIVS non ipse vidit, sed ab aegro aliisque fide dignis relatum accepit. Fuisse vomitum, tussim, respirationis difficultatem, ex deglutitis his heterogeneis inde constat, quia eiectis illis cessauerant. Tamen aeger qui fuerat, dum respirationem retinet, adhuc vehementer tussit, neque falsa, acida, p. 268 brassicam, pisa, ventriculus eius fert.

- p. 269. 4. *Aquas quasdam parum salsas hydrostatice examinat* JAC. FAGGOT. Simul docet mari aestus
- p. 273. tempore lacum *Molar* iam frequentius intrantes fontes Holmieneses, quarum aqua plerumque ex hoc lacu per arenam et filices filtratur, falsos fieri.
- p. 273. 5. GABR. POLHEM *his a lacu natis incommodis quomodo remedium adhiberi possit breuiter ostendit.*
- p. 275. 6. *De columbis, quae interdum insigni multitudine in colonias Anglorum australiores Americae septentrionalis aduolant*, refert PETR. KALM. Est haec avis, columba macroura, EDWARDS *Hist. of Birds*. T. I. p. 15. t. 15. Palumbus migratorius, CATESBY.
- p. 276. *Nat. Hist. of Carolina*. Vol. I. p. 23. t. 23. Noster marem feminamque describit et quaedam in duumvirorum, quos nominauimus, picturis emendat, in primis ad colores pertinentia. Inter annos, quibus copiosissime aduolarunt, est 1740; ubi in primis 11 Martii stupenda multitudo harum auium inde a borea ad Pensylvaniam et Nouam Iersy ad-
- p. 280. venit. Volantes tractum 3 vel 4 milliar. anglicor. in longitudine et vnus milliar. in latitudine adeo obscurarant, vt sol non transluceret, coelumque nigresceret. Arboribus acruatim insidebant, vna dorso alterius, ad vlnae altitudinem, pondereque suo ramos femoris crassitie frangebant arboresque enerte-
bant. Aliquot diebus post, ingens illarum multitudo
- p. 282. in mari vitam finiit. Hac multitudine singulis 11 aut 12 annis, vel interuallis interdum longioribus aduo-
- p. 283. lant: semper Februario aut Martio mensibus; vel ob penuriam glandium aliorumque feminum, quibus vescuntur in regionibus, ubi plerumque habitant vel ob hiemem ibidem solito feueriorem et longiorem, qua fit, vt pabulum sub niue reperire non possint, inde litora maris, ubi clementior est hiems,
quae.

quaerunt. Habitant aestate imprimis in desertis p. 285.
Canadenfibus, quae gallicas colonias ab anglicis
feiungunt, rariores in locis cultis.

7. *Luem rangiferorum* in Lapponia describit et p. 295.
quomodo illi remedia adhibeantur docet NIC. GISS-
LER. Lues eadem est cum alia equis et bobus in-
festa. Sub finem ex transactionibus anglicis refer- p. 301.
tur, vtiliter inoculari.

8. *Animalculum*, *Fennis Tuhcuri* appellatum de- p. 302.
scribit IO. LECHE. Systematicum nomen est
Viueria fusca, ore albo. Berolinensibus *Naerz* di-
citur, cum pellis color non admodum viuudus, nec
variegatus sit, plerumque mitris rusticorum adhi-
betur. *Mustela plantis fissis, cauda tota alba*, pellium p. 305.
genus praebet, Gedanensibus *Lassitski* appellatum.
Fennis Nirpa vocatur. Noster pellem solam vidit,
animal autem fennicum esse, et nondum descriptum
monet.

9. *Observatorii Holmiensis latitudinem* determinat p. 305.
PETR. WARGENTIN, vsus altitudinibus meridia-
nis fixarum proxime ad verticem transeuntium, ex
quibus illam definit quam proxime graduum 59 p. 313.
Min. 20 Sec. 31, 3.

10. *De frigore insolito Torneae observato* refert p. 314.
ANDR. HELLANT. Contigit Ianuarii 5, 1760,
graduum 89 celsianorum, hoc est 71 Reaumurianor.
Tantum nunquam observatum fuit Torneae, vbi inde
ab anno 1737 quotidianae instituuntur observatio-
nes meteorologicae. Illo anno 1736 Ian. 6; ma-
thematici galli observarunt thermometer descen-
dere ad gradus 37 Reaumurianos, quod frigus ad
hoc vsque maximum fuit. Holmiae, Ianuarii 6;
O 2 1760,

1760, mane frigus fuit graduum 23 Reaumur. quae dies frigidissima ibi fuit post Febr. 21, 1751. Ventus sub frigore illo intensissimo Torneae spiravit leniter N. W; Barometri altitudine existente 25, 75 dig. Suec. *.

p. 317. II. *Aquas aliquas in supplementum n. IIII. examinat* IAC. FAGGOT.

II.

De admirando frigore artificiali, quo Mercurius est congelatus, dissertatio in conuentu publico Academiae scientiarum, celebrationi diei anniuersarii nomini Elifabethae Augustae toti Russiae feliciter imperantis sacri dicato, praelecta Septembris VI. MDCCLX. a I. A. BRAVNIO, Academiae Scientiarum membro, et Philosophiae vtriusque Professore ordinario. Typis Acad. Sc. Imperialis Petropolitanae. 4 pl. 4.

Quanquam de admiranda hydrargyri congelatione, nuper primum Petropoli a Cl. V. IOSEPHO ADOLPHO BRAVNIO obseruata, iam ad Lectores nostros retulimus **: tamen quum nunc sub manibus habeamus dissertationem, ea de re ab ipso hoc V. Cl. scriptam et euulgatam, iterum de hoc argumento agere, et, quae ibi omissa sunt, ex

* Frigus naturale Petropolitanum BRAVNIVS artificiale ad gradum huc vsque incognitum perduceret Dec. 25; 1759; erat graduum Delislianorum 201; qui respondent Reaumurianis 33 infra 0.

** vid. Comment. nostr. Vol. VIII. Part. II. p. 357 seqq.

ex hac dissertatione supplere, ac cogitata Auctoris de hoc phaenomeno simul indicare, partium nostrarum esse credimus.

Quum Cl. BRAVNIVS d. 25 Decemb. 1759
ft. v. hydrargyri globum congelatum e bulbo thermometri confracto exemisset, deprehendit eum solidum, eumque tudite mortarii tufum in lamellas p. 8.
extendit, quae scalpello facile poterant secari. Durities eius paullo minor duritie plumbi, aut huic par videbatur, cuius etiam clangorem percussus edebat. Color a colore fluidi vix differebat; apparebat vt argentum politissimum, tam in superficie conuexa, quam vbi sectus erat. In hoc experimento superficies hydrargyri in thermometro congelati subsiderat ad gradum 530 scalae *Delisleanae*.
In posterioribus experimentis plerumque mercurius ad 680 et 700 descendit, et bulbi rimas egerunt; imo descendit aliquando ad gr. 1500, et tunc bulbus thermometri prorsus diffractus erat, ita vt hydrargyri congelati globus e bulbo excideret. Hoc lapsu per tres circiter pedes globus solidus mercurialis in superficie paullum compressus factus est. Quo p. 9.
maius erat aeris frigus, et quo fortior spiritus nitri, niui affusus, eo facilius et celerius experimentum succedebat. Attamen aqua fortis bonae notae vix minorem quam spiritus nitri fumans vim ad hunc effectum habuisse saepius visa est. Quin simplicem spiritum nitri congelationem hydrargyri efficere posse deprehendit, hac adhibita arte: impleuit aliquot vasa vitrea niue leuiter compressa, et postquam thermometrum in primum vas immerferat illud inde extractum immerfit in secundum, antequam frigoris gradum ibi acceptum notabiliter amiserat, et sic extractionem et immersionem alternatim pro reliquis vasis continuauit; quo facto vidit, in qualibet noua immersione hydrargyrum profundius subsidere, et

- in quarta iam in solidum corpus mutatum esse. Con-
- p. 11. stanter obseruauit, hydrargyrum in thermometro primum lentius, deinde autem cum summo impetu descendere: punctum autem, in quo impetus ille incipiat, esse incertum. Quotiescunque aquam fortem sic affudit, vt in bulbum thermometri, non totum niue obiectum, ea incideret, hydrargyrus prius adscendit quam descendit. In thermometris diuerso hydrargyro impletis differentiam aliquam effectuum notauit. Scilicet mercurius e sublimato
- p. 12. reuiuificatus lentius frigore contrahi visus est, et in aliquo thermometro, quod talem mercurium continebat, non solum eius descensus fuit tardissimus, sed etiam frigus 300 gradibus maius ei conciliari non potuit, licet in aliis thermometris hydrargyrus vulgaris, sed consueta enchiresi depuratus, sub iisdem circumstantiis congelasceret. Quare verisimile iudicat, hydrargyri purioris congelationem difficiliorem esse, quam impurioris. Hoc autem constanter obseruauit, mercurium reuiuificatum vitro thermometrorum aliquantum adhaerere, et quasi vnguinosum videri.

- Ceterum, quum ex hisce experimentis clarum
- p. 16. sit, hydrargyrum, quod fluidus sit, a calore habere, statum naturalem eius Cl. Auctor putat esse statum soliditatis. Gradum caloris, quo ex solido fiat fluidus, admodum quidem paruum esse liquet: sed quantus ille sit, exacte definiri non potest, quum punctum congelationis hydrargyri in thermometro ob varias causas, quas Auctor recenset, incertum sit. In-
- p. 17. terim gradum 650 scalae *Delishianae* pro medio puncto congelationis hydrargyri haberi posse statuit. Ad hunc ergo exiguum gradum caloris hydrargyrum fluidum reddi censet, quemadmodum, obseruauit plumbum liquefcere ad gradum 320 supra circumfram scalae, stannum ad gr. 170, bismutum ad gr.

494, zincum vero ad gradum caloris maiorem eo, quo hydrargyrus ebullit,

An in permagno frigore condensatio et dilatatio hydrargyri adhuc certam legem et proportionem feruent, merito dubitari posse existimat. Certe p. 20. spiritus vini contractionem cum mercurii contractione in gradibus frigoris maioribus neutiquam conuenire expertus est; nam thermometris, spiritus vini rectificatissimi plenis, cum thermometris mercurialibus, quibuscum satis exacte in aere concordabant, in eandem materiem frigorificam immersis, vidit hydrargyrum iam congelatum, quum spiritus vini vix ad gradum 300 descendisset. Vnde apparet, frigus tam ingens, vt hydrargyrum solidum reddat, non sufficere tamen ad spiritum vini rectificatissimum congelandum. Et hinc concludit Auctor, posse thermometra spiritum vini rectificatissimum continentia ad maiorem vel minorem frigoris intensissimi gradum indicandum adhiberi, etiam si mensuram nullam gradus frigoris praebeant.

Quod hydrargyrus in thermometro, vt supra diximus, nonnunquam prius adscenderit, effuso super niuem spiritu nitri, quam descenderit, eius rei causam monstrat, in secunda quidem adfusione, esse calefactionem aquae, e niue iam soluta factae, a spiritu, in sequentibus autem affusionibus, maiorem gradum caloris in spiritu, quam in hydrargyro iam vehementer frigefacto. p. 21.

Quantum alii spiritus acidi ad frigus efficiendum valerent, multis experimentis inquisiuit. Summa experimentorum haec est. Thermometro monstrante in aere gradum 159, et deinceps 155, spiritus salis marini niui affusus auxit frigus naturale 30 gradibus, spiritus salis ammoniaci 10, oleum vitrioli 35, spiritus nitri fumans 58, aqua fortis 40, spiritus nitri simplex 30, liquor anodynus *Hofmanni* p. 22.

32, liquor sic dictus *Befluscheuii*, vel *Lamottii* 32, spiritus cornu cerui 10, spiritus sulphuris 10, spir. vini rectificatissimus 20, camphoratus 15, gallicus 12. Spiritum aceti, et succum citri nullum notabilem frigoris gradum dare; vinis autem nonnullis 6 vel 8 gradus frigoris effici obseruauit. Oleo vitrioli nunquam potuit hydrargyrum in solidam massam conuere. Monet autem, solam niuis a spiritu affuso solutionem non sufficere frigori creando, sed necessariam esse mixtionem vtriusque, vt nouum fluidum inde prodeat. Nam olea quaedam essentialia, quae niuem quidem soluunt, veluti oleum menthae, terebinthinae, succini, cet. sed cum ea misceri nequeunt, nihil plane frigoris praebuisse expertus est. Vnde etiam rationem reddi posse autumat, cur niuis ab aqua forti solutio instar pultis permaneat mollis, licet aqua fortis in frigoris gradu 204 gelascat: nempe solutionis et mixtionis continuationem impedire, ait, quo minus in glaciem perfectam abeat massa. Liquida illa, quae cum niue faciunt frigus, pleraque calefaciunt aquam; et super hac re sequentia ex propriis obseruationibus summam annotat Auctor. Quum aqua, spiritus, et thermometer ad eandem temperiem, nempe ad gradum 128 redacta essent, oleum vitrioli aquae instillatum caloris augmentum effecit graduum 35, spiritus salis marini 10, spir. nitr. dulcis 15, liquor anod. *Hofmanni*, et liquor *Befluscheuii*, nec non spir. vini rectificatissimus 10. Spiritus vero salis ammoniaci, spir. sulphuris, spir. cornu cerui aquae temperiem non mutarunt.

Denique confidit Vir Cl. fore, vt vbique terrarum, vbi frigus naturale saltem graduum 175 haberi possit, hydrargyri congelatio aliis etiam succedat, methodo sua experimentum repetituris; et sub finem dissertationis suae notat errorem in determinando gradu caloris, quocum hydrargyrus ebulliat, vul-

vulgo commissum, quem dicunt esse 600 scalae *Fahrenheitianae*, seu $323\frac{1}{3}$ *Delisianae* supra 0, ipse vero deprehendit esse gradum 709 illius, seu 414 huius scalae ad minimum; cui consequens est hydrargyrum a summo, quem fert calore, ad congelationem usque condensari circiter $\frac{1}{16}$ voluminis, quod ebullitioni proximus occupet. p. 28.

III.

Theoria generationis, quam pro gradu doctoris medicinae stabilivit CASPAR FRIDERICVS WOLFF, Berolinensis. Halae 1759. 4, pl. 18 $\frac{1}{2}$, tab. aen. 2.

Multum iam per aliquot secula torfit physiologorum mentem et industriam theoria generationis, difficilima admodum explicatu, cuius forte aliqua momenta nos latere voluit sapientissima creatoris providentia. Laudando tamen studio Cl. Auctor operam adhibuit, quantum potuit, ut ex principiis stabiliret theoriam, et, quum vegetabilium aequae ac animalium corporum in generatione aliquam esse analogiam cognosceret, utriusque corporis eam instituit disquisitionem, ex qua phaenomena, ad rem suam facientia, possint declarari. Vfus autem est vocabulis non nullis, quorum explanationem, quo intelligantur, quae hisce significare voluit Cl. Auctor, praemittere debemus. Est itaque illi ea actio, qua partes simplices formantur, *nutritio*, et qua totales partes formantur, *vegetatio*, et dum tota corpora, illis similia, ab iisdemque talibus producta secedunt, *generatio*. Haec ultima eo demum tempore suscipitur, quando vegetatio cessat, quare actio corpus organicum producens, Cl. Auctori *vegetatio restituta* dicitur, et si sensim ve-

getatio supprimitur, *languescens* illa audit. Quod, quatenus vtrique, vegetabili et animali, competat corpori, demonstraturo Nostro, in tres dissertationem partes diuidere eum coegit, quarum prima vegetabilium, altera animalium generationem, tertia corpora organica naturalia, eorumque formationem generatim et nexum, qui obtinet inter corpus organicum et vegetabile, contemplatur.

p. 12. *Prima* iterum pars in quatuor abit capita, quibus nutritio, seu formatio vasorum et vesicularum, vegetatio seu formatio partium compositarum et totalium constantium, vegetatio porro *languescens* et *euanescens*, siue formatio fructificationis, tandemque vegetatio restituta siue formatio embryonis illustratur. Nutritio plantarum fit per accessum succorum, qui, cum ad radicem ferantur et per reliquas partes distribuuntur, vim quandam praesupponunt, haec efficientem, quam *vim essentialem* nominat Noster: quae ab attractione vel aere et calore solis dependere non potest, quum non in omnibus locis plantae semper aequabili modo fiat. Hi autem succi, docentibus sic experimentis variisque obseruationibus, hic etiam delineatis, intrant vesiculas et vasa plantarum, hisque tum dilatatis, tum numero auctis planta crescit: in iunioribus larga mollisque, in adulationibus e contrario rigidior intercedit substantia. Haec interstitia occupat, si succi depositi quiescunt, vesiculas, in motum acti vasa efformant.

Est autem ea succorum indoles, vt mora et aquosarum particularum diffatione illi concrecant, quam Cl. Auctor *solidescibilitatem* nominat, qua pori parietum et vasorum laterales etiam pro diuersitate motus fiunt. Omnes partes itaque plantarum teretes vel longitudinales ex vasculis, folia et his analogae

p. 37. feunt, et sic in reliquis etiam recentioribus partibus, unde decrefcit iterum folium, tandemque totum, diffipatis etiam fluidis, perit. Simili modo percurrit Noster fingulas partes, epidermidem ab aeris accelfu indurari ftatuit, truncum oriri ex fimplici axeos medullaris elongatione, vafa parallela fi fubftantiam, per quam tranfeunt, ad latera premunt, illa fubftantia autem, denuo nutrita, diftenditur, tunc fibra nafcitur, quarum compositio truncum conftituit: fasciculi tales in cylindrum coacti in plantis perennibus concentricos circulos efficiunt, varia vero earum coniunctio diuerfam truncis figuram reddit. Gemma fit, dum continuatis foliorum intercapedini noua fubftantia, vi effentiali depofita, adplicatur. Quum autem omne illud plantarum incrementum rationem quandam in fuccorum folidefcibilitate et vi effentiali habeat, ex diuerfa vtriusque indole porro Noster plantarum etiam differentias deducit, fimulque arbitratur, curiofum problema fore, fi ex datae cuiusdam plantae gradu folidefcibilitatis et vis effentialis regulae generales formentur ad figuram plantae et compositionem charaeterifticam eruendam.

p. 47. Sed ad aliud nunc progrediamur phaenomenon, patet nempe, praefciffis partibus plantae, fructificationem accelerari, ex quo concludit Noster, imminutam quantitatem fucci nutritii eius cauffam effe, et hanc *vegetationem languefcentem et euaneſcentem* vocat. Imminuitur autem fucci accedentis copia a vafis, quae tamdiu magnam admittunt copiam, vsque dum adoleſcentia rigida fiunt, tandemque imperuia reddita nullam. Vegetationis fuppreſſae effectus funt, incrementum parcius, excretionis retardatio, plenaria quies, in hoc itaque cafu folia paucioribus ramificationibus conftantia procedunt, et propulfiones nouae aliis incluſae deprehen-

henduntur. Floris originem in fabae femine pro- p. 51.

pullulante inquit Cl. Auctor, in quo ante euolutionem omnia ex crySTALLINO quasi humore constantia inueniuntur, calyx ex imperfectioribus foliolis externis nascitur, quod autem succi ab axi et puncto vegetationis repelluntur, inter stamina et radicem calycis petala erumpere coguntur, si petala solidescentia resistantiam superant, vt vegetatio ordinarium sequatur ductum, simplex, sin minus, noua petala formantur, flos multiplicatus vel plenus existit, cuius color ab aere exsiccante varius fit.

Anthera punctum vegetationis sistit et globulum refert, in quem ex laterali substantia solidescente excernitur corticalis, quae cellas siue loculamenta distendit, tandemque exsiccata dirumpit, succus nempe exsiccatus diuisusque in pollinem fatiscit simul dum adulescunt stamina, resistantia in interiori loco superatur, et ex globo in cylindrum exsurgit pistillum. Vbi et hic vegetatio languescit, pericar-

p. 61.

pium fit ex fibris longitudinalibus, inter quas excernitur noua substantia medullaris, quae feminibus circumfusa loculamenta format pro seminum numero, medullaris substantia nouae propulsionis corticalem constituit, et semina format. Hoc facto nunc omnis vegetatio plenario cessat, quum in omnibus *locis vegetatoriis* nutrimentum deficiat. Si

p. 65.

ergo nutrimentum iterum suppeditatur vegetatio etiam restituitur, nutrimentum autem perfectissimum in antherarum puluere est. Ex recentissimis propulsionibus, quae nutrirı possunt, semina sunt, et eorum rostellum, quare hic locus *vegetationis restitutae* existit. Rostello nimirum noua imponitur axis, quae partem eius medullarem dilatat, et noua folia, quae feminalia vocant, format, eademque imperfectiora sunt. Haec in femine adhuc contenta, embryonem vegetabilem constituunt, qui esse-

effectus est restitutae vegetationis. Vis quoque essentialis rationem continet, quare succi ex lobis feminalibus, qui partem optimi nutrimenti, a rostelllo refutata, recipiunt, ad plantulam referantur. Quum itaque pollinis applicatio, tanquam perfectissimi nutrimenti, conceptionem faciat, et pollen semen masculinum ea propter fit, nunc concludit

p. 71. *Noster: consequenter essentia conceptionis in mera perfecti nutrimenti suppeditatione, seminis masculini vero in mera summi gradus facultate nutriendi consistit. et conceptio praeter suppeditationem perfecti nutrimenti ad completum pistillum, et pollen qua semen masculinum praeter illud perfectum nutrimentum ipsum nihil est.*

Eodem modo Cl. Auctor in secunda dissertationis parte *generationem animalium* perpendit, observationibus, ex ovo incubato desumptis, nixa, quae delineationibus in tabula addita confirmantur. In embryone itaque gallinaceo, per viginti octo horas, et in alio per triginta sex horas incubato, embryo quidem, sed ex meris globulis, leuiter cohaerentibus constare visus est, in quo neque vasa, nec sanguis ruber, nec pulsatorius aut tremulus motus observabatur. Quum vero embryo ex oui substantia nutritur, sine vi cordis, vasorum atque musculorum, vis illa ipsi essentialis dicitur, qua mediante succi nutritii per substantiam, ex globulis factam, transmittuntur. Exemplum simul adducuntur, quibus putat Noster hanc vim in adulto etiam corpore demonstrari, quum non in omnibus punctis corporis nostri vasa appareant, ossa pro ratione voluminis paucissima habeant, medicamenta, extus applicata

p. 74. *intus ferantur et alia. Porro clarum est, succos animales in solidum corpus mutari, id est, ut nominat, solidescere, sed tardius ac in vegetabilibus. Percurrit hinc Cl. Auctor omnia, quae in*

ouo

ouo incubato perspiciuntur, momenta, et suam inde opinionem declarat. Deprehenditur nimirum in vitelli superficie macula alba, circa quam varii ducuntur circuli, in quibus rubrorum vasorum vmbilicalium primordia tandem prodeunt. Circuli duplicis generis sunt, alii ante incubationem deteguntur regulares, alii secundo demum post incubationem die minus regulares, hi delineantur in substantia alba superficiei vitelli adhaerente, huius area per incubationem dilatatur, eam etiam percurrit materia subtilior, vt insulae existant, et in centro formatur embryo, hae insulae quoque e decurrente materia alba tandem penitus destruuntur, et color eiusdem in obscurum, fuscum, rubescentemque mutatur, qui in corde demum palpitacionem faciat. Huius mutationis delineatio exhibetur, de quo invento ita laetatur Noster, vt felicissimum experimentum hoc arbitretur, quo naturam deprehendit.

Materia haec alba per resolutionem ex vitello p. 78. deducitur, quae a calore excitatur, ad quod negotium simul vim essentialem accedere iudicat; sed quum corpora mota ad locum, vbi minor resistentia est, ferantur, materiae illius subtilior pars per interstitia insularum decurrens, vias cavitatum constituit, et a latere sibi vniens alias ramificationes efficit, accedit irritabilitas et cordis vis, qua tandem ex depositis et repulsis particulis canalis enascatur. In embryone recentissimo nullae arteriae conspiciuntur, quae a materia excreta deinde formantur, namque inorganica animalium pars, nutritione subsequenti demum organica redditur. Pori siue meatus, per quos fit excretio, continuantur per nouam materiam excretam in ramos, qua occasione quaestionem, num noua in adulto vasa efformentur, diluit Cl. Auctor, ad eamque affirmando respondet, simul-

p. 87.

mulque in primam causam respirationis inquit, quam in sanguinis difficili circulatione per nuda vasa umbilicalia et placentam, aeri frigido constringenti, sanguinem coagulanti exposita inuenit, vnde anxietas et repressio sanguinis ad pulmones, nec non dilatatio thoracis facilitans, tandem introitus aeris dilatationem vasorum pulmonalium promouens. Singula arteria habet comitem venam, quae vt arteriae ob motum fluidorum, vi irritabilitatis acceleratum, cavitatem internam politam accipiunt; hinc ob magnum etiam motum in arteriis valvulae nullae, ob tardiores in venis multae nascuntur, in vtrisque ob meatuum coniunctionem anastomoses fiunt. Inde autem inter corpora organica plantarum et animalium differentia patet, quod illa cito rigescentia desinant crescere, ob mollitiem vero aliquam animalia perpetuo augeantur. Porro nunc vegetatio corporis animalis consideratur, et extremitatum renumque formatio ex observationibus suppeditatur, ex quibus constat, has partes ex cellulosa substantia, spinae dorsali circumfusa, efformari. Hanc cellulosa autem coniicit ex vasis spinae excerni et meatus vasaque inde fieri. Quare vegetatio partium corporis animalis per excretionem contingit. Haec excretio tamen non in infinitum augetur, sic succis ex vno loco in alium ob varias causas derivatis, partes quaedam decrescunt, contrahuntur, in figura mutantur, vel euanescent, aliae excernuntur, augentur, perfectioresque fiunt. Tandem ex his conceptio, vt in plantis, declaratur, quae per sperma, tanquam perfectissimum nutrimentum, praestatur. Ad quam rem demonstrandam vtitur Cl. Auctor consideratione nutritionis adulti, quae perfectior semper esse debet, quo propior est ortui homo, et sine nutritione nullum corpus augetur. In feminae autem corpore ad eum gradum perfectionis

nis nutrimentum elaborari nequit, qui requiritur, neque exigua feminis quantitas obstat, quum ipsum corporis animalis principium sit admodum exiguum.

Ex his itaque praemissis Noster in *tertia* dis. p. 105. fertationis parte tribusque eius capitibus *de corporibus organicis naturalibus, eorumque formatione generatim, et de nexu, qui obtinet inter corpus organicum et vegetabile*, agit, tandemque *ad theoriā generationis spectantia quaedam scholia* subiungit. Principia generationis sunt vis essentialis et solidescibilitas, attributa autem corporum organicorum generalia sunt, quod omne corpus organicum gaudeat parte una, qua mediante reliquis omnibus nutrimenta traduntur, et aliis partibus, quae ab illa unica omnes nutrimenta recipiunt, seu constet ex trunco et ramis. Hi cohaerent cum trunco vel in vno tantum puncto, et reliquis separantur, has partes appellat Noster *diuersas aut separatas*, vel in tota perimetro cum substantia trunci confluunt, sua tamen structura a trunci substantia distinguuntur, et sunt partes *distinctae*. Vel plane a trunco non differunt, et sunt *imaginae*. Diuersae excretionē, distinctae depositione, imaginariae distensione per fluida introducta fabricantur. Omnes successiue demum organificantur. Corpora naturalia itaque, in quibus nouae sic partes p. 115. producantur, *vegetabilia* dici debent, principia tamen ea producentia, sunt vel essentialia vel accessoria. Essentialia, vt dictum est, in vi essentiali atque solidescibilitate ponuntur, accessoria iterum duplicia habentur, nempe essentialia et accidentalia. In plantis structura vascularis est principium vegetationis accessorium essentialē, calor externus accidentale. In animalibus motus fluidorum, a mechanismo cordis et arteriarum partiumque irritabilitate

proueniens, principium constituit vegetationis accessorium essentiale, idem motus a voluntate auctus, principium facit accessorium accidentale. Haec autem principia accessoria, quum vegetationem facere nequeant, eam tamen promouent atque modificant. Quod quidem in animalibus ex cohaerente vasorum
 p. 119. systemate exacte praestari ulterius demonstratur, siquidem systema vasorum fit machina, fontibus corporis organici et locis vegetationis interposita, qua hisce nutrimenta, ab illis suppeditata, transferuntur. Hinc circulatione et reditu per venas, cum arteriis nexas, opus est: simulque patet corpora vegetabilia non machinas sed inorganicam substantiam esse, machinamque illius esse productum. Arripit simul hanc occasionem Cl. Auctor atque in medicinam sic dictam mechanicam inuehitur, fusc demonstraturus, eam, quatenus ex principiis anatomicis deducitur, esse systema imaginarium, quam quidem doctrinam consulto praeterimus. Ex scholiis tantum notamus, imaginationis maternae vim Cl. Auctori non videri denegandam, quod explicari nequeat: similitudinem infantes inter atque parentes occurrere, eiusque causam ab vtrisque esse, ea nempe, quae compositionem corporis iam subierunt magnam habere vim in ea, quae assumuntur: monstra esse producta luxuriantis vegetationis.

Clarum itaque est Cl. Auctorem voluisse demonstrare, quum nihil praeexistat in corpore animali et vegetabili, quod rudimentum eius sit, omnia ex minimo puncto, etiam inorganico, organica fieri et quidem per ἐπιγένεσιν. Ad illa efficienda maximopere requiri vim essentialem. Sed quum eius natura declarari nequit, an multum differt a vi plastica veterum? Laudanda tamen est industria et multus operi adhibitus labor.

IV.

D. IO. HIERON. KNIPHOFII, Pathol. et Prax. in acad. Erfurt. Prof. Publ. Ordin. Facult. Med. Senior. et Assess. Primar. Acad. Caesar. Nat. Curiosor. Adiunct. et Bibliothecarii, Botanica in Originali seu Herbarium viuum, in quo plantarum tam indigenarum quam exoticarum peculiari quadam operosaque enchiresi, atramento impressorio obductarum nominibusque suis ad methodum illustrium nostri aevi botanicorum LINNAEI et LUDWIGII insignitarum elegantissima ectypa exhibentur opera et studio *Ioannis Godofredi Trampe*, typographi Halensis. Halae Magdeburgicae. fol. Centuriae I-VIII. ab anno 1756-1761.

Licet titulus libri ipsius ample satis, quid in eo contineatur, indicet, et nos etiam alibi *) declarauerimus, qua ratione instituto, in rem herbariam proficuo, satisfaciendi captum sit consilium: non tamen, quod magnis in arte viris illud non displicuisse ex variis documentis constat, intactum plane ulterius praetermittere voluimus. In primis, quod in octo illis, interiecto temporis spatio editis plantarum centuriis, inueniamus aliquas, nondum quidem alibi delineatas plantas. Multi autem, quorum merita in hunc librum extant viri, KNIPHOFII, BÜCHNERII, LUDWIGII, LINNAEI, suis quisque tum consiliis, tum additis plantarum speciminibus locupletarunt hanc collectionem, ut illa sensim plantarum rariorum exemplis fuerit ditata. Quum enim, ut supra monuimus, ex Cl.

P 2

KNIP-

*) Vid. Comment. Nostr. Vol. V. P. II. p. 366.

KNIPHOFII confilio olim iam eiusmodi plantarum exsiccatarum, atramento typographorum obducta specimina imprimerentur, quorum numerus satis insignis erat, paucissima autem extent earum exempla, Ill. BVCHNERVS deinde huius instituti praestantiam bene perspiceret, ex eius nutu, fauente Cl. KNIPHOFIO, instructus fuit TRAMPIVS, qui denuo, idoneo plantarum apparatu exhibito, istud artificium renouaret. Id, quod eiusmodi ab eo tentatum est successu, vt pro laudabili, quam adhibet, solertia formas plantarum satis nitide referat. Dictum est de his, quae exposuimus, in singulari quadam, duabus primis centuriis addita, auctore Cl. KNIPHOFIO praefatione. Sed quo iis etiam utilis euadat collectio, qui, quodcunque demum systema sibi eligunt, pro sua norma velint plantas digerere, singula et vnica singulari folio impressa habentur, adscriptis nominibus genericis atque specificis. Haec ex LINNAEI systemate, eiusque noua editione aequae ac speciebus, nec non ex LVDWIGII definitionibus generum, et quidem in duabus vltimis centuriis ex nouissima editione desumuntur. Vbi vterque auctorum nominibus conueniunt, in vna linea simul dicta haec scripta habentur, si discrepant, in diuersis lineis nominum discrepantia indicatur, quibus semper triuiale sic dictum nomen Linnaeanum adiicitur. Inter eas etiam exempla occurrunt plantarum succulentarum, quae alias eiusmodi operi minus videntur idonea, feliciter tamen expressa, nec non plantarum rigidis admodum foliis instructarum, vt Mesembryanthemi crystallini, Royenae lucidae, Basellae, Cacti, etc. Ex submarinis lapidescentibus plantis, fuci, lithoxyla, similiaque corpora proponuntur, quorum vsum thesaurus orphanotrophei Halensis concessit. Nullam autem singularem plantarum electionem obseruatam fuisse

fuisse comperimus, quum vulgares aequae ac indigenae & exoticae hic occurrant. In singula centuria ad litterarum ordinem digeruntur plantae, sine numero tamen, quo species in aliis centuriis occurrentes, hisce possint adiungere amatores. In nominum adpositione praecipue laudanda est Cl. DE LEYSER, cui floram Halensem debemus, opera, quippe qui eadem rite determinandi officium in se susceperat. Idem ille centuriae etiam sextae atque septimae praefationem adiecit, in quarum prima florum Halensis, a se edendae, specimen, in altera vero plantarum ad artem tinctoriam pertinentium, breuem recensitionem exhibuit, simulque muscorum et graminum icones additum iri spondet. Haec quidem de hoc opere indicare necessum fuit. Perspicient etiam, qui ipsum hoc opus perlustrabunt, adhibitam industriam in vltimis impressis plantis perfectionem semper maiorem ostendere; deficere quidem minutas floris partes, vel semper sufficientes non cognosci, sed exteriorem plantae superficiem dilucide sisti, vt characteres, speciem determinantes, in foliorum figura, situ, nexu, aliisque conditionibus, aperte appareant. Tandem titulis etiam centuriarum ornamentum aliquod impressorum florum vel ramulorum circumponi notamus, eosque in illis exemplis, quae coloribus picta sunt, pariter coloribus illustrari. Plantae vero non omnes cognitae quibusdam vsibus inseruiunt, multae olim vtilis inuenientur, quum itaque alii huius doctrinae studiosi in vniuersum rei herbariae sibi notitiam acquirere cupiant, alii eas tantum cognoscere aueant, qui in officinis pharmaceuticis adseruantur, en, nouo capto consilio, aliud opus molitus est *Trampius*, quod eiusmodi tantum vegetabilia sistit hac inscriptione:

Ectypa vegetabilium vsibus medicis praecipue destinatorum et in pharmacopoliis obuiorum variisque modis praeparatorum ad naturae similitudinem expressa, accedit eorundem culturae proprietatum viriumque brevis descriptio moderante D. CHRISTIANO GOTTLIEB LUDWIG. Ord. Med. in Acad. Lips. Decano. Halae Magdeburgicae 1760 fol. Impressit *Iomnes Godofr. Trampus.*

Nach der Natur gefertigte Abdrücke der Gewächse, welche besonders zu dem medicinischen Gebrauche bestimmt sind, und in Apotheken aufbehalten, auch auf verschiedene Art zubereitet werden. Nebst einer kurzen Beschreibung deren Wartung Eigenschaften und Wirkungen, unter der Aufsicht D. CHRISTIAN GOTTLIEB LUDWIGS, Dechants der Medicinischen Facultät zu Leipzig, herausgegeben.

Multi nimirum, quibus omnem doctrinam botanicam emetiri, et occasio et voluntas deerat, diu optauerant, earum tantum specimina collecta habere; quarum in medicina vsus est. Horum itaque desiderio satisfactorum *Trampus*, Ill. BÜCHNERI consilio excitatus a Cl. LUDWIGIO petiit, ut officinalium plantarum collectionem suis iuuarit consiliis, simulque iisdem addi curaret breuem descriptionem, finibus eiusmodi collectioni accommodatam, qui votis eiusdem annuens, ab alio quodam rei botanicae perito viro descriptionem illam elaborari

borari voluit, ipse vero, in praefatione, latina aequae ac vernacula lingua conscripta, adiecta, instituti rationes concise exposuit. Prodierunt iam quatuor fasciculi, quorum singulus viginti quinque plantas continet; sunt itaque eorum centum: singulae plantae ramus cum flore, si fieri potest, proponitur, et quidem duplici modo; vel enim impressiones plantarum atro demum, vel naturalibus imbutae sunt coloribus, quae tamen exempla distincta seorsim haberi poterunt, pretio etiam discrepantia. Horum fasciculorum quotannis duos edere animus est, nundinis nempe vernalibus atque autumnalibus, plantae in iis contentae ad ordinem litterarum disponuntur. Quod ad descriptionem attinet, primo proponuntur loco nomen plantae latinum officinale, genericum dein recentissimorum botanicorum, Cl. LUDWIGII atque ill. LINNAEI, porro C. BAVHINI additur nomen, quippe qui in phytopinace antecessorum nomina collegit, nec non MATTHIOLI, qui plerarumque plantarum delineationes exhibuit, quae commode cum his possint conferri: tandem optimum, specificam differentiam indigitans, LINNAEI nomen sequitur, et earum linguarum, quae nunc praecipue in usu sunt, denominationes, ut linguae germanicae, gallicae, italicae, anglicae atque belgicae. Indicatur in descriptione locus plantae natiuus, tempus vegetationis, omnes partes fructificationis et reliquae succincte traduntur, quo eo melius discrepantia ab aliis innotescat; vires generales atque speciales adducuntur, sed primariae tantum; nec non partes, quae in nostris officinis adseruantur pharmaceuticis, et quae nam ex his medicamenta sub varia forma praeparantur. Quum itaque in his momentis positum sit cognitionis verae atque sufficientis fundamentum, cui superstruere possit quilibet, ulterius progressu-

rus, vberiore disquisitionem, nec inficiandum sit, in impressis plantis habitum earum sic dictum nitide atque naturae conuenienter sisti; non iucundam tantum atque acceptam hanc vtilium plantarum collectionem fore speramus, sed iis etiam, qui harum plantarum notitiam officii causa aquirere debent aliquam, admodum proficuum.

VI.

Dissertation sur la Ductilité des Métaux et les moyens de l'augmenter, qui a remporté le prix au jugement de l'Académie Royale des Belles-Lettres, Sciences et Arts; Par Mr. TILLET de Bordeaux, Directeur de la Monnoye de Troyes, a Bordeaux, chez Pierre Brun. 1750. 4maj. pl. 4.

h. c.

Dissertatio de ductilitate metallorum eamque augendi modis Auctore Cl. TILLET.

p. 3. **D**uctilitas metallorum, quae princeps eorum qualitas est, quae se ab aliis corporibus fossilibus distinguunt omnino, Nostro dicitur facilitas, quam certa corpora in extensione et elongatione absque laesione continui ostendunt. Qualitas haec triplicem, qua se sistit, inuoluit ideam, quarum prima extensilitas, altera malleabilitas, tertia demum flexilitas est. Triplex haec affectio in notis istis sex metallis non vno, sed diuerso, modo se manifestat, hinc in pororum constitutione diuersitas adfit, necesse est. Si quando itaque nota ista metalla vel saltem parua cuiuslibet portio sub microscopio disquiratur, aurum primo ex grumis paulo maioribus, quam

quam reliquorum metallorum grumi, compositum, sed maiori numero pororum maiorum, quam in argento perforatum apparet. Cuprum minores grumos, quam aurum et argentum, sed innumeros poros et cavitates ostendit; ferrum adhuc magis porosum, quam cuprum minimos grumos exhibet; stannum ratione magnitudinis grumorum et porositate argento simile est; plumbum denique maiores grumos, quam stannum, porosque magis apertos offert. Grumi isti, vltro examinati, ex molecùlis, quae sulcos opacos pro poris a Nostro habitos intermixtos habent, haeque ex particulis constare videntur. Dicti grumi certo quodam spatio a se inuicem distant, quod interuallum Noster vocat, cumque in grumis moleculae appareant, suo quoque spatio a se inuicem separatae, spatium hoc Cl. Auctori interstitium audit. Quodsi nunc in causam ponderis et ductilitatis auri inquiritur, haec sane ab insigni illa, quae inter grumos conspicitur, porositate dependet, illud vero non a magnitudine grumorum nec a volumine molecularum, sed a soliditate particularum, paruis istis cavitatibus destitutarum provenit. Numerus enim harum cavitatum, particulis intercurrentium, earundemque magnitudo varii metallorum ponderis causam largitur et explicationi inseruit, cur scilicet cuprum et ferrum, quorum pori perspicui magis, quam in stanno, aperti sunt, hoc tamen pondere superent.

Eadem haec porositas, quae in argento minor, p. 8. est, quam in auro, causam etiam sistit, cur illud tam facile, vt aurum, extendi nequeat. Cum enim argenti grumuli, sibi inuicem propiores, eodem, quo aurum premitur, gradu adhuc propius ad se inuicem accedant et minora inter se interualla relinquunt, illi proinde condensantur inque variis locis hiant, cum se inuicem nec deprimere nec rotarum

vim ferre possint. Sin vero argenti lamina, inter extendendum aliquoties candefiat, tunc omnino extendi se patitur; constricti enim pori receptis particulis igneis quasi cuneis diducuntur, ita ut porositate restituta lamina eapropter pristinam flexilitatem recuperet et extendi ultro possit. Licet autem perspicua metallorum porositas principem extensilitatis causam largiatur, certa tamen eiusdem proportio ad diuersas, quae metalla constituunt, partes requiritur, qua deficiente vel sublata materies, alias facillime obediens, subito pertinax euadit. Exemplum habebis, si aurum, cum argento fusum et mediante aqua forti ab eo iterum separatum disquisueris; friabile enim euadit, quidemque eam ob rem, quod pori ultra naturalem constitutionem extensi fuerant, quam statim aurum, fusum posthac, recuperat. Ex his itaque liquet, poris nimis patulis ductilitatem impediri; sed idem quoque impedimentum subnascitur; si quando pori nimis constringuntur. Exemplum largitur chalybs mollis flexilisque, qui candefactus et subito aqua extinctus flexilitatem amittit fragilisque euadit. Causa huius fragilitatis in constrictione pororum quaerenda est, quippe quae a materie, quam chalybs continet, sulphurea, igne mota et subito per frigus in interstitiis fixa, suboritur. Idem haec materies ista metallica, ex qua campanae parantur, quaeque ut plurimum ex quatuor partibus cupri vnaque stanni constat, confirmat. Vtrumque enim metallum, tum cuprum tum stannum, per se valde flexile, qualitatem hanc illico amittit, si fusione sibi inuicem iunguntur. Intrat enim stannum in poros cupri valde apertos, hos sua substantia replet et angustiores ideo reddit, inde istud, ut quodlibet metallum compositum, post ignitionem frigidum, ob imminutam porositatem, durius rigidiusque adeoque fragilius euadit.

Quod.

Quodsi itaque iusta inter metallorum poros et p. 17.
partes, quae ea constituunt, proportio ad ductilitatem requiritur, sequi videtur, ipsum harum partium volumen earumque formam plus minus regularem ad ductilitatem quoque conferre quidquam. Erit itaque omnium ductilissimum metallum, quod ex grumis constat, qui, ut in auro videre licet, reliquis metallis maius volumen possident. Quo maius enim volumen habent partes, metallum constituentes, quoue maiorem in varietate dispositionis et stratorum multiplicium superficiem inter se inuicem occupant, eo magis iunctae eae inter se inuicem esse solent eoque magis mutuo propellere se possunt, si quando fortem pressionem patiuntur. Quodsi vero pondus metalli a crassitie partium integrantium proveniat, haecque ad extensilitatem multum conferat, quaestio inde moueri potest, qui fiat, ut plumbum, quod tamen argento ponderosius est, hoc minus extensile deprehendatur? Ad hanc respondetur, duplicem partium in metallis distinguendam esse formam, aliasque irregulares et asperas, alias contra rotundas reperiri et laeues. Fac igitur, disquiratur plumbum et stannum, anne horum metallorum partes laeues et sphaericae tibi appareant? sique sit, ratio omnino in promptu est. Laeues enim hae partes et sphaericae nullam fere frictionem inter se inuicem patiuntur, seque in paucis tantum punctis attingunt ideoque ad certam quandam extensionem minus idoneae sunt, quippe quae fortem partium requirit adhaesionem, quae vero frictionem sat magnam supponit, si quando absque separatione vi cedere debeant.

His de ductilitate eiusque causa expositis, ad p. 23.
alteram dissertationis huius partem Cl. Auctor progreditur, ubi disquirat, quaenam sint subsidia, quibus metallorum ductilitas augeri possit. Id duplici modo, secundum Nostri sententiam, perfici potest:
vel

vel enim ductilitati, quae metallo propria iam est, nouus gradus superadditur, vel absque augmento ductilitatis, remotis tantum impedimentis, qualitas eiusdem naturalis perfectior solummodo seu pura obtinetur. Primus modus, vt considerate Noster monet, vel nunquam vel difficulter admodum in primis in auro et argento locum habet: necesse enim est, vt, si ductilitas augeri debeat, partium, metallum constituentium, volumen et pororum magnitudo augeatur, quod vero in auro obtineri nequit; sique in argento istud locum quoque inuenire posset, sequeretur tamen, vt argentum eandem, quam aurum habet, constitutionem obtineat. Ali- ter se res habet, si partes metallicaе, vt in cupro et ferro experimur, variis additamentis augentur, earumque pori eo adaptantur vel porositas imminui- tur, ita tamen, vt partes ipsae mutantur nunquam; tunc enim ductilitas, metallo propria, vere aucta non est, sed, si aucta ita appareat, aliunde ea deducenda habetur, quam et pro arbitrio artifex subtrahere potest.

- p. 27. Alter modus, quo sola tantum ductilitatis, cui-
bet metallo propriae, perfectio obtineatur, eiusmodi
difficultatibus implicitus non est et his fundamentis
nititur. 1) Obseruandum est, vt metallam purum
sit nec peregrinas partes aut aliud metallum ad-
mixtum habeat; alias istud rigidum magis magisque
elasticum fit. 2) Summum fusionis gradum expe-
riatur, necesse est, eoque semper allaborandum, vt
omnes eius partes a scoriis liberentur, atque massa
tota aequaliter fusa obtineatur. 3) In ferreum cy-
lindrum nec in formam, ex arena compositam, in-
fundatur; sic enim metalla melius condensantur nec
fissuras facile concipiunt. 4) Tandem requiritur,
vt metallum saepe cudatur, idemque saepe cande-
fiat; metalli enim partes sub malleo condensatae eo
dispo-

disponuntur, vt magis sibi inuicem adhaereant; candefactione autem posthac instituta partes istae non solum laxiores iterum redduntur, sed etiam flexiliores semper euadunt.

VII.

Dissertation sur la Nature et la Formation de la Grêle, qui a remporté le prix au Jugement de l' Académie Royale des Belles Lettres, Sciences et Arts. Par le R. P. BLAISE MONESTIER de la Compagnie de Iesus. Professeur de Physique au College de Tournon en Vivares. a Bordeaux. chez la veuve de Pierre Brun. 1752. 4 mai. pl. 6.

h. e.

Dissertatio de natura et formatione grandinis
Auctore Cl. BLASIO MONESTIER etc.

Duae sunt partes, ex quibus haec dissertatio componitur: prior naturam grandinis, posterior formationem eiusdem considerat. Primum caput de grandinis duritie agit, simulque ostendit, quomodo ex hac duritie conijcere liceat, heterogeneam ibi cum partibus aquosis mixtam esse materiem. Durities grandinis ex Nostri sententia nec a sola partium aquosarum quiete, nec ab ignis elementaris absentia dependet: docet enim chemia, docent alia exempla, varias commistione liquidorum, cum materie peregrina suscepta, oriri coagulationes. Ad materiem itaque frigoris, quae aequae ac ignea materies necessaria est inque aere continetur, recurrit Noster. Cum enim ignea materies omnia dilatat

tet et diuidat, breui tempore totam mundi machinam ea destrueret, nisi peculiaris frigoris haberetur materies. Haec namque densat partes corporum rursusque adunat sicque conseruat. Non exhaurienda huius materiae receptacula sub polis, medio in mari, inque gremio terrarum residere, ventisque ea circumuoluta in atmosphaeram se effundere, Nostri sententia est. Duobus his elementis adeo contrariis bellum perpetuum est, ab iisque aeris temperies et frigus et calor independent. Quod si itaque frigoris haec materies media aestate in nubi-
bus abundet, aquosos ea in iisdem vapores congla-
ciat; inde grandinis origo.

- p. 10. Secundo capite ex similitudine, quae grandini cum glacie artificiali intercedit, frigoris materiem in sale valde attenuato et admodum volatili consistere, Cl. Auctor docet. Prouocat ea propter ad experimen-
ta, quae cum aqua et quocunque sale instituuntur: si enim sal cum aqua miscetur, frigus statim perci-
pitur idque eo citius, quo citius solutio eiusdem contingit. Tantum autem abest, vt particulae sa-
lium horum concretorum ad congelationem quid-
quam conferant, vt potius eam retardent. Ad sa-
lem igitur valde tenuem valdeque volatilem, qui eo ipso tempore a concreto sale separatur, cum No-
stro respiciendum est. Manifestatur iste, si quando sal cum glacie rasa miscetur, et vasculum, aqua plenum, eo immittitur: congelascit enim ea, sed tum demum, quando miscela funditur: alias frigus non augetur. Sal enim volatilis, qui frigus efficit, ante fusionem salibus concretis glacieque rasa vin-
ctus, fusione liberatur et ad agendum aptus euadit. Iam vero inter glaciem hanc artificialem et grandinem tanta est similitudo, vt magna etiam inter vtrius-
que naturam statuenda sit affinitas. Quocirca
gran-

grandinis duritiem a volatili illo, per se non percipi-
piendo, sale dependere, colligendum est.

Tertio capite diuersa illa, nubem, in qua grando
formetur, componente materie, id, quod de natura huius meteoris dictum sit, confirmari, eademque alias, quae ei propriae sint, qualitates detegi, Cl. Auctor innuit. Si ad varia cum eo attendamus phaenomena et nubes tempore aestiuo, quo solo tantum grando generatur, consideremus, eas ex aquosis, salinis et sulphureis partibus componi, deprehendimus. Cum autem grando in iisdem nubibus formetur, eam ideo ex salinis, aquosis et sulphureis partibus compositam esse, conjiciendum est. Salinarum partium existentiam tonitru confirmat, quippe quod indiuiduus grandinis comes est, nec absque tonitru grando vnquam esse solet. Inter heterogeneas, quae cum aquosis in nube miscentur partes, salinae primum, alterum sulphureae tenent locum, haeque eadem indole praeditae eademque proportionem mixtae esse videntur, qualem in puluere pyrio deprehendimus; quare etiam fulmen, in eiusmodi nube formatum, similes imo fere eosdem effectus edit. Sales itaque et sulphur in nube abundare cumque partibus aquosis mixta esse, hisque ipsis grandinem ab aliis glaciei speciebus differre, putandum est. Hoc enim grandini cum glacie commune est, quod partes aquosas et sale quendam primigenium contineat, proprium autem, quod sales infimul concretas habeat et sulphur. Naturam tandem huius salis Noster disquirens, acidum istum valde corrosiuum esse eumque effectum, in plantis edito, probari putat.

p. 17.

In posteriori parte ad grandinis formationem
progreditur Noster, eamque quatuor capitibus exponit. Primo capite disquirat, quaenam sit atmosphaerae regio, ubi grando formetur? Regionem hanc
nec

p. 23.

nec adeo remotam a tellure esse, nubemque, in qua grando generetur, interdum 180 orgyias, *toises*, alio tempore paulo altius, nunquam tamen ultra 360 orgyias distare, arbitratur, idque ex eo confirmari, putat, quod fragor tonitru, qui fulmen statim sequitur, post vnam alteramque minutae secundam percipiatur. Cum autem, experientia teste, sonus intra secundam 1080 pedes percurrat, sequitur, materiem, tonitru componentem, tunc temporis 180 ad summum 360 orgyias a terra distare; hinc et nubem, in qua grando formetur, eadem ratione distare, coniiciendum est, cum absque tonitru grando nunquam esse soleat.

P. 27. Secundo capite Cl. Auctor declarat, qui fiat, vt medio in aere coadunentur grandinis materiae. Causam huius vnionis in alterna frigoris calorisue actione quaerit: duas enim has dilatationis et condensationis causas, calorem nempe et frigus in nube, in qua grando formetur, adesse, atque hoc quidem ob copiosas diuerforum salium partes summe volatiles, illum vero a materiis, quae tonitru constituent seque inflamment, et solis aerisque circumfusi, calidi inque interiora nubis gliscentis actione dependere, ostendit. Cum autem, vt Noster putat, subitus et frequens admodum ex frigore ad calorem transitus sit, vapores proinde et exhalationes vniuntur, vnitae partes proprio pondere delabuntur, labentesque alias, quae occurrunt, guttas in coniunctionem secum rapiunt. Vnde vero tam magna producantur grana, haecque formam sphaericam fere obtineant, ex contraria tamque varia ventorum directione et orto inde turbine, qui breui semper ante lapsum grandinis obseruatur, Noster declarat. Dum enim copiosa illa, in nube iam formata glaciei fragmenta, de ea delabuntur, illa statim oppositorum ventorum turbinisque actione non solum vniuntur,

tur, sed cum heterogeneis etiam partibus coniunguntur maiusque tunc volumen acquirunt et sphaericam simul atque spiralem formam induunt.

Mechanismum, quo grando duritiem obtineat, p. 33. tertio capite exponit Cl. Auctor et ita explicat. Ad-

est, ut supra monuit, in nube sal quidam primigenius et volatilis iamque liber, cumque eo diuersi sales concreti, qui multum istius salis volatilis continent; paruas istas, in nube hinc inde dispersas concretorum salium particulas aggrediuntur, etprehendunt particulae aquae easque fundunt, facta hac fusione noua frigoris materies enascitur, vndique se dispergens vicinasque partes aquosas congelascens. Accedunt tunc vortices, qui absque discrimine partes, iam congelatas, alias particulas, ex sale et aqua compositas, diuersasque guttas, diuersis frigoris et magnitudinis gradibus praeditas adunant: diuersis his particulis glaciei, aquae salisque concreti totum quoddam, valde frigidum exoritur; cumque vortex, qui materies istas accumulatur, ipse mixtis inter se sale concreto, glacie, partibus aquosis et sulphureis circumuolatur, materies proinde, quae in centro vorticis est, eo in statu se habet, in quo fluidum est, quod misturae ex sale et glacie rarsae compositae immergitur. Nouae frigoris productioni minime obstat sulphur, quod in mixtione est, imo potius ei fauet, siquidem, calor ex sulphure hoc et diuersis istis fermentis obortus, fusioni istius misturae fauet et materiae frigoris nouam vim agendi addit, ut experimenta de mixtura salis et glaciei rarsae ostendunt.

Quarto demum capite Cl. Auctor exponit, vnde p. 39.

veniat varietas, quae in grandinis granis obseruetur. Magnitudinis diuersitas, ut Noster putat, a tribus causis, densitate nimirum nubis, subito frigoris ad calorem transitu vique vorticis dependet,

Tom. X. Pars II. Q ita,

ita, vt, quo magis triga ista caufarum conspirat, eo maiora grandinis euadant grana, quo vero minus, eo minora ista enascantur. Figuram granorum, quae diuerfa admodum est, a turbine Noster deducit, quippe qui, cum saepius mutetur, materiem intus contentam eo etiam disponit, vt quouis momento nouum motum suscipiat. Ad colorem tandem quod spectat, iste in plerisque albidus est, ita tamen. vt alia quidem grana, quae pellucida sunt, opacam aliquam in centro materiem contineant. Res haec secundum Nostri hypothesein, ita se habet: adsunt, vt superius dictum fuit, in eodem vortice et frigus et calor; quodsi itaque calor ad certum gradum peruenerit, magna pars materiarum, grandinis grana componentium, funditur denuoque coit; tunc prima strata pellucida fiunt simulque parua illa glaciei fragmenta, quae semifusa in centro resident, totum quoddam opacum et albidum formant, quod niui simile est. Si calor vehemens est, tota, quae in centro vorticis est, materies liquefcit, mox vero frigus, in nube regnans, extremum vincit et liquidum denuo cogit: quatenus autem ea coagulatur, eatenus calor intus contentus ad centrum grani se confert, cumque nonnullis partibus aquosis, quae vltimo coagulantur, glaciem non cohaerentem et opacam format. Luteum vero grandinis colorem, interdum obseruatum, ab intermixta sulphuris copia, Noster deducit, sique tandem in aere sabulum obuolitet. nonnulla eiusdem grana cum sulphure et partibus aquosis misceri et grandinem lapidis inde formam suscipere posse, Noster arbitratur.



VIII.

Dissertation, où l'on recherche comment l'air, suivant ses différentes qualités, agit sur le Corps Humain, qui a remporté le prix au jugement de l'Académie Royale des Belles-Lettres Sciences et Arts. Par M. BOISSIER DE SAUVAGE, Docteur en Médecine de la Faculté de Montpellier et Académicien des Sociétés Royales d'Upsal, Stockholm et Londres. A Bordeaux, chez la Veuve de Pierre Brun. 1753. 4to mai. pl. 7.

h. e.

Dissertatio, in qua disquiritur, quomodo aer secundum qualitates suas diuersas in humanum corpus agat Auctore Cl. BOISSIER DE SAUVAGE etc.

Haec dissertatio in tres partes a Cl. Auctore diuiditur: prima aerem vt totum quoddam considerat et declarat, quomodo iste, seu tota eius moles in corpus humanum agat; altera mutationes disquirat, quae à moleculis, aerem componentibus, dependent; tertia denique aeris impuri in humanum corpus actionem declarat. Aer, qui, p. 5. quoad molem consideratus, vel liber vel inclusus est, elaterem et grauitatem habet; liber vero duplici in nos agere solet modo, pressione nimirum et impulsione. In explicanda igitur aeris pressione, ad altitudinem et densitatem atmosphaerae atque corporis, in quod agit, superficiem respiciendum esse Noster innuit. Altitudo atmosphaerae, cuius pressio in corpus quoddam altitudini atmosphaerae,

quae isti corpori respondet, proportionata est, quoad loca, anni tempora et ventos variat; densitas vero atmosphaerae particulis aquae, quas fouet diuersas, atque compressione, quam ab oppositis ventis patitur, augeri potest. Quod ad hominum superficiem spectat, ea in aetate diuersis variat; sic superficies infantis duorum annorum et hominis adulti ad se iuicem sunt vt 4 ad 9 et earum soliditas vt 1 ad 27. Infans itaque ratione molis suae pondus atmosphaerae ter maius sustinet quam adultus.

p. 6. Si perpendamus, homines in montibus altissimis, qualis est *Chimbaroco* in Regno Peruano, aequae ac locis valde profundis e. g. trecentos pedes sub mari vivere, coniiciendum proinde est, homines in aere, qui premit vt 20 vel vt 1 viuere posse. Sed duplici contractionis et expansionis generi obnoxius est homo, alteri physico, alteri mechanico. Si frigus contrahit, actio haec physica condensatio Nostro vocatur, si calor expandit, actio ista, itidem physica, rarefactio audit; sin vero per pressionem euidentem v. g. per pondus quoddam in minus volumen redigitur corpus, actio haec mechanica est et constrictio dicitur, sique per pressionem internam maius volumen acquirit, actio ista itidem mechanica dilatatio nuncupatur. Mechanica itaque corporis humani constrictio est immediatus aeris prementis effectus; vis vero sanguinis, quem cor versus ambitum propellit, atque vis aeris, in cavitatibus eiusdem contenti, dilatationem producant, quando externa pressio minuitur.

p. 7. Corpus homogeneous, in fluidum immersum, vndique aequaliter premi, hacque pressione istud nec e loco moueri nec figuram eius mutari posse, constat. Cum vero corpus humanum homogeneous non sit, pressio proinde atmosphaerae inaequalis fit;
cum-

cumque pars anterior abdominis minus resistat quam posterior, sequitur pressionem, quae fluidorum, in cauitate eius contentorum, resistentia maior est, istud planum magis reddere figuramque eius mutare.

Si pressio et resistentia vndique vniformes sunt, p. 8.
corpus pressum figuram non mutat inque hoc casu homo nullum sentit dolorem, siquidem nulla partium dimotio est; ad summum totum corpus constringitur inque volumen minus redigitur.

Eaedem vires, fibris inaequalis longitudinis applicatae, nouam in iisdem producant elongationem. Quodsi itaque fibrae, quae minus quam reliquae donatae sunt longitudine, eodem modo, vt reliquae elongantur, eae, quae natura breuissimae sunt, citius rumpuntur, seu ad minimum citius tenduntur et dolorosae euadunt. Inde ideo fit, vt vrinatores inaequalem abdominis auriusue pressionem sustineant. p. 9.

Haec ad aeris pressionem spectant, quam aer p. 9.
externus in cutem nostram exercet. Quod ad aerem, qui intus vel in cauitatibus vel in humoribus continetur; pertinet, iste, qui in cauitatibus continetur, duplicis generis est; vel ei liberum cum exteriori commercium est, hicque omni atmosphaerae pressioni obnoxius est, vel cum exteriori sensim sensimque communicat, sui que a pressione externa tutus maiori calori obnoxius est.

Aer inclusus calore dilatatur et elasticus fit; si p. 11.
que paruum exitum inuenit, idem caloris gradus eatenus elasticitatem eius auget, quatenus aeris relictæ densitas se habet. Ex his itaque videre licet, quomodo aeri in partibus corporis nostri incluso tantum elasticitatis accrescat, quantum potentiae ei raritate decedat. Inde igitur fit, vt partes flexibilissimae adeo, vt abdomen et pectus, etiam in

fundo maris nullo modo laedantur, cum aeris interni elater contra nitatur. Quod si vero aeris externi pressio inaequalis euadit, vt manibus, antliae pneumaticae admotis, contingere solet, tunc solidae partes e loco mouentur. Et licet etiam pressio illa externa aequalis sit, tamen, nisi partes aeris contentae potentiam, pressioni aequalem habeant, dolores excitantur, quales in illa asthmatis specie, quae pneumatodes veteribus dicitur, in tympanitide inque aurium tinnitu obseruantur.

p. 12. Quando pressio atmosphaerae variat, haecque mutatio sensim sensimque contingit, nullus dolor oritur, quando vero ista mutatio subita est, tunc dolor et respiratio anxia accedunt atque sanguis de oculis, naribus auribusue manat: vtrumque casum vrinatores experiuntur; in priori enim, si sensim sensimque immerguntur, nulla iis corporis mutatio contingit, in posteriori autem omnia, quae dicta hic sunt, obueniunt.

p. 13. Si aer internus et externus in aequilibrio est, licet etiam pressio enormis sit, nullum tamen dolorem sentiunt, musculique maiorem firmitatem acquirunt: inde etiam fit, vt vrinatores triginta milia librarum sustineant, si ad quinque orgyas immerguntur, imo plura ferant, quo magis descendunt. In locis contra valde eleuatis solidae corporis partes interne et externe debilius premuntur; quapropter multum virium amittunt et nisu vel minimo debilitantur.

p. 14. Motus aeris progressiuus ventus appellatur, hicque impulsione in nos agit eiusque actio diuersa est, prout amplitudo superficiei, in quam incurrit, et celeritas se habet, qua sibi inuicem et ventus et superficies occurrunt. Violentus ventus illisu suo nocet, moderatus contra valde salutaris est: corruptum enim aerem corrigendo atmosphaeram purificat. Cumque ventus in nos incurrens vapores illos,

los, quibus circumfundimur, quia aere semper calidiores sunt, aufert eorumque locum occupat, fit inde, ut refrigeret.

Parte secunda actionem particularum, aerem p. 16.
constituentium, Cl. Auctor declarat. Physica harum molecularum actio in vibratione et adhaesione consistit. Aeris vero particulas tum fluidis tum solidis animalium partibus interius adhaerere, experimenta ostendunt. Ita namque in sanguine et chylo, imo adeo in durissimis corporum partibus, ut calculo humano animaliumque cornubus, molecule istae repertae sunt. Qui ex substantia quadam animali educitur aer, elasticitate sat constanti donatus est, idemque, in vase quodam asseruatus per plures annos eam retinet, et aequae, ac communis aer, rarefcit. Haec rarefcientia seu vis aeris centrifuga eo maior esse solet, quo magis iste condensatus est, verum vis haec intimae, quam cum partibus nostris alit, cohaesione vi vincita est, ita, ut sanguis, aere licet plenus, nullum tamen compressionis signum exhibeat. Nihilominus tamen idem iste, in sanguine contentus, aer aliquam vim ad extendendum adhibet, quod sanguis sub antlia pneumatica disquisitus, aerisque bullae, in venis quorundam defunctorum repertae, imo etiam sic dicta emphysemata probant. Verisimile autem est, inquit Noster, aerem hunc in sanguine aliquam, agendi potestatem, ab elatere suo dependentem conseruare, eoque pressioni aeris externi resistere; imo eundem aerem, circulationem conseruando, vitam sustentare et ad diuersum diuersorum fluidorum saporem quidquam conferre et fluidi electrici, quod probabiliter verum fluidum nerueum est, vehiculum esse, veritati non minus consentaneum Nostro videtur.

Alia molecularum aeris actio physica vibratio est, p. 19.
Hae enim molecule, elatere donatae, continuo in

p. 20. atmosphaera agitantur motu, sique parui isti aeris elateres in motum aliquem vibrationis veniuntisque ad aurem usque continuatur, perceptio haec sonus vocatur. Numerus vibrationum dato tempore tonos determinat, qui in graues et acutos diuiduntur: grauissimus a $12\frac{1}{2}$ vibrationibus, acutissimus vero a 6400 in minuta secunda dependet. Ab isochronis et heterochronis vibrationibus dependent consonantes seu dissonantes soni. Ab iisdem etiam dependent vibrationes fluidi neruei, quod eodem modo, ut aer, elasticitate donatum est: exinde autem declarari potest; cur homines viuidi ingenii, ut Itali et Languedociae incolae aere, cuius motus rapidus est, delectentur et languida musica fatigentur, cur deinde ideae nonnullae excitentur aliaeque in nobis extinguantur, cur porro nonnulli homines certo quodam aere ex sopore excitentur, melancholia liberentur, hilares euadant cet. cur tandem ii, qui tarantula iacti lethargo corripiantur, eo vero liberentur, si musici statim viuida et ingenio incolarum Apuliae vel et temperamento aegroti conuenienti modulatione utuntur.

p. 24. Sed haec ad actionem particularum homogenearum spectant, nunc actionem particularum aeris mixti Noster considerat. Aerem nunquam purum seu homogeneum, sed particulis ignis et aquae repletum semper esse et inde calorem et frigus, siccitatem et humiditatem dependere, putandum est. Praeter has, quae ubique in aere detinentur, nec sanitatem laedunt, aliae etiam non ubique, sed hinc inde in aere dispersae, inde accidentales Nostro dicto, haerent molecule, quae indole salina et sulphurea donatae, aerem impurum reddunt et sanitati officiunt.

p. 28. Quod ad actionem aeris, igneis particulis foeti, spectat, effectus eiusdem pro gradu eius diuerso proque corporum nostrorum dispositione

tione diuersi esse solent, suntque sensatio, partium rarefactio, solidorum relaxatio et fluidorum immutatio. Sensatio caloris eo maior est, quo maior calor est quoue citius iste incrementum capit, idemque caloris gradus seu sensus eiusdem maior est in iis, qui frigent, minor vero qui calent: quo frigidius enim corpus est, eo plures ab igne aeris accipit particulas. Qui calorem sanguinis paulo superat aeris calor, is humores nostros fluidiores reddit et viscositatem minuit. Calor, qui ad summum infra gradum 35 esse solet, fibras relaxat atque elongat; hinc talis recentes tumores frigidos doloresque catarrhales dissipat, vasa aperit, partes, quas motu et sensu priuat frigus, excitat, transpirationem auget, vrinaeque copiam minuit. Calor campestris raro ad eum gradum accedit, vt respirationem tollat; in locis autem valde angustis valdeque calefactis respiratio admodum laboriosa fit, sique talis aer inclusus ad gradum caloris 46 accedit, animalia, conuulsa prius, interimit, imo putrefactionem et insignem dissolutionem breui tempore in iisdem excitat.

Frigus moderatum, quod a gradu 16 incipit et p. 30. ad gradum 10 vsque se extendit, admodum salutare est, elaterem partibus nostris reddit, fibras contrahit, vasa constringit, musculisque maiorem tensionem et firmitatem conciliat. Sin vero excedat, vt aer infra congelationis punctum esse solet, tunc membra rigida reddit, liquores corporis humani cogit, hinc motum muscularem sollicitat, ossa fragilia fibrasque neruofas ineptas reddit, paucis verbis nocet.

Aer, licet nunquam omnibus partibus aquosis p. 33. orbatus sit, alio tamen alioque tempore iisdem plus minus ditatus est, qua propter alius ficcus alius humidus dicitur. Ille adest si quando mercurius in
Q 5 baro-

barometro ad pollices 27 et lineas 7 eleuatur, hique terminus medius inter maximam depressionem maximamque eleuationem est. Talis aer nos agiliores multo reddit et omnia eo disponit, vt functiones melius perficiantur, exceptis nonnullis morbis, phthisi nimirum et asthma sicco, vbi nocet. Contrarium humidus aer praestat, isque eo magis officit, quo magis cum calore simul coniunctus est.

p. 36. Tertia parte de actione aeris impuri in corpus humanum Noster agit. Effluuia salina, sulphurea et alia, quae exhalationes, vapores et fumos constituunt, licet proprie ad aerem non pertineant, utpote nullis eiusdem proprietatibus instructa, ei tamen immixta sunt et qualitates eiusdem alterant. Vt itaque horum vaporum actio in corpus rite explicetur et ostendatur, quomodo iidem noxii sint homini, Noster proinde pulmonum prius dispositionem, in quos imprimis vapores isti agunt, considerat. His perpensis noxios istos vapores examinat et ostendit, quomodo actio eorum eo semper tendat, vt fluidi electrici agendi potestas extinguatur aerisque elater destruat. Per se autem liquet, malignitatem hanc seu nocendi facultatem maiorem vel minorem esse et variare, prout acrimoniae et densitatis intensitas, temporis duratio, cui homo expositus est, sensibilitas et debilitas subiecti, ipsaque vaporum vis variare solet. Haecce momenta, quae primaria hic sunt, latius exponit Noster et multo studio declarat, quibus vero ne nimis longi sumus, supersedemus.



IX.

The modern Practice of Physic: or a method of judiciously treating the several disorders incident to the human body, together with a recital of their causes, symptoms, diagnostics, prognostics and the regimen necessary to be observed in regard of them, to render the work still farther useful, it is throughout accompanied with a variety of efficacious and elegant extemporaneous prescriptions adapted to each particular case et circumstance; in two volumes. By JOHN BALL. M. D. London. Printed for A. Millar 1760. 8vo maj. Vol. I. pl. 15½ Vol. II. alph. I. pl. ½.

h. e.

Praxis medicinae hodierna siue methodus scienter tractandi varios morbos, qui corpori humano accidunt, cum enarratione causarum, symptomatum, diagnoseos, prognoseos et regiminis in iis observandi, additis variis efficacibus et concinnis medicamentorum formulis extemporaneis, singulis quibusvis morbi generibus adaptatis. Auctore JOHN BALL M. D.

Cum ubique sint morbi, ideoque iis medendi necessitas, multi omnino, qui ad altiore scientiam pertingere non possunt, veris et per experientiam tantum acquisitis artis medicae regulis imbuere debent, quo medicinam non in detrimentum aegrorum exercent. Licet igitur in Anglia
medi-

medici inueniantur illustres, qui in vrbibus populosioribus et in nosodochiis, publica auctoritate exstructis et magnis sumtibus nutritis, medicinam cum laude faciunt, artem egregiis obseruationibus et inuentis, nec non attentione dignis scriptis illustrent, hi tamen tantae hominum copiae consiliis adesse nequeunt, sed chirurgi non admodum celebres, et saepe pharmacopoei, defectum suppleant, manu-ductione tamen illustrium medicorum et chirurgorum ad adiutis ad excellentiorem artis peritiam sensim paulatimque adspirant. Iunioribus itaque et in arte nondum satis exercitatis medentibus in hoc libello ratio medendi traditur, et institutum in amplissimo, quem adduximus, titulo declaratur. Hanc normam in tractatione de febribus vere sequitur Cl. Auctor, dedit enim ideam et veram definitionis explicationem cuiuslibet febris ex praecipuis in ea occurrentibus symptomatibus, postea ad causas, ex quibus potissimum oriri solent, respexit, licet causam proximam, cuius vera ratio saepius non attingi potest, non semper adduxerit. Cum autem diagnosis inde deduci debeat, ille in hac declaranda ad symptomata attendit, quae cum morbo incipiente, progrediente et ad finem tendente coniuncta sunt; quo facto indicationem curatoriam ad causas et symptomata disponit, et regimen aegrorum in omni diaeta, vtpote summe necessarium, non negligit, apta et efficacia medicamenta subiungit eaque in concinnis formulis tradit, hasque ideo necessarias duxit, quod non exercitatis, sed ad praxin initiandis, medentibus scribit. In altero volumine, vbi plures morbos pertractauit, longe brevior est, praecipuas tamen res in morbis medendis attendendas non negligit.

Licet autem ex his cognoscamus Cl. Auctorem, ad uedicinam faciendam maxime dispositum esse,
non

non tamen sua tantum proposuit cogitata, sed ipse fatetur, se Cl. HUXHAMO multa debere, cuius quidem viri nec non BAGLIVII, SYDENHAMI, BOERHAAVII, HOFFMANNI, MEADII aliorumque asserta et animadversiones passim citat, eorumque electas medendi vias vbique commendat.

In *Volumine primo* itaque, vt diximus, febres pertractat, et post generalem febrium considerationem continuas acutas, intermittentes, hecticas et nervosas, porro praecipuas exanthematicas tradit, et pleuritidem et peripneumoniam subiungit. In *altero* autem *Volumine* de morbis ex cerebri et neruorum labe oriundis, apoplexia, caro cet. exponit, de reliquis capitis affectibus imprimis nonnullis oculorum pauca subiungit; postea pectoris et nonnullos abdominis morbos recenset, et postquam de variis haemorrhagiis egit, alios adhuc abdominis morbos pertractandos sibi sumit, porro de hydrope, malo hypochondriaco et hysterico et scorbuto differit et ad viarum vrinariarum laesiones progreditur; morbos deinde foeminarum, imprimis in puerperio oriundos, perpendit, et de variis morbis infantum exponit; tandem de contusionibus, gangraena et sphacelo agit et succinctam mali venerei tractationem subnectit. Ex qua totius operis idea tradita satis apparet nos nec speciali examine omnes morbos percurrere, nec nouas et a Nostro tantum electas medendi vias excerpere posse, quaedam tamen doctrinae specimina exposituri sumus.

Ex volumine primo caput quintum, quod de lentis neruosis febribus agit, seligamus. In hoc febre difficilis respiratio et inde pendens circulatio sanguinis, praecordiorum oppressio, pulsus debilis, nonnunquam intermittens et languor spirituum animalium satis declarant, eam a relaxatione solidorum, sanguine parco, tenui et lentore et inertia fluidi
lym-

lymphatici et neruei dependere. Quicquid igitur sanguinem imminuit, alias eius partes crassiores, alias longe tenuiores reddit et secretiones inde pendentes inprimis nobiliores imminuit, illud hanc febrem inducit. Homines itaque debilitate systematis nervosi conspicuos inuadit, qui victu crudo nutriuntur, in aere impuro viuunt, quorum vires magnis euacuationibus, vel nimis studiis, laboribus et vigiliis fractae fuerunt. Symptomata in hoc morbo occurrentia, sequentia praecipue sunt: horrores vagi, incerto calore succedente, languor corporis vniuersalis, dolor vel vertiginosus affectus capitis, obnubilatio oculorum, nauseae frequentes, appetitus prostratus, lingua sicca sine fitis molestia, extremitates frigidae, calore intus saeuiente, sudores frigidi, symptomatici sine leuamine succedentes, respiratio difficilis, suspiria cum anxietate praecordiorum et oppressiones circa regionem cordis et ventriculi, lipothymiae crebriores cet. quae quidem symptomata licet interdum remittant, saepe tamen redeunt. Pulsus est paruus, celer et inaequalis per interualla auctus, statim tamen iterum suppressus, nonnunquam intermittens. Vrina ab initio lymphida feri lactis vel interdum cereuisiae secundariae colorem referens, sine sedimento flocculis tamen sparsis furfuraceis conspicua, ea vero in statu morbi turbida fit, et sedimentum haud adeo rubrum deponit.

Ad quartum vel sextum diem vsque languor et torpor in aegris obseruantur, licet verus somnus eos fugiat, et suauia deliria intercurrent, lingua vel sicca vel tenui albo muco obsita est, et tandem ita arida fit vt findatur; septimo et octauo demum die vertiginosi affectus, sopor et tinnitus aurium vt prodromi deliriorum accedunt, anxietates praecordiorum et animi deliquia in erecto potissimum
situ

fitu augentur, et vrina tunc pallida excreta delirium cum tremore et subsultu tendinum sistunt. Delirium hoc minime ferox est, sed interdum ad se redeunt aegri, licet confusio idearum mox recurrat, Lingua tunc in medio magis sicca est, bonum tamen signum dat, si iterum humida redditur, et sputum copiosum reiicitur; deglutitio autem difficilis et sonora, nec non singultus pessima sunt symptomata. A nono ad duodecimum diem, sudores copiosi et visceri, quibuscum simul extrema frigent, vel diarrhoeae occurrunt, quae tamen excretiones colliquatiuae et noxiae sunt, perspiratio calida vel diarrhoea delirium soluens boni ominis inueniuntur. Extremitates frigidae, ungues liuidi, pulsus debilis, celer et myurus, saepe intermittens, delirium in affectum comatosum desinens, deiectiones alui et vrinae inuoluntariae mortem praenuntiant et inducunt; abscessus ad aures, parotidis suppuratio et pustulae malignae circa labia et nares erumpentes bona signa sunt. Haec et alia Noster maximam partem ex obseruatione Cl. НУХНАМИ adduxit.

Ex nunc propositis patet nullam euacuationem praeter eam, quae per vesicatoria excitatur, mouendam esse, cum morbus debilia et laxa corpora afficiat. Indicationes autem curatoriae sunt attenuare et dissoluere minimas fluidorum moleculas, quae liberum humorum circulum impediunt; languidis fibris vibrationem inducere, quo vera sanguinis crasis restituatur et particulae noxiae expellantur. In principio morbi vomitorium vel laxans, si opus est, exhibeatur et lene vomitorium ex ipecacuanha ideo praestare videtur, cum nauseae, quae saburram ventriculi indicant, his remoueantur, et tonus solidarum partium instauretur, aliis tamen purgantia rhabarbarina et mannata conueniunt. Vesicatoria per totum morbi progressum utilia sunt, ita vt vno
exsic-

exsiccatum alterum substituatur : Cl. LANGRISCH enim his nervosum systema roborari et convulsiones nec non deliria praecaveri ostendit, fibrae enim solidae ab onere lentoris morbofi, antequam ille attenuatur, non supprimuntur.

Sudores, ut diximus, perniciosi sunt, vis tamen circulationis sustinenda cum diluentibus temperata cardiaca. exigit. Omnis euacuatio sanguinis et ideo etiam venaesectio merito damnanda est, cum enim globuli purpurei sanguinis calorem et vigorem corporis praecipue sustineant, eorum euacuatio vires euidenter deiicit. Diluens itaque diaeta, vesicatoria, quies corporis et animi in principio morbi, et cardiaca aromatica non nihil spirituosae medicamentae, quarum formulas addit, methodum medendi genuinam sistunt. Opiata fortiora omnino perniciofa sunt, leni tamen opiato medicamento somnum fouere, et sanguinis et spirituum tumultum sopire interdum conuenit. Cum etiam Cl. HUXHAM obseruet respirationem difficilem et anxietatem praecordiorum pustulas miliares inter septimum et undecimum diem erumpentes praecedere, medicamentis indicatis, blandum perspirationem, qua illa excretio iuuatur, excitari certum est. Si autem nimii sudores copiosas pustulas miliares semel iterumque protrudunt, perniciosi; hoc in casu Noster vini boni rubri haustum, etiam aqua dilutum, vtilem inuenit.

Si in incremento et statu morbi vires nimis vacillant, moschum ad grana quindecim, sal volatile cornu cerui ad grana octo et camphorae grana quinque, quarta quauis vel sexta hora mixturis admiscet, et lenia iulapia interponit. Durante hoc medicamentorum usu, aeger serum lactis cum vino albo paratum, hordei decoctum cum pauxillo vini, gelatinas ex cornu cerui, fago et pauxillum panis

panis addito vino et succo aurantiorum et limonum crebrius hauriat. Si febre declinante sudores copiosi aegrum debilitant, Cl. НУХНАМ aliquot doses tincturae corticis peruuiani cum croco et radice serpentariae virginianae exhibet, dosin aptam rhabarbari interponens, quo putrida colluuias ex primis viis euacuetur, tunc enim febris magis remittit vel intermittit. Noster hoc in casu salis absinthii scrupulum vnum cum succi limonum vncia vna et semis, addita anatica portione tincturae castorei et spiritus volatilis foetidi ad guttas quindecim, aliquoties exhibuit, et calore urgente quinque grana nitri adiecit. Cortice peruuiano tunc opus est, quo febris cum eruptione miliarium pustularum, quae nimium protrahitur et aegrum saepe debilitat, infringatur. Licet etiam sub finem febris lenis diarrhoea utilis inueniatur, crudae tamen liquidae et colliquatiuae deiectiones aluinae vires minuunt. Saliuae copiosus affluxus sine aphthis, praesertim si cutis simul calida et madida sit, Cl. Auctori summe salutaris visus fuit. Vires, a quolibet euacuatione fractae, diluente et nutriente victu omnino resarciendae sunt. Cum vera plethora in hoc morbo non adsit, vera etiam crisis nunquam expectanda erit, vrina vix cocta excernitur, saepe etiam nimis copiosa, quoniam autem blandus sudor vel alia moderata excretio progressum morbi in bonam partem dirigit, et vehementissima saepe symptomata compescit, medicus non nisi de vera crasi sanguinis et robore vasorum denuo acquirendo sollicitus sit. Quod si vero ex dispositione aegri singulari materia morbi febre mota viscida nimis et resistens deprehendatur, et methodus medendi nunc exposita haud sufficiat, symptomata potius increcant, tunc ex sententia Cl. LANGRISCH aeger non nisi per moderata purgantia adiuuandus

Tom. X. Pars II. R est,

est, cum enim per sudores et vrinam materia morbi non satis dissipetur, ea putrida et noxia redditur, nisi deiectionibus quibusdam aluinis moderatis subleuetur aeger; si enim materia morbi attenuata et diluta est, tunc leni cathartico medicamento vires neruorum magis excitantur, quam infringuntur, et in morbo diutius protracto nulla alia relinquitur mendi uia.

p. 71. Cum in febre lenta neruosa describenda nimium detenti fuerimus, ex altero volumine anginam tantum breuiter pertractemus. Angina est difficilis respiratio et deglutitio ab inflammatione, tensione et tumore faucium et vicinarum partium orta. In veram et spuriam illa diuiditur, quarum prior ab inflammatione pendet et febre stipata est, altera, quae saepe sine febre est, a pituitosis et serosis humoribus glandulas obsidentibus deducitur et in serosam, oedematofam et scirrhofam diuiditur; inflammatoria interdum in suppuratoriam, interdum tristi fine in gangraenosam abit. Paralytica, quae sine tumore est, lethalis iudicatur. RIVERIUS et alii Auctores veram inflammatoriam in synanchen, parasyanchen, cynanchen et paracynanchen distinguunt, nimia autem distinctio usu destituitur. Descriptionem accuratiorem ex LOMMII obseruationibus medicinalibus repetit. Qui inflammationibus faucium obnoxii sunt, ex consilio Cl. ARBUTHNOT aut moderato victu plethoram avertant, aut aptis euacuationibus hanc plenitudinem corrigant, frigidum aerem euitent, et ab adstringentibus et stimulantibus medicamentis, validisque corporis exercitationibus abstineant, nec aestuante corpore frigidum potum hauriant. Cum autem in hac inflammatione lenis diarrhoea salutaris sit, alimenta, quae eandem excitant, prae reliquis eligantur, infusum tamarindorum cum sero lactis, decoctiones et emulsiones

siones vegetabiles, nec non nitrosa et acida conueniunt; simili ratione fructus horaei commendari possunt. Ex obseruatione Cl. ARBUTHNOT adducit aegrum, qui in deglutitione denegata clysteribus per octiduum nutritus fuit. In angina ex obstructione glandularum proueniente, hae calidis et relaxantibus liquoribus ad facilem secretionem disponendae sunt, sero superfluo per alia quoque colatoria derivato. In tumoribus serosis calidior diaeta requiritur ideoque vini moderatus vsus concedendus est.

Angina inflammatoria cum ex acutissimis morbis sit, promptissimam vel medianae vel iugularis venae incisionem exigit, post aliquot horas quoque repetendam, ita vt RIVERIUS in hoc casu nullum contraindicans esse moneat, et fluentibus quoque mensibus eam suscipiendam esse vrgeat. Aliae revulsiones in scarificatione et vesicatoriis ceruici et scapulis admotis mex subiungendae sunt. Venarum raninarum incisionem improbat Noster et eam non tantum minus sufficientem, sed etiam noxiam iudicat. Vapore ex aqua calida vel emollientibus parato et gargarismate fauces humectandae sunt. Decoctum ficuum in aqua et lacte addito spiritu salis ammoniaci Cl. PRINGLE commendat, qui acida in inflammationibus utilia hac ex parte nocere ait, cum vias salivae stringant et humores affluentes cogant. Si fauces et lingua siccescunt, linctus et emulsiones cum nitro praescribit Cl. Auctor et tumore et dolore exterius accedente emplastra ex mucilaginis et linimenta, tumori autem ad suppurationem tendenti cataplasmata adhibenda suadet. Anginae, ex relaxatione partium cum affluxu salivae copioso, diu molestae gargarisma ex tincturae rosarum vnciis sex et spiritus laeundulae compositi vncia una cum sperato successu opposuit. Anginae gangraenosae, quae in Anglia et aliis Europae provin-

ciis adeo faeuiit, nullam prorsus mentionem iniicit. Ex qua rerum propositarum recensione iam patet in primo Volumine et in febrium curationibus Nostrum longe accuratius versatum fuisse, quam in altera parte, in qua nonnulla tantum obseruata de morbis proposuit.

X.

Analisi d'alcune acque medicinali del Modonese
di DOMENICO VANDELLI Accademico
Fisio-critico di Siena et della Societa letteraria
Ravennate. in Padua 1760 nella stamperia
Conzatti 8vo mai. pl. 10.

h. e.

Analysis quarundam aquarum Mutinensium Au-
ctore DOMINICO VANDELLI.

Varias res naturales, inprimis aquas medicatas, in ducatu Mutinensi disquisiuerat Cl. Auctor, quo earum descriptionem ad opus ineditum, quod amplam ducatus huius historiam tradit et a DOMINICO VANDELLI, patruo suo, elaboratum est, si illud forte ederetur, adiungeret; nunc autem, cum in aquis Patauinis examinandis occupatus est, specimen tantum exhibuit et aquarum quarundam analysin chemicam proposuit.

p. 16. Caput primum *de aqua subamara Mutinensi* agit. Puteus prope Mutinam ad vnius miliaris distantiam a porta Sancti Francisci aquam exhibet coloris incineritium tendentis, frigidam, saporis falso-amaricantis, sine odore, spiritus elastico-aetherei vestigia vix exhibentem, quae tempore pluuioso turbida redditur in
vici-

vicinia alii similes putei sunt, sed et alii, qui purissimam aquam continent. Tentamina varia cum hac aqua instituit Noster, quorum summam in deductis inde conclusionibus addimus. Haec aqua sal neutrum continet, cum nec cum acidis nec cum alkalinis salibus effervescat, et cum alumine albida reddatur; cum syrupo violarum viridem quidem colorem produxit, sed cum neutris quoque salibus hanc mutationem euenire Noster contendit; quia mercurium in spiritu nitri solutum sub specie turbith mineralis praecipitauit, acidum vitriolicum subesse monet; terram calcaream continere ostendunt sacharum saturni, oleum tartari per deliquium et spiritus salis ammoniaci, quibus admistis albae moleculae praecipitatae fuerunt; pauxillum martis adesse ideo assumit, quoniam decoctum balaustiorum et gallarum superficiem aquarum quasi vinctuosam et colores iridis referentem produxit.

Quo autem haec contenta melius definiantur, viginti quinque libras aquae euaporauit Cl. Auctor et vncias duas sedimenti terreo-salini obtinuit, coloris albi; solutione huius sedimenti in aqua destillata facta et per filtrum transmissa, drachmae duae terrae insipidae in filtro remanserunt, et euaporata aqua crysalli paralelepipedae quadrata apparuerunt, ex quibus praesentiam salis mirabilis GLAUBERI euincit Noster, et licet aliquos de figura crysallorum dissensus afferat, vltioribus tamen experimentis sententiam suam comprobat. Terra in filtro relicta calcarea est, cum acidis effervescebat, in aqua, magis tamen in vino dissoluitur, odoris et saporis expers, cum agarico minerali comparanda.

Hae igitur aquae blande stimulando aluum et vrinam mouent, lentos humores resolunt, quod cum aliis similibus commune habent, addit vero Noster

R 3

esse-

effectum acrimoniam corrigendi et solida roborandi, et alias quoque speciales vires accuratius definire annititur.

- p. 42. Caput secundum *de aqua martiali Mutinensi* exponit. Inter varios martiales fontes, circa Mutinam deprehendendos, primarius est, qui ad viam Aemiliam prope portam Bononiensem a Cl. MOREALI detectus fuit * et per tubum angustum in cauum colligitur, cuius fundus semper ochra martiali tectus est, quae etiam quibusdam in locis in tophum induratur. Fons est perennis frigidae et limpidissimae aquae, saporis ferruginei adstringentis, quae maiorem copiam spiritus aethereo-elastici continet quam aqua subamara. Instillata in hanc aquam gallarum decoctione violaceum colorem retulit, et ipsa terra disquisita vere martialis inuenta fuit. Instituit et alia tentamina Noster, ex quibus acidi vitriolici praesentiam euicit, et terrae calcareae nec
- p. 53. non salis neutri quaedam vestigia inuenit. Euaporatis viginti quinque libris, non nisi drachmam vnam relictæ terrae ex flauo rubrae obtinuit, ex qua soluta et filtrata, euaporatione denuo suscepta, paucissima spicula salina obtinuit. Terra autem cum spiritu vitrioli mista efferuescens sedimentum album praecipitauit, ea vero oleo oliuarum imbuta et calcinata particulas magnete attrahendas praebuit. Vfus medicus, ex indole particularum martialium, in obstructionibus referandis et fibris roborandis haud exiguus est.

Caput

* Relazione dell' aqua marziale, già scoperta dal Dottor GIAMBATTISTA MOREALI nell' anno 1742 et publicata nel corrente anno 1749 in occasione del sospirato ritorno del Patron serenissimo ne suoi stati etc. Modena 1749.

Caput tertium *de thermis* agit. Ad villam Fof- p. 59.

fianam fons est aqua thermali semper plenus; haec ante solis ortum limpida, de die non nihil turbida et tempore nebuloso albida apparet, saporis falso-amaricantis, odoris ingrati, non nihil sulphurei, spiritu aethereo elastico copioso praedita. Thermometrum Reaumurianum in aquam fontis immis- sum a viginti gradibus ad triginta ascendit, ad ar- cendam tamen aquam pluuialem fons his demum annis muro cinctus fuit. Cum autem aqua per p. 70. tincturam *tournefol* in rubicundum colorem mu- tata fuerit, et mercurium in nitri spiritu solutum vt puluerem flauum praecipitauerit, parum acidi vitriolici et martis ei inesse certum est. Tres librae aquae post euaporationem drachmas duas et scrupu- lum vnum sedimenti dederunt, quod in aqua destil- lata solutum, per filtrum transmissum et denuo euaporatum et cubicas et parallelepipedas crystal- los exhibuit, certissimo indicio his thermis et sal- marinum et mirabile GLAUBERI inesse. Terra re- sidua cum terra aquae subamarae conueniebat. Vsum medicum ex litteris Doctoris IACOBI LAVELLI, Lectoris medicinae Pisani, latino idiomate scriptis repetit, quas totas in italicam linguam translatas addidit. Ex his cognouimus, in principio externum tantum vsum in rheumatismis et articulari morbo notum fuisse, postquam autem internus vsus effe- ctum in primas et vrinarias vias declarauit, has aquas variis morbis mederi constitisse, quae qui- dem Auctor epistolae longius declarat et pro more temporis, quo scripsit, cum GALENO et MESVE in efficacia declaranda ad oleum gagatis prouoca- vit. Noster tandem de vsu aquarum in dysenteria incipiente pauca subiunxit.

Turrita villa est prope castellum nouum in pro- p. 95.
vincia Garfagnana, a qua parum distant vestigia an-

tiquarum balnearum, sed cum illae ruinosae sint et aquae affluxus ex cauerna non eueniat nisi tempore pluuioso a septembri mense ad maium vsque, ipseque fons mense augusto prorsus exsiccatus deprehensus fuerit, pauca tantum de his aquis proposuit, quae aliquam cum praecedentibus ostendunt convenientiam. Eteo tempore, quo VALLISNIERIVS has aquas disquisiuit, alia rerum conditio erat, cum anno quadragesimo huius seculi prouentus aquarum per terrae motum turbatus fuerit.

p.105. Caput quartum *de nonnullis aquis falsis montis Zivini* exponit. Adducuntur primo Auctores, qui de vera naphtha vel petroleo montis huius scripserunt, et nonnulla de lithanthrace durioris seu schisto carbonario in vicinia deprehenso immiscentur, de aquis falsis postea tantum agitur. Describit Cl. Auctor varias scaturigines aquae falsae vel puriores vel argillam simul protrudentes naphtha etiam plus minusque impraegnatas. Incolae viciniam huius montis inhabitantes obseruarunt terram illam caenosam, ex qua aquae propullulant, aestate exsiccari et singulis quindecim circiter vel viginti annis eruptiones ardentes oriri, quae flammam, fumum, terram et alia corpora mineralia eiiciunt, quo facto fontes naphthae parum vel nihil olei stillant, euidenti indicio, oleum naphthae esse materiam combustibilem in falsis aquis deprehendendam; cum vero argilla cum aquis propullulet, monticulos formari, ex quorum apice aqua erumpit, donec ostio per argillam clauso, aqua aliam sibi viam eligat.

p.119. Licet autem Noster tentamina cum variis aquis instituerit, prae reliquis tamen fontem aquae falsae, qui sine terra coenosa et naphtha perenni scaturigine in valle Nirano prodit, sub examen vocauit. Solutio argenti et mercurii his aquis instillata easdem
lacteas

laſteas cum praecipitata quadam alba materia reddidit; alumen, ſpiritus ſalis ammoniaci et oleum tartari per deliquium eundem ferme effectum producerunt, acida vero aquas has non mutarunt. Sex librae aquae poſt euaporationem vnciam vnam et triginta grana ſedimenti terreo-ſalini reliquerunt, cryſtalli poſt ſolutionem et nouam euaporationem productae cubicae erant, terra reſidua cum ſpiritu vitrioli efferueſcebat, in aqua autem et vino non ſoluebatur. Uſus medicinalis harum aquarum ex ANTONII FRASSONI libello * traditur et multi morbi enumerantur, in quibus earundem uſus internus ſalutaris aſſumitur. Salsaẽ autem coenum vt topicum medicamentum partes induratas et rigidas emollire, refrigerio tactas calefacere et neruos ipſos roborare dicitur.

Sub finem Cl. Auſtor ideam operis tradit, quod p. 129. de thermis agri Patauini proxime editurus eſt.

XI.

Nobiliffimo illuſtriſſimo I. G. ZIMMERMANNO
M. D. de morbo nigro, ſcirris viſcerum, cephaea, inoculatione, irritabilitate, cum cadauerum ſectionibus, S. A. D. TISSOT M. D.
et Societatis Regiae Sc. Londinenſis Socius.
Laufannae. 1760. 12. pag. 72.

Res, vt inſcriptio oſtendit, magni omnino argumenti haec epiſtola complectitur, quae eo digniores nobis videntur, quas ſigillatim et diligenter hic commemoremus, quo propius earum nonnul-

R 5

lae-

* De thermarum montis Gibii natura, uſu atque praetantia. Mutinae 1660. Cap. IV. p. 18.

lae controuersias his ipsis temporibus inter medicos motas et agitatae tangant.

P. 2. Primo loco recensentur morbi sic dicti nigri HIPPOCRATIS binae obseruationes, quarum altera felicem, altera infelicem habuit finem. Vir quippe 60 annorum, olim robustus, nunc, ter superata febre remittente, debilis, vitae sedentariae et litterarum studiis adfuetus, a 40 annis asthmaticus saepius colicis vexabatur doloribus, quos diu quidem obstinato animo sine medicamentis sustulerat, postea vero auctos, cum regionem hypogastricam umbilicalemque et ipsum dorsum occuparent, inflexo corporis situ, potu coffeae et spiritu cerasorum lenire studebat. Tandem, post, insignem dolorum exacerbationem, atri rubrique sanguinis selibram vomitu reiecit et animo deliquit. In curam huius periculo plenissimi morbi imperauit Cl. Auctor quietem in lecto, cibum ex cremore hordei vel auenae, copiosum emulsionis amygdalinae potum frequenti, sed qualibet vice parca manu praebendum, enemata emolliens bis singulo die iniiciendum. Hac methodo aeger sanitati quidem, neutiquam tamen integrae, restitutus fuit. Praemissa hac historia Cl. Auctor ipsius morbi essentiam et causas disquirat, iisque rationem superaddit, cur, quod alii suadent, venae sectionem intermiserit, euacuantia, spiritus acidos et cardiaca neglexerit.

P. 12. Alter aegrotus, 30 annorum, per biennium repetitis vicibus a saeuissimis ventriculi doloribus excruciatum et interdum liberatum fuerat, postea ab aquis *Leucensibus*, quae inter martiales referuntur, et balneando et bibendo auxilium expectauit, quae vero spe se itidem frustratum vidit; doloribus quippe per totam hiemem continuis pene confectus tandem mense martio post copiosas alui deiectiones nigrae materiei et ultimo tandem quoque post

post eiusdem materiei vomitum, animam efflabat. In dissecto cadauere pectoris viscera sana apparebant, in abdomine vero omentum deficiebat, ventriculus et intestina turgebant rubris nigrisque hinc inde maculis conspersa, vt in gangraena intestinorum, aberat vero omnis foetor, intestina sanguinem continebant atrum, qui in ventriculo ex assumpto potu dilutior, nigrior in tenuibus et nigerri-
mus piceusque in crassis erat; reliqua viscera a sano parum recesserant statu. Dum Cl. Auctor in huius morbi naturam et curationem inquit, quaestionem mouet; an huic aegroto profuissent haemorrhoides? Certe credit, si sponte prouenissent, sed illas prouocare et allicere dissuadet et HAENII cautelas merito laudat.

Homo ex grege plebis, 36 annorum, 14 annos militiae addictus, illius denique desertor, dolore ventriculi corripitur continuo, qui increascens ipsum laboribus imparem lecto affigebat. Praeter dolorem, qui somnum abigebat, pauca obseruabantur symptomata; respiratio libera, pulsus naturalis, aluus vel tarda vel clausa erat; hypochondrium dextrum, naturali durius, fortiter pressum acute dolebat; nullus icterus vel praegressus vel subsequens. Omni curatione potior morbus aegrum tandem perimebat. Macie exsuccum cadauer, quod pondere vix quinquaginta libras superabat, in sectione exhibebat musculos abdominales nigrescentes; omentum ad modum paruum tenue; intestina foedi coloris; ventriculum vacuum sanum; vesiculam felleam paruum parum foetidae, nigerrimaeque bilis continentem. Hepar cum liene cohaerens, lapideae duritiei, tuberculis exasperatum, cultro, vt recens os aut cartilago, resistebat mixtum hinc inde arenulis, omni sanguine expers colorem recentis referebat casei, resectum frustum marmoris grauitatem superabat.

Lien

Lien naturali maior ex atro fluidoque sanguine, quo turgebat, subniger apparebat. Pancreas hepate durius, pluribusque arenulis interspersum ter magnitudinem excedebat naturalem, in media et inferiore parte cancri apparere videbantur initia. Immanis itaque ille dolor a ventriculo inter dura haec hepatis et pancreatis corpora compresso ortum duxerat.

p. 31. Quarta observatio nouo argumento virtutem anthelminticam corticis Peruuiani comprobat; puer cortice hoc cum extracto trifolii fibrini diu vsus teretem et nascentem taeniam, quales in fontibus Sueciae reperit Ill. LINNAEVS, ano deponebat.

Vltima observatio cephalicam, saeuitie et diurnitate enormem, sistit. Virgo nimirum, 30 annorum, rurigena, firmi corporis habitus, per viginti octo menses continuum in angulo interno postico ossis parietalis dextri mox vrentem mox findentem dolorem perpeffa fuerat. Dolor hic omnem profligabat somnum; nullis itaque datis doloris induciis, fieri non poterat, quin aegra, licet diu sine sanitatis detrimento eum sustulisset, viribus demum exhausta lecto inhaerere cogeretur. Omni malum resistebat medicationi, nec venesectione, nec temporalis arteriae incisio, nec pedum tepida, nec totius corporis frigida immersio, nec frigidum capiti applicatum stillicidium, nec opium, nec setaceum auxilii quid attulere; breue leuamen ex cruentis cucurbitis, doloris loco applicatis, et ex larga suppuratione, post cantharides capiti adsperfos excitata, accepit aegra. Morbum nunc augebant fastidium, dolores colici, vermes et taenia, palpitationes continuae, anxietates, totius cutis dolores. Nulli itaque obediens auxilio hoc malum tandem ferro aggressus est Cl. TISSOT, et facta ad pericranium usque in loco dolente cruciata incisione posteaque
larga

larga suppuratione elicita puellam ab omni dolore liberauit. Nudum pericranium acu saepius pupugit, nec vnquam dolorem inde sensit aegra.


Quae nunc sequuntur, ad variolarum inoculationem pertinent. Postquam enim acerbum in epistola contra Comitem RONCALLI a se electum scribendi genus defendit Cl. Auctor, non nulla dubia ab Ill. de HAEN *in refutatione sua contra Cl. DE LA CONDAMINE et TISSOT* * denuo inoculationi opposita dissoluere studet, et licet Cl. Auctor omnem spem, Illustrem DE HAEN de inoculationis praestantia persuadendi abiiciat, breuem tamen hanc responsionem veritati se debere ratus est, ne alii se ab argumentis aduersarii victum arbitrarentur. 1. *Variolas naturales, haud multum periculi habere*; 2. *inoculatas par premere periculum*: haec sunt aduersarii argumenta, quae hic Cl. Auctor reuellere studet, omissis reliquis satis superque olim iam refutatis. Primo vero huic argumento, quod Ill. DE HAEN testimoniis scriptorum corroborare annisus erat, non solum illa eademque Cl. TISSOT opponit testimonia, quippe quae suae ipsius sententiae fauere, ostendit, sed etiam, praeter copiosiora magisque vniuersalia, quae iam alibi collegerat, noua hic subiungit KERKRINGII, SENACII et TRALLEsii. Deinde argumento, ex numero Londini demortuorum desumto, omne abnegat robur, quod plurimi Londini aduenae, iam alibi variolas perpeSSI moriantur plurimique infantes extra urbem variolis pereant. Cui accedit, quod Ill. DE HAEN numerum adsumat, quasi omnes variolarum discrimen subire deberent; quodsi vero ex illius sententia plures ab his liberi essent, certissimum inde ille demortuorum index Londinensis lethalitys variolarum praeberet argumentum. Euerso vero primo

ar-

* vid. Comment. h. Vol. IX, P. III. p. 436. seqq.

argumento corrui et alterum: Etenim cum persuasos se esse credant aduersarii, variolas naturales parum habere periculi, par vero periculum in inoculatis et naturalibus assumant, sequitur inoculatis parum esse periculi. Cl. vero TISSOT, summum naturales variolas comitari vitae periculum supra et alibi ostendit, inoculatas itaque naturalibus longe praeferendas esse per se liquet.

P. 54. Breuiter quoque litem de irritabilitate motam perstringit Auctor et argumenta enarrat, de quibus in hac doctrina huc vsque disceptatum fuit: alii irritabilitatis systema nouum esse negant; alii inutile perhibent; alii tribuunt eam omnibus solidis corporis partibus, quam vnicae partes musculosae habent; alii eam neruis adsignant immiscentes sensibilitatem irritabilitati; alii irritabilitatis causam ponunt animam, quod aut plantarum irritabilitas reuellat, aut plantis anima sit concedenda, necesse esse credit Cl. Auctor, quippe in quibus irritabilitatis maior forte deprehendatur vis, quod ex analogia, quae intercedit vegetabilia et animalia, Auctor ostendit; alii animae motus vitales adscribunt, quos vnice irritabilitati debemus; quodsi enim anima iis praeesset, saepe saepius turbarentur nec diu corpus restare posset incolume, cum quotidiana doceat obseruatio: *eo breuiorem esse vitae terminum, quo frequentius circulationi manus admouit anima.* Sed haec sufficiant, cum plura de eodem argumento nos expectare iubet Cl. Auctor, in singulari libello, quem propediem se *de natura* esse proditurum promittit.



XII.

ANTONII STOERK, Sacrae Caesar. Reg. Apost. Maiestatis Consilarii Aulici, Archiatri et in nosocomio ciuico Pazmariano Physici, annus medicus secundus, quo sistuntur obseruationes circa morbos acutos et chronicos adiciunturque eorum curationes et quaedam anatomicae cadauerum sectiones. Vindobonae, typis I. Th. Trattner. 1761. 8. pl. 18.

Eundem ordinem Cl. STOERK et in hoc anno retinet, cuius ex priori nos recordamur. Sequemur itaque et nos in excerptis primariis momentis superius receptam normam. Hic annus spatium continet, quod ambos intercedit menses Iulios anni 1759 et 1760, quo in sexcentis septuaginta quatuor aegrotis, in nosocomium allatis, morbos acutos contemplandi fuit occasio, ex quibus quinquaginta duo occubuerunt.

Quae mense *iulio et augusto* frequentes erant febres acutae simplices leuioribus procedebant symptomatibus. p. 15.

Magis putridae erant indolis continuae febres mense *septembri*. In non nullis aegris hae febres, abortis parotidibus, mutatae fuerunt in intermittentes, quotidianas, quae ob virium debilitatem citum et continuatum corticis Peruuiani exigebant usum. p. 18.

Tussis princeps erat febrium continuarum *octobris* symptoma; hae febres per viscerum expectorationem inprimis sunt iudicatae, ex quo deglutito ventriculi pondus et vomendi conatus morbo superato ut plurimum superstes erat; vtrumque vero vomitoria et purgantia auferebant. p. 23.

Mense

p. 32. Mense *nouembri* pleuritis, peripneumonia et febris rheumatica morbis epidemicis annumerandae erant. Soluebat eas viscerum reiectio. Miliaria quoque hoc mense proruperunt; illa vidit Cl. Auctor successive diuersas corporis plagas occupare, prioribus semper liberis relictis, nec grauius prius euanescere symptomata, quam illa totum corpus peruagata essent. Obseruauit quoque sine leuamine purpuram lacteam in corporis superficie effloruisse, quod aeger statim sentiebat, ac pustulae accedente lymphâ pelluciditatem acquirerent.

p. 53. Peripneumonia mense *decembri* et periculosa et frequens erat; pleuritis in aliis leuior, in aliis grauior; leuior sudore; grauior vel sola repetita venae sectione, vel decoctis emollientibus, vel vesicatorio lateri affecto imposito dissipata fuit. Per paracenthesin thoracis quidam aeger non solum seruatus, sed integre restitutus est. Eadem vero operatio in puella ob tempus nimis protractum minus prospere successit. Citra pulsus rationem in dolore pleuritico institutae venae sectiones non nullos in talem lethalem et alios in summum vitae discrimen adduxere, ex quo nutriente et excitante diaeta vix euaserunt. Superuenerunt quoque interdum exanthemata miliaria.

p. 72. Mense *ianuario* continuabant peripneumoniae et pleuritides, eandemque in plerisque seruabant indolem, quam in praecedente mense habuerant. Criseos tempore in plerisque, qui ab expectoratione nullum acceperant leuamen, proruperunt miliaria exanthemata, quibus denique totus morbus soluebatur. Restitit tamen in sex aegris post illorum exsiccationem et post febris plenariam remissionem obtusus et premens in sternum dolor cum tussi continua. Octauo demum die in duobus, nono in tertio, et vndecimo in tribus reliquis accedens

dens nouus febris impetus iterum expellebat exanthemata, quae post sex dies exsiccata euanescebant aegrotisque sanitatem relinquebant.

Non solum leues catarrhales, sed et putridae et p. 82.
petechiales ab exercitu Viennae apportatae *februarii*
mensis epidemiam constituebant. Post morbum
petechialem ante alui purgationem carniū efus
ructus excitabat putridos, appetitum et vires corpo-
ris cum horrore denuo frangebat, post euacuatio-
nem salutaris erat. Notatu dignus videtur aeger, p. 90.
qui hoc mense febre continua correptus decumbe-
bat. Initium morbi ad tertium vsque diem leue
erat, quarto autem grauiā accedebant symptomata
e. g. pulsus celerrimus, exiguus, inaequalis, re-
spiratio citata, noctes vigiles, gemitus, ardor prae-
cordiorum, extremorum frigus. Continuus cordis
tremor aegrum vel erecto vel prono semper trunco
federe cogebat; a nullo accipiebat medicamine leua-
men et sexto die moriebatur. Incisum cadauer pul-
mones et cordis ventriculos sanguine repletos, cordis
vero apicem sphacelo penitus corruptum exhibebat.

Febres continuae *martii* mensis perparum ab iis p. 91.
februarii differebant.

Aprili mense febres acutae et catarrhales benignae p. 99.
celebres erant, infantes vero et iuuenes febris erysi-
pelatosae species cum angina frequenter inuadebat.

Non solum mense *maio*, sed iam antea, longe p. 102.
minor tussis fuerat et frequentia et saeuities, minor
quoque hoc mense erat numerus putrida febre affe-
ctorum. Remittens febris continua frequentissi-
me obseruata fuit.

Diarrhoea mense *iunio* plerisque, qui acuta fe- p. 109.
bre decumbebant, auxilium attulit, quidam tamen
exinde inciderunt in dysenteriam, quam vero rha-
barbarum vel ipecacuanha, et decocta mucilaginosā
inhibuerunt.

p. 112. Nunc singulos morbos diuturnos perstringit Cl. Auctor et primo loco *febris continuæ arthriticae et rheumaticae* symptomata et curationem studiose enarrat. Sanguis, e vena missus, semper crustam flavam crassam, tenacem habuit, feri parum tenacis. Aluum clausum iure non metuit Cl. Auctor apoze-
mate antiphlogistico aperire. Dolor ante vigesimum nunquam, interdum post trigesimum et quadagesimum diem plenarie sedatus fuit. In quibus subito febris cessabat et superficies totius corporis antea tumefacta subsidebat, materia ubique dispersa in vnum collecta locum, magnos efformabat tumores, qui, cum discuti non possent, incisi serum flavum viscidum reddebant et consolidationem respuebant, quam denique infusum herbae cicutae frequenter applicatum praestabat. Multi mirabuntur in doloribus his rheumaticis Cl. Auctorem applicuisse cataplasmata ad articulos. In pertinacissimis articulorum doloribus cataplasma, ex ranunculi herba recenti contusa applicatum, omnibus aegris levamen conciliauit, praeter unicum, qui acuto dolore in ultimis lumborum vertebri tam misere excruciebatur, ut post saevissima symptomata moriretur: foramen magnum vertebrarum inferiorum lumborum, eiusque partes propinquae putredine destructae et in ichorem liquefactae erant. Dolores rheumaticos subito evanescentes semper et repetitis vicibus in aegro quodam sequutum vidit pulsum, post quemlibet tertium ictum, intermittentem, cuius intermissionis tempus aequale erat tempori trium praegressorum ictuum. Simulatque dolores redibant, et pulsus aequalis observabatur. Finiebatur morbus duodecimo die largo et foetido sudore. Praeter diluentia, cortex Peruvianus cum conferuis antiscorbuticis aegroto propinatus fuerat.

In apoplexia et paralyfi cum tuffi coniuncta ab initio adhibere diffuadet Auctor volatilia et spirituo-
fa, quod ea viderit in hoc cafu facillime nimiam in-
cendiffe febrim, exanthemata vi protrufiffe, phthi-
finque procreaffe. Sufficiunt et plurimum valent
diluentia et expectorantia infufa. p. 131.

Vt in omnibus morbis grauioribus, fic maxime in variolis malignis Cl. Auctor largiori exhibet manu
paregorica et praecipue laudan. liquid. SYDENHA-
MI, cui interponit extractum corticis Peruuiani.
In leuiori variolarum ftatu diluentia infufa omnem
absoluunt curam. Ex quinquaginta feptem aegro-
tis, quorum plerique non fine magno erant peri-
culo, ne vnicum amifit Cl. Auctor. p. 155.

Quae in priori anno laudata fuit febribus inter-
mittentibus medendi methodus, experientia in
altero confirmatur. Tertianae quotidianaque du-
plices hoc fpatio frequentes fuerunt: vernaes fe-
bres omnes vomitorium exigebant, quo neglecto
protrahebantur diu. Puer nouem annorum quoti-
die ftato tempore vehementibus corripiebatur con-
vulfionibus, quae in tetanum vniuerfalem mutaban-
tur; tetanum octo horae minuta durantem fequeba-
tur largus fudor et mentis ferenitas. Varia incaf-
fum tentata fuerant remedia; demum extract. cort.
Peruv. drachmae fex, tempore intercalari deuoratae,
abigerunt conuulfiones et aeger conualuit. Febrim
quartanam, quam nulla remedia, ne cortex quidem
Peruuianus copiofe fumtus, coercere poterant, frictio-
nes cum pannis laneis camphora imbutis tempore
horripilationis profligarunt; nullus paroxyfmus an-
tea fudore finitus fuerat, qui nunc, dum frictionibus
excitaretur et infufis calidis adiuuaretur, febrim mox
fugabat. Alias pertinaces et cortici quoque Peru-
viano refiftentes febres falutari cum effectu fuppres-
fit, dimidia hora ante acceffionem fumtum medica-
p. 163.

mentum ex syrup. diacod. vncia dimidia, aquae flor. papav. rhoead. vnciis duabus, spiritus sulphuris per campanam elicti drachma dimidia. Recenset quoque Cl. Auctor exempla febris intermittentis pectoralis, cuius curatio consistebat in promouenda expectoratione.

p.175. Felix methodi hydropem curandi in primo anno descriptae euentus et in hoc anno obseruatus Cl. Auctorem de praestantia illius confirmauit. Saepius paracentesis abdominis instituta fuit, quae sola tribus aegrotis integram retulit sanitatem. Gravida foemina ascitica puerum non solum sanum edidit, sed naturalem quoque tempore puerperii habuit lochiorum fluxum, qui vero pristinum morbum nec auferebat nec imminuebat, quod autem post octodecim hebdomades instituta paracentesis praestitit. Puerum, decem annorum, anasarca et ascite affectum, ipsa naturae vis per vehementes convulsiones ab hoc morbo liberauit. Etsi in foemina quadam operatio sexies repeti debuit, integre tamen postea conualuit.

p.190. Motus in tympanitidis curatione primarium obtinet locum, frictiones, fomenta sicca calida aromatica et enemata plurimum quoque adferre solent auxilii. Singularis est exitus, quem habuit morbus, de cuius perfecta curatione nunquam non desperari solet. Ex scirrhis copiosis abdominalibus, qui post tertianam febrim orti fuerant, incidit iuuenis, duodeviginti annorum, in tympanitidem, praecesserant huic inflationi alui segnities, dolor acutus in abdomine, febris continua, quotidie vesperi aucta; sequebatur illam vomitus. Pulsus durities exigebat venaesectionem repetitam, acutus dolor abdominis externe cataplasmata, interne enemata emollientia. Umbilicus sensim in pugni virilis magnitudinem elatus et inflammatus, sexto die sponte ruptus, copio-

piofum fundebat pus eruſtabatque ſtatus. Poſtquam inde detumuerat abdomen, ſcirrhi emolliti et decreviſſe videbantur, Magna interim ex vmbilico puris quotidie educebatur copia, quæ tandem cum vndeuigeſimo die minueretur, permittebat, vt vigeſimo primo vmbilicus penitus occluderetur. Bene interea ſe aeger habebat. Ad reliquias vero ſcirrhorum reſtantium extirpandas decocta commendabantur reſoluentia et pillulae gummoſo ſaponaceae, nec ſine ſperato effectu; praegreſſis quippe anxietate, dolore capitis, lumborum, inguinum, vrinae ſpaſmodica retentione, ſuccedebat copioſum profluuium vrinae primum limpidae, deinde turbidae craſſae, cuius dimidia pars verum ſiſtebat pus. Talis vrina per interualla rediit et aeger tandem conualuit, ne vſlo quidem in abdomine ſcirrhi cuiuſdam ſuperſtite veſtigio. Curam demum abſoluebant balnea Badenſia et potus aquarum Selternarum.

Nouis experimentis validam in morbis venereis p.222. virtutem mercurii ſublimati corroſiui in frumenti ſpiritu ſoluti intellexit Cl. Auſtor, monet tamen ſedulo, abſtineant ab illo omnes, qui pectore laborant, quibus ſunt nerui maxime mobiles, qui haemorrhagias experiuntur. Obſeruauit quoque praeterea, reliqua mercurialia pharmaca interdum virtute antecelluiſſe huic mixturae, quinimo non nunquam decocta lignorum ſaturata plus valuſſe omnibus mercurialibus remediis, et vbi nec hæc medicamenta, nec lignorum decocta quicquam praestiterint, ſimplex ſaturatum decoctum radicis ſaſſaparillae ſingularis fuiſſe efficaciae.

Medicamentum anthelminticum in priore li. p.228. bello deſcriptum in ſtatu vermiſoſo nunquam ſine effectu exhibuit; non ſuffecit tamen in foemina, quae, licet eo ab innumeris per viginti annos vermibus

mibus liberata fuisset, nihilo tamen minus ab iis fuit enecata. Inter membranas enim intestini ieiuni tres lumbrici, quatuor pollices longi, absconditi erant, qui tantam vermiculorum progignebant cateruam, ut pars ista intestini asseruata breui in furfures corrosa et consumpta esset.

De angina, febre haemorrhoidali, morbillis et fluore albo non nullas et egregias quoque tradit Cl. Auctor observationes, quas vero praeterimus propterantes ad sectiones anatomicas.

p. 239. 4. Foemina, 30 annorum, difficili respiratione et tussi ad suffocationem interdum aucta laborabat. Malum hystericum subesse primum credebatur, hinc medicamenta contra illud adhibebantur, quae vero tantum aberant, ut morbum leuarent, ut e contrario valdopere exasperarent. Dum curae Cl. Auctoris aegra traderetur, pulsum habebat inaequalem, paruum, respirationem sublimem breuem et in expiratione pulmones in pectore natate atque vi superiora versus trahi aegrotae videbantur. Venae-sectione, paregoricis, emollientibus et expectorantibus insigne afferebat Cl. Auctor non solum in hoc, sed diuersis reuertentibus paroxysmis leuamen. Minima interim aeris mutatio grauiora reuocare solebat symptomata et, dum subito humida, nebulosa frigidaque ingrueret tempestas, symptomata augebantur, et tandem aegram interimebant. Morbum pectoralem prodiderant symptomata, causa igitur morbi in pulmonibus quaerenda erat, in quibus etiam aer vbique in membrana cellulosa dispersus, hinc inde vero ita collectus reperiiebatur, ut vesicas pugnum viri magnitudine aequantes eleuaret. Pulmo in frustra dissectus et in terram proiectus magna vi et elasticitate resilliebat. Aer igitur, extra vasa missus, causa fuit et morbi et mortis, ut itaque hunc morbum, quem aliquoties obseruauit Cl. Auctor, phthisin

phthisin seu consumptionem aeream appellandum esse credat. Hepar praeterea, quod in tota superficie sanum et naturale erat, dum casu incideretur, reperiiebatur pene totum excavatum, quod cauum serum limpidum inodorum continebat, in quo hydatides septem libere fluctuabant; quarum tres oui gallinacei magnitudinem superarent.

6. A violentissimo vomitu in foemina subito inhi- p.245.
bebatur tunc temporis praesens mensium fluxus, cui succedebat anxietas praecordiorum, palpitationis cordis, frigus extremorum. Nullo medicamine reuocari poterat fluxus, et licet postea symptomata interdum mitigarentur, superfuit tamen semper palpitationis cordis, pulsatio in epigastrio et sub paullo fortiori motu animi deliquium. Altero mense cum fluxus reuerti debuisset, symptomata priora recrudescebant augebanturque, sub ventriculo sentiebatur tumor. Venaesectione, sero lactis et paregoricis per tres et dimidium menses vita est prorogata. Post mortem pancreas in tantum extensum erat saccum, sanguine grumoso repletum, ut pondus superaret tredecim librarum ciuilium. Quaerit Auctor, an rupta in medio pancreate arteria a violento vomitu fuerit causa?

9. In nona sectione de foemina narratur, quae p.250.
a diarrhoea, integrum annum continua, viribus valde debilitata fuerat. Pauca, liquida erant et plumbei coloris, quae alius frequenter reddebat. Quem curare non poterat Cl. Auctor morbum, valdopere tamen per sex menses mitigauit decocto saturato radicis salab et potu feri lactis, cui addere solebat spiritum nitri dulcem. Viribus vero exhausta tandem e vita excedebat aegra; in cuius cadauere cerebrum, cor, hepar, lien, renes, omnes partes musculosae et integumenta corporis naturalis erant coloris; nigri vero pericardium, pleura, diaphragma, omen-

tum, ventriculus, cuncta intestina, vesica vrinaria, peritoneum, vterus eiusque vagina et ipsa cerebri meninges; plumbei autem coloris pancreas et eius liquor.

p. 253. 10. Siftitur hydrops renum ex vnius vreteris callosa duritie et coalitu ad vesicam et ex alterius inflammatione orta.

p. 262. 14. Recensetur casus, qui fere similis, certe quoad symptomata, est ei, quem supra *) descripsimus. Pericardium pure turgebat, cor in facie anteriori suppuratum, ad apicem gangraenosum erat. Suppuratio quoque adscenderat sursum in aortam ad pollicis longitudinem, reliqua vasa maiora polypos continebant. Morbi causa fuerat, quod aegrotans ex calido loco in frigidum, corpore contra frigus

p. 232. non bene munito, se contulerat. Huc pertinet quoque secundum cadauer, in quo intra membranas pericardii sex librae puris sunt repertae. Reliqua viscera et ipsum cor sana erant. Causa vero occasionalis nulla detegi potuit.

p. 266. 17. Mirum est, foeminam, quam non solum ascite et anasarca, sed etiam pectoris hydrope laborasse, sectio ostenderat, nunquam de tussi, difficili respirazione, nec de anxietate quidem fuisse conquestam.

p. 269. 19. Summa nos afficit admiratione relatio sectionis cadaueris vnde uigesimali. Violenta tussis in dextra capitis parte foeminae dolorem excitaue-
rat acutissimum, quem deinde exceperat continuus in eodem loco pulsus. Nihil interim in externa facie mutati apparebat. Post annum circa os temporale dextrum oriebatur tuberculum elasticum pulsans; partes vicinae cum dolore tendebantur, oculus

* vid. sup. pag. 273.

lus rubebat. Hoc tuberculum quotidie increfcebat et motui maxillae inferioris inſignes opponebat difficultates. Affeſta interim foemina praeter pulſantem dolorem ſe bene habebat; poſt dimidium vero annum ſubito debilis facta cibos auerſabatur et intra menſis ſpatium viribus conſumta obibat. Tumor hic in pugni virilis magnitudinem excreuerat, omnia oſſa cranii dextri lateris deſtruxerat et in membranam tenuem mutauerat, capitulum maxillae inferioris, non ſolum e ſuo loco remouerat, ſed etiam exederat. Corroſum quoque erat os iugale, pars maxillae ſuperioris, pars palati oſſei poſtici cum proceſſibus pterygoideis et magna pars oſſis petroſi, antrum HIGHMORI, os ſpongioſum inferius et fere totum os multiforme deſtructum; neruus opticus compreſſus marcidus; os bregmatis ſiniſtri etiam lateris, futura ſagittalis et in medio et ſine foraminibus magnis quaſi trepanatione inciſis perſoſſa.

Optamus non ſolum, ſed ſperamus eo maiori fiducia hoc inſtitutum laude dignum iri continuatum, quo maiores inde redundare ſolent uſus; huc accedit, quod Cl. Auſtor in praefatione ſpem fecit, Cl. COLLIN, ipſi in noſocomio adiunctum, in poſterum quidcunque obſeruatum fuerit, litteris mandaturum, adeoque id praefitutum, quod ipſe copioſis muneris aulici laboribus obrutus agere nequiverit.



XIII.

Des Semis & Plantations des Arbres et de leur culture; ou methode pour multiplier et elever les arbres, les planter en Massifs et en Avenues; former les Forets et les Bois; les entretenir et retablir ceux qui sont dégradés; faisant partie du traité complet de Bois et de Forets. Par M. DU HAMEL DU MONCEAU, de l'Academie Royale des Sciences; de la Societé Royale de Londres; de l'Academie Imperiale de Petersbourg; des Academies de Palerme et de Besançon; Honoraire de la Societé d'Edimbourg et de l'Academie de Marine; Inspecteur General de la Marine. a Paris, chez H. L. Guerin et L. F. Delatour. MDCCLX. 4. Alph. 2. pl. 3. Tab. aen. XVI.

h. c.

De ferendis plantandis atque colendis arboribus tractatio: siue methodus multiplicandi et educandi arbores, easdem dense vel in aditus ad lineas disponendi: fruticeta et sylvas formandi, eas in bono statu conseruandi, vel ruinam passas restituendi, tanquam pars completi operis de syluis et fruticibus. Auctore Cl. DU HAMEL DU MONCEAU.

Pergit Cl. DU HAMEL eadem, qua inceperat, indefessa industria aeque ac verae scientiae documento, in hoc opere de lignis et syluis, atque tam ardui momenti argumenta pertractat, vt omnibus
oeco-

oeconomis atque patriae vtilitas inde late patens enascatur. Quum enim in Galliis itidem magnam lignorum penuria fiat, ac in nostris regionibus, cui omni succurrendum est studio, eius modi hic propositas inuenimus regulas, quae satis intentioni facere possint, et optima finem hunc obtinendi suggerere remedia. Dolemus tantum, nos in rerum optimarum tanto cumulo non nisi praecipua posse adducere, quum ita in suis Cl. Auctorem institutionibus sese accommodasse inueniamus cuiuscunque facultati, vt quilibet, quae ipsi conueniant, eligere atque adhibere possit media. Accedit et alia huius operis vtilissimi commendatio, quod etsi doctissimus eiusdem Auctor praestantissimorum virorum scripta atque consilia diligentissime sit perscrutatus, nil tamen, nisi quae propria eum docuerit experientia, adprobauerit.

Diuiditur autem totum opus in sex libros, quorum primus terrarum diuersarum considerationi, et huic convenienti arborum electioni destinatur, secundus varios arbores multiplicandi modos contemplatur, tertius iuniores arbores educandi rationem explicat, dum possint in destinata sibi loca transferri: quartus porro plantationem arborum perpendit, quae in pomariis asseruatae sunt, quintus de syluis agit, et sextus tandem de sylvarum speciali cura et destructarum restitutione dispicit. Praefatio operi praemissa eleganter summam rerum exponit.

Sed nunc transeamus ad singula. *Primus* itaque *liber*, tribus absoluitur capitibus, quorum *primum* de terris, ad culturam arborum idoneis, *alterum* de climate et arborum ad plagas aptas expositione, *tertium* rationes, quae diuersas arbores eligere cogunt earum cultores, perpendit. Quum terrarum disquisitio vario suscipi possit modo, chemicam per-

scrutationem suo scopo minus aptam iudicat Cl. Auctor, inprimis, quod terrarum ubiuis soleant strata admodum diuersa esse. Hinc etiam, non quae omnibus vegetabilibus conueniant, sed quae arboribus tantum ab ipso attenduntur. Optimam terram, quae frumentis et cerealibus proffit, arboribus ferendis adhibere, proficuum non est, meliorem tamen expostulant horti, quam syluae. Inter terras sabulum et argillam, tamquam duo extrema, considerat, ex vtriusque natura et differentia enascuntur varia terrarum genera. Arena sola nimiam leuitatem, argilla sola compactam densitatem terrae facit, miscela demum vegetationi adaptata est. Inter lapides crescere arbores nequeunt, neque artificiales miscelae nisi in angusto spatio adhiberi poterunt, ad syluas construendas neutiquam. Interim nulla terra tam mala est, quin possit arborum incremento inferuire, dummodo certam quandam profunditatem assequatur, nec terrae interioris natura vegetationi contraria sit. Vnicam terrae speciem omnibus vegetabilibus aptam eam esse arbitratur, quae argilla cum multo sabulo mixta constat, seu, ut vocant, ex sabulo pingui (*Sable gras*) fit. Re-

- p. 8. censet etiam magnum arborum catalogum, quae in eius modi terra feliciter crescant. Ad cognoscendam autem terrarum profunditatem commendat singularem terebram excauatam et hic delineatam, qua mediante sine magno labore potest terrarum indoles perspicui. Tandem ex variis obseruationibus
- p. 13. concludit Noster, arbores in omnibus terris, cuiuscunque sint naturae et coloris nasci: praecipue, ubi est sufficiens humi quantitas, quam permeare radices et penetrare humores possunt: arbores feliciter vegetare in terris, quae aliis vegetabilibus, v. c. frumentis, viti etc. non conueniunt: sub bona terra, non admodum profunda, mala si occurrat, fru-

fruticeta vel arbores exiguae staturae posse educari: si sub mala terra bona sit, hanc permeando demum radices arborum optime nutriri, arbores etiam, remote a se positas, increfcere, si terra bona vicina sit, ad quam radices queant sensim deferri: bonitatem, quod ad incrementum arborum attinet, terrae etiam ex aliis sponte nascentibus vegetabilibus intelligi posse. Quoniam vero calor et humiditas p. 18.

multum ad vegetationem conferunt, vtraque haec conditio in climatis et arborum dispositione consideranda est. Arbores, in sicca terra crescentes, *arbores montium*, in humida vegetantes, *arbores valium* nominat Cl. Auctor. Pauca sunt vegetabilia, quae omni climati assuescunt, vt rubus, in zona torrida aequae ac in Lapponia bene proueniens: quaedam species diuersis etiam regionibus melius se accommodant, vt pini exemplo probatur; nec omnes arbores vnius regionis frigoris gradus aequales sine noxa ferunt, quum vtique in calidis etiam regionibus, ob montes v. c. eorumque altitudinem diuersus earum situs sit. Deinde successiua propagatio sustinendis climatis incommodis arbores adaptat, si locus regionis cuiusdam idoneus eligatur, id quod proposito quodam schemate, in angusto horti spatio etiam obseruando, explicat Cl. DU HAMEL: ex quo consequitur, vt expositio arborum p. 27.

ad plagam orientis et septentrionis praeferenda sit meridionali, si terrae leues et actio radiorum solarium valida sit, meridionalis vero plaga sit magis eligenda in terris densioribus et climate calidiore. In rimis et sinubus montium, in quas pluuias terras adferunt, arbores etiam recte vegetant, vt ad radicem montis frequentius altiores arbores nutriantur, in summo loco fruticeta crescant.

Pro differenti porro scopo, cuius causa plantationes arborum suscipiuntur, siue hortus instruendus

dus est, siue viae arboribus exornandae, siue amplior sylua efficienda, singulari opus est arborum electione, quare in sex diuersos iterum subdiuiditur haec sectio articulos. Hinc terrarum conditio primo in censum venit, et hortus v. c. qui fructiferis iisque optimae notae arboribus exornandus est, requirit terram mobilem, tractari quae facile possit, lapidibus destitutam, nec siccam nec humidam, trium pedum profunditate. Etsi haec arte talis reddi potest, in condendis syluis ars nihil valet, quare Cl. Auctor longum plantarum catalogum adducit, quarum quaeque suae terrae conuenit. Opus etiam recte arbitratur esse, ut in magnis plantationibus arbores adhibeantur, variis vñibus et redditibus inferuientes, ubi iterum et *arbores montanae* et *ligna alba siue aquaticae arbores* earumque utilitates recensentur. Deinde quae in specie hortis conueniunt, refert, exstruendis viis, arboribus confitis et variis earum ornamentis.

p. 59. Multiplicantur porro arbores quintuplici ratione, quas nunc *libro secundo* Cl. Auctor perpendit, nempe per semina, per ramos, terrae impactos, radices agentes, (*boutures*) per ramos radican-
 tes suo adhuc trunco adhaerentes (*marcottes*), per stolones et per insitionem. De singulis seorsim agitur, Maxime quidem naturalis plantarum propagatio per semina fit, veretur autem Cl. Auctor, ut eadem species semper, vel varietas potius, per illa possit obtineri, quae per reliquos propagandi modos nequiquam mutatur, si v. c. folia lata fuerint, ut in Ulmi varietate. Per ramos plerumque propa-
 tur Salix, Sambucus, Populus, aliaeque arbores,

p. 66. de quibus notat Noster, eligendos esse ramos, quantum fieri potest, rectos, ad perpendiculum surgentes, quum alias trunci non facile recti exsurgant, simulque omnem methodum in terram mittendi et
colendi

colendi hos ramos tradit. Rami, cum suo trunco cohaerentes adhuc et in terram inclinati radices agere coguntur triplici ratione, vel si trunci excisa-
 rum arborum obtegantur terra, quo prouenientes p. 71.
 rami ex illo radículas faciant, vel, si truncus arboris rescindatur totus, vt ramos nouos propellat, vel si trunci pars relicta, et, si nouos ramos produxerit reclinata atque rami terra obruti fuerint. Turiones in pomariis educandi sunt, et rariores arbores optime per infitionem propagantur. De seminibus plura iam exposuit Cl. DU HAMEL in *Phyfica vegetabilium*, nihilo tamen minus multa adhuc de iis, ad praesentem scopum facientia, dicenda supersunt. Quare hic agit de signis maturitatis feminum, et quae eligenda sint, qua ratione colligi debeant, mundari, conseruari, quo tempore terrae mandari, quando prius, quam ferantur vel in pomaria reponantur, debeant ad germinationem disponi, multisque vtilibus obseruationibus illustrat. Perfectio semi-
 num ex conuenienti magnitudine, forma, et in succulentis fructibus, ex mollitie fructuum, eorundemque spontaneo secessu diiudicari debet; qui non sponte cadunt, vt Cerasa, etiamsi exsiccentur, bona semina continent, capsulae maturae se aperiunt, vel siccatae aperiri debent, tunc vbi semina recte conformata, plena, superficie aequali et lobis seminalibus bene nutritis apparent, matura haberi debent. Alia explorandi via est, si semina, quae pilis, membranis aut similibus ornamentis instructa non sunt, aquae immissa, fundum petunt: notat tamen Cl. Auſtor se ex glandibus aquae supernatantibus et a vermibus tactis plantas accepisse, cum vermes germen nondum destruxerint, conorum semina matura sunt, si squamae sponte se aperiunt, excutiendo illa. Fraxini semina, adhuc viridia, cum terra paulum humida commiscuit Noster, et vere subsequente
 opti-

p. 83.

optima reperit atque feliciter germinasse. Eligi autem debent semina, in primis si ampla satione opus est, ex optimis bene valentibus arboribus, quum non sine ratione et hic ex prouerbio, ex gibbo gibbus nascitur, de natura matris illa participant, sed si deformitas a causa accedente pendeat, semina bona sunt. Colliguntur semina vario modo; de multis hunc in finem instituendis laboribus loquitur

p. 90. Noster, ex quibus tantum vnā animaduersionem dignissimā adducimus, coniferae nempe arbores maturos suos conos aperiunt, semina cadunt, et deinde, si humidi fiunt coni, iterum se claudunt; ne vacuos itaque accipias conos, illi demum decerpendi sunt, qui extremitatibus ramorum adhaerent, ex quo loco scilicet quotannis procedunt, antiqui enim profundius adhaerent. Munda redduntur semina, si alae in coniferis vel membranae adnatae auferuntur, ex succulentis fructibus, si exprimuntur illi, semina sensim siccari et depurari debent, aliaque similia adhiberi momenta. Longe curiosior est solertia seminum conseruandorum, quum eorum vis vegetandi admodum variet, alia citius, alia tardius eandem perdunt, Quapropter mox non nulla ferenda sunt, quam matura fuerunt reddita, alia diutius durant, cuius rei memorandum adducitur exem-

p. 94. plum, vbi semina stramonii post viginti quinque demum annos in terra sepulta, iterumque protracta, progerminarunt. Sed quum triplicis generis semina sint, oleosa, farinacea et resinosa, in singulis opus est speciali cura. Priora in loco frigido et sicco, optime seruantur, resinosa vero itidem in frigido loco paululumque humido bene se habent. Sed quum haec etiam attentio semper non sufficiat, aliquando semina, papyro obuoluta, diutius idonea manent, multum autem laudatur arenae siccae vsus, quae humiditatem seminum attrahat, corruptionem

nem praecaueat. Trans mare missa semina cespite vel musco recenti indita haud raro integra adducta sunt. Tempus ferendi semina pariter admodum differt, quaedam vere, alia autumnino melius vegetant, illa, quae facile germinant, semina in arena sicca, quae difficiliter, in terra paulum humida interea seruanda sunt. Viscum ramis arborum sine alia praeparatione applicatum bene germinasse vidit Cl. Auctor, simulque alia consilia plura suppeditat. Ex quibus salutare admodum est, seminibus germi-
nantibus arborum, quae transplantari iterum debent, demere radiculam perpendicularem, (*pivot*) quo laterales radices prodeant, ad conseruationem arboris in alia terra necessariae, id quod in exiguis etiam seminibus fieri iubet, vt vt molestum sit, quam quidem suam sententiam contra varias obiectiones et experientias defendit Noster. Porro semina pro ratione suae et terrae naturae ad diuersam profunditatem ferenda sunt, profundius in leui et arenosa, minus in densa et argillacea: nec non sationem seminum densam magis proficuum, ac rariorem, esse censet.

Tertius porro liber modum arbores in pomariis p. 138.
educandi perpendit, quorum duo genera esse debere docet, alterum, in quo minores arbusculae detinentur, (*pepiniere*) alterum, in quod iam adultiores elatioribusque instructae truncis reponuntur, (*battardiere*). Eam potissimum pomaria vtilitatem praestant, quod arbores in angusto spatio plures haberi queant, et ob densiorem vicinitatem truncos suos facilius erigant rectos, ac si distinctae ponantur. Quare etiam Noster quaestionem discutit, num ad plantationem magnam opus sit pomario, quod ob varias causas adfirmat, siquidem arbores, ex longinquo adductae, difficiliter crescent, et impensae

- hac ratione minores reddantur. Solum autem eligendum est per se fertile, siccum magis quam humidum, quod etiam stercoreari non debet, ne inde nati vermes radículas rodant: aquaticae autem plantae melius humida ferunt loca. Quum multa sint in plantandis atque eruendis illis arboribus obferuanda, omnia studiose traduntur, tam quod ad arbores minoris staturae, tam quod ad altioris pertinet. Inter alia laterales ramos sensim resecandos esse praecipit, ne nimis cito trunci excrescant, quod inter ramos atque radices semper est proportio, sic etiam trunci inflexi paulatim erigendi sunt, vel qui non corrigendi, resecandi, ut nouus propullulet truncus. Tempus transplantandi ex pomariis arbores autumnale est vel vernale, quando folia cadunt ad tempus, quo gemmae incipiunt protrudi. In utroque cautiones adhiberi debent, de quibus agitur, quas referre quum nequeamus, notamus saltem, cum terrae adhaerente gleba radices erui deberi, quo citius in alio solo arbores proueniant.
- p.150. His itaque expositis pergit Cl. Auctor in *quarto libro* de plantatione arborum agere, quae dicto iam modo educatae sunt; ubi non solum omnia adducit, quae necessaria scitu sunt in hortorum cultura, ad vias arboribus exornandas, in atrio ponendas, in quincuncem concinne redigendas et alia: sed etiam speciales regulas tradit, v. c. ex pomariis si arbores eruantur, non fortes et adultas a iunioribus extrahi debere, sed omnes quo ordine sibi succedunt, eruendas esse, debiles deinde iterum reponendas. Distantia inter arbores iuxta se positas, et
- p.194. viarum inter arborum series procedentium ex terrae qualitate, magnitudine arborum, longitudine viae dimetienda est. Radices autem arborum nec nimis profundae in terram immittendae sunt, nec nimis altae,

altae, sed medio modo se habeant, quo a pluuiis etiam mediocribus affici, nec a radiis solis nimis exsiccare vel a gelu destrui queant, alia aliaque suadet etiam terrae conditio diuersa. Vanam vero iudi-
cat opinionem, si in transplantandis arboribus ad eam velint plagam conuertere superficiem, quam in pomariis tenuerint. Licet optimum sit, arbores ex propriis pomariis desumere, quae in vicino loco, ubi magnae plantationes fieri debent, constituentur, quo protinus illae transplantari queant, coguntur tamen cultores arborum aliquando eas coemere, quare necesse est, bonam arborem, quae feliciter crescat, ex signis quibusdam nosse, quae sollicite traduntur, ex his notamus sequentia: arbores non desumendae sunt ex pomario stercoreato, vel per se pingui et humido exceptis arboribus aquaticis. Ex semine prognatae arbores meliores sunt reliquis, dummodo radices habeant sufficientes, nec vnica perpendiculari instruantur. Deinde boni sunt stolones, si radices habent, nec decerpti sint ex veteri trunco, aut propullulauerint ex radice magna. Cortex arborum debet aequalis esse, nec vlcere tactus, nec musco obrutus. Neque rami ex trunco debent natura sua deorsum crescendo propendere. Porro non nimis tenerae aut exiles sunt eruendae, aut quae in terra, ex foliis putridis orta, enascuntur. Enitendum etiam, vt postquam erutae sunt ex terra, immittantur iterum, protinus, nec radículas habeant flaccidas vel exsiccatione rugosas: radices autem, si prosperum transplantationis expectes successum, magnitudini arboris proportionatae sint. Deinde, quaenam cautiones sint obseruandae, si in
p.205.
p.212.

- mulque variis modis praeuerrere iniurias, arboribus inferendas a transeuntibus vel animalibus, nec
p.231. non a ventis demonstrat. Iterumque in locum perditarum adultiores iam arbores, in pomariis educatas, restituendas esse iubet. Sed, quo arborum summi trunci bene crescant, inutiles refecandi
p.235. sunt rami; ex multiplici autem experientia cognovit, nullam vnquam noxam cuicunque demum arbori induci, si iuniores tantum rami exsecantur successiue. Ad rite intelligendam hanc agriculturam vltimi exemplo vtitur, et a prima vegetationis origine rem explicat atque exsequitur. Robustiores enim et magni rami, si abscindantur, haud raro interior massa corrumpitur et ligna ad varios vsus oeconomicos inepta fiunt, quum e contrario iuniorum plaga per cicatricem facile refarciatur.
- p.253. In *quinto nunc libro* praecipuum et vtilissimum tractatur obiectum, quo modo scilicet syluae, quae late patent, formandae sint. Varias a variis hunc in finem excogitatae sunt methodi, quarum aliquae multas exigunt impensas, quibus facultates pauciorum sufficiunt, optimam itaque iudicat, in locis, vbi syluae fieri debent, serere, non plantare, arbores etiam si utilitas demum in posteros resultet. Hinc ideam proponit et delineat, secundum quam terrae, in syluam conuertendae, sunt distribuendae, in
p.257. montosis autem locis aliter res se habet. Porro diuersas methodos copiose recenset, quibus vsus est vel ipse Cl. Auctor in variis locis, vel quae ab aliis fuerunt adhibitae, simulque quali effectu susceptae fuerint eiusmodi sationes declarat. Loca quandoque sunt in syluis, in quibus parcissime iuniores arbores proueniunt, quibus defendendis et
p.302. iuuandis optime conuenire Noster probat, betularum, vmbram facientium, plantationem. Noxae
ab

ab animalibus feris vel aliis, vt cuniculis, leporibus, vel fossis circa syluam ductis largis, profundis, vel machinamentis, cancellis, quorum extruendorum rationem suppeditat, auertuntur. Multi autem suadent, vt arbusculae, quo eo meliores radices agant, ad soli vsque superficiem rescindantur, quod in vniuersum vtile non esse demonstrat et ex eo argumento, quod superius adduximus, radices proportionem habere aliquam ad ramos; sunt tamen casus, vbi haec etiam necessaria est agriculturae species, si fruticeta minoris staturae et densiora habere velis. Singulare tandem testimonium Noster praebet, quantus sit sui in alios amor, quum ad oculos quasi demonstret, variis fidis experienciis, quod illi, qui syluas condere susceperunt, vel ipsi aetate prouectiores, vel eorum filii et posterii mox inde non exigua capere queant emolumenta.

Quare in *sexto* tandem libro indicat, quo modo crescentes iam syluae conseruari, et destructae restitui debeant, in quo sane labore multum positum est, vt quaecunque terrae perpetuo in optimo sint statu atque continuam praebeant vtilitatem. Spectat autem huc, vt praecaueantur vel extinguantur protinus adeo infensa sylvarum incendia, vt circumspecte admittatur animalium pastus, et rite conseruentur trunci, ex quibus noui propullulant stolones, vt si caeduntur syluae, nouae ferantur arbores. Verum tamen, quum pleraque, quae hic proponuntur, oeconomici magis, quam physici sint argumenti, de iis iam tacemus, inprimis, quum ex adductis momentis operis ipsius abunde constet dignitas, nec possit, vt ab initio diximus, de cunctis, vt decet, exponi. Ipsa libri lectio commendanda est, quicquid enim obscurum adhuc videri posset,

posset, id elegantibus admodum additis copiosis delineationibus illustratur. Monemus tandem, Cl. Auctorem in elaborando opere de caedendis syluis, (*sur l'exploitation des bois*) occupatum esse.

Indefessus autem Cl. DU HAMEL nullam praetermittens occasionem, qua vel emendare dicta possit, vel aliquid addere, dum hoc scripserat opus, a Cl. TROLLY aliquas de exstructa sylua acceperat observationes, de quibus sua exponit cogitata. Nec non additamenta operibus, *de arboribus et fruticibus* atque *physicae arborum* adiunxit: in prioribus tum generis, tum speciei characteres emendat varios, addit etiam plantas aliquas, ut Bupariti H. Malab. f. *Hibiscum foliis cordatis integerrimis* LINN. nouam et meliorem delineationem floris Cephalanthi, Sideroxyli, describit *Cerasi* varietatem, syluestri non absimilem, fructu paruo, acidiusculo, vnde destillatur vel extrahitur liquor, *Marasquin* dictus, ex communicatione Cl. IOANIN et alia. Haec additamenta constant ex plagg. 3½ et tab. aen. 1. Additiones ad physicam arborum in plag. 1. exponunt obseruata de vasis spiralibus plantarum a Cl. GEORG. CHRISTIAN REICHEL hic Lipsiae exposita *).

*) De iis diximus in Comment. Nostr. Vol. VII. P. II. p. 360.



XIV.

Histoire Naturelle générale et particulière avec
la Description du Cabinet du Roi. Tome
Huitième. a Paris, de l'imprimerie Royale.
1760. 4. Alph. 2. pl. 5 $\frac{1}{2}$. tab. aen. 54.

h. c.

Historia naturae vniuersalis et particularis, cum
descriptione musei regii. Tomus VIII.

Pergunt Cll. Viri, BUVFONVS et DAVBENTONVS,
in describendis animalibus, quorum sedecim in
oëtauo hoc Tomo commemorantur. Primum, P. I.
quod hic describitur animal, *Cuniculus Indus* seu
Cuniculus Americanus et *Guineensis* nuncupatur. Vi-
vit istud animal et in temperatis et frigidis regionibus,
ibidemque etiam propagatur. Mature, quinque
nimirum aut sex septimanas post ortum coeunt,
licet oëto vel nouem menses ad perfectum incrementum
requirantur. Foemina tres tantum septimanas
praegnans est. Prima vice quatuor vel quinque,
secunda quinque aut sex, reliquis autem septem, oëto,
imo decem et vndecim pullos enititur. Tribus post
partum septimanis praeterlapsis cum mare iterum
coit, sicque omni bimestri parit. Innumera itaque
huius generis animalia producerentur, nisi plura
vario modo perirent. Ita frigus et humiditas multa
interimit, feles plura deuorant, seque inter se in-
vicem occidunt. Vitam dormiendo, coeundo cibumque
capiendo transigunt. Nunquam bibunt, nihilominus
tamen omni momento mingunt. Plantis quibuscunque,
inprimis petroselino vescuntur. Animal hoc natura
mansuetum et cicur nullo modo noxam infert,
Informe est, pedes vix conspicuos

collumque adeo breue habet, vt auribus tantum discerni possit. Corpus eius, dum incedit, elongatur, in quiescente autem breue fit, lateraque intumescunt. Inter omnia animalia maximam convenientiam cum lepore et cuniculo, inprimis quoad capitis figuram, alit, differt tamen in eo, quod capite crassiori, auriculis multo breuioribus, fronte nequaquam conuexa, rostri extremo crassiori, quam lepus et cuniculus et superiori labio altiori instructum fit. Labium, leporino aliquantum simile, quoad dimidium tantum fissum est: narium orificia, rotunda, a se invicem remota sunt, ideoque et in eo a lepore et cuniculo differt. Oculi rotundi et magni sunt et prominent. Anteriores pedes quatuor, posteriores tribus digitis instructi sunt. Pili laeues pollicemque longi sunt. Color eorum albus est inque nonnullis albae tantum et fulvae maculae cernuntur. Scrotum maribus nullum est, sub cute tamen ad penis anique latera ex abdomine descendunt testiculi, quorum singulus inuolucro obducitur. In foemina aequae ac mari mammae duae reperiuntur, grauidaue foemina aperta in dextro vteri cornu tres inque sinistro vnum foetum habuit. Dentes viginti sunt. Vertebrae dorso tredecim totidemque costae, septem nimirum spuriae sexque verae, et lumborum vertebrae sex numerantur. Os sacrum ex quatuor, cauda vero ex sex tantum vertebrae spuris componitur.

p. 28. *Echinus* seu *Erinaceus*, cuius cutis a capite ad caudam vsque spinis, subque ventre tantum pilis obsita est, lacescit in globum se contrahit, spinis istis se defendit, hostemque vulnerat, licet ipse nullum animal aggrediatur. Tempore vernali haec animalia aliter ac alia, frontibus nimirum obuersis vel in pedes erecta vel humi iacentia coeunt. Foemellae

mellae initio aestatis ut plurimum tres quatuorue et interdum quinque pullos pariunt. Hi primis temporibus albi sunt inque eorum cute ortus tantum spinarum apparet. Echini fructibus, deciduis, scarabaeis stridulis, gryllis, vermibus, nonnullisque radicibus viuunt, carnisque etiam valde cupidi sunt, et vel crudam vel coctam deuorant. In filuis sub truncis vetustis, rupium rimis, lapidumue aceruis, qui in campis vineisque exstructi sunt, degunt. Nunquam spinis, ut tradunt, sed rictu praedam capiunt. In cauernis subque muscis semper pedibus insistant, nec interdiu, sed sub nocte exeunt. Hyeme dormiunt. Parum edunt perque longum tempus absque nutrimento viuunt.

Corpus erinacei informe et oblongum est, superius conuexum inque rostrum, admodum tenue, antrorsum terminatum. Crura eius tam breuia sunt, ut pedes tantum extremi in conspectum veniant. Collum non discernitur. Aures amplae, rotundae et breues, oculi vero, qui prominent, parui sunt. Cauda tenuis valdeque brevis est. De duplici erinacei specie, quam tradunt auctores, Cl. DAVENONTONVS, cui physicam hanc descriptionem debemus, dubitat. Quae enim a rostri diuersitate desumitur differentia, manca esse et erronea videtur. Alium enim rostro suillo, aliumque canino praeditum esse, dicunt. Caninus, qui secundum Cl. PERRAULT rarissime obvenit, communior RAIUS dicitur, quemque RAIUS suillum rarissimumque dicit, eum Cl. PERRAULT communio-rem vocat. Ex quo Noster colligit, utramque speciem non nisi vnam eandemque esse et errorem eo prouenisse, quod rostrum erinacei partim suillo partim canino simile appareat, ita tamen, ut erinaceus respectu rostri ad porcum, respectu nasi vero ad canem magis accedat, licet in utroque casu et

p. 33.

discrimen reperiatur. Maximae spinae pollicem longae sunt et rotundae; color earum in apice duasque tertias a radice albicans, reliquus ex fusco nigricans seu niger est. Odor animalis fortis minusque gratus est. Superficies corporis superior spinis obsita est; rostrum vero, frons, laterales partes capitis, iugulum, inferior et laterales partes colli, pectus, axillae, venter, inguina, nates quatuorue crura duplicis generis pilis tecta sunt, quorum alii fetis suillis similes esse solent. Lingua crassa et papillis vix conspicuis instructa est. Ventrem et pectus decem occupant papillae; scrotum nullum est. Dentes triginta sex sunt, quorum in utraque maxilla duo anteriores longissimi apparent: vertebrae dorsales quindecim totidemque costae, octo nimirum verae, septemque spuriae et vertebrae lumborum sex numerantur. Os sacrum ex tribus vertebbris spuriiis, cauda vero ex tredecim constat.

- P. 57. *Mus araneus*, mure vulgari minor, quoad rostrum, oculos, digitos pedum, caudam, crura, in primis posteriora, aures et dentes talpae valde similis, odorem fortem, singularem et felibus ingratum habet. Feles enim murem hunc necant, neque tamen devorant, exinde autem ratio provenire videtur, cur animalculum hoc venenosum pecoriue, et in primis equis, periculosum dictum sit, licet nunquam vere venenosum esse soleat. Inhabitat, praesertim hyeme foenilia, equilia, villas et sterquilinia, interdum etiam in campis et sylvis reperitur. Granis, infectis carneque putrida viuit. Vox acutior quam in muribus est, hisce tamen multo minus agilis deprehenditur. Color ex fusco rufus, interdum cinereus, fere niger, in omnibus autem sub ventre plus minus albicans est. Animal hoc ubique in Europa occurrit.

Cum

Cum hocce animalculo conuenit *Mus araneus* p. 64.
aquaticus, cuius descriptionem, vt Cl. BUFFONVS
hic notat, primus omnium Cl. DAVBENTONVS
exhibuit. Capitur istud animal ad fontium scaturi-
gines, oriente et occidente sole: interdum in ru-
pium rimis, vel in foraminibus sub terra ad riuulo-
rum decursum se abscondit. Vernali tempore pa-
rit et vt plurimum nouem pullos enititur. Quod ad
physicam et anatomicam huius animalculi descri-
ptionem spectat, Auctor Cl. DAVBENTONVS
animal hoc amphibium, mure araneo communi
maius, rostro maiori, cauda cruribusue longioribus
instructum pluribusque pilis obtectum esse, notat.
Color in hoc a rostri extremitate ad caudam vsque,
nudam fere et gryseam, nigricans est fuscumque in-
termixtum habet, inferior vero pars fulua, grysea
et cinerea est. Coecum intestinum nullum reperi-
tur. Pancreas magnum est et pone ventriculum a
duodeno ad splenem vsque se extendit. Lingua
crassa, fere conica et antrorsum acuta est. Scro-
tum nullum est. Foemella decem mammas in
ventre gerit, quarum priores binae ad vuluam, po-
steriores autem ad cartilagine costarum spuriarum
sunt. Papillae in gravida tantum conspicuae sunt.
Dentes viginti octo, vertebrae dorsales tredecim to-
tidemque costae, septem nimirum verae sexque
spuriae, et lumborum vertebrae sex numerantur.
Vertebrae spuriae, ad os sacrum et ad caudam per-
tinentes, viginti duae sunt.

Talpa, quae neutiquam coeca est, sed paruos p. 81.
admodum oculos habet, eximio auditu gaudet et
pro ratione corporis multum virium habet. Cutis
eius firma habitusque corporis vegetus est. Fere
nunquam nisi vi pluuiarum aut alio modo coacta e
domicilio exit. Rotundam in pratis cameram inque
hortis

hortis longum potius canalem exstruit: nunquam terram duram, compactam aut lapidosam, sed mollem, radicibus esculentis, insectis vermibusque foetam inhabitat. Cum raro exeant, mortem ob id declinant nec ab aliis animalibus deuorantur, ob fluuiorum tamen exundationes insignis copia perit. Hyeme exeunte coeunt, menseque Maio pariunt et plerumque quatuor vel quinque pullos enituntur. Domicilium in quo pariunt, singulari modo construunt. Fornicem primo parant, variis sepimentis et columnis instructum, terramque radicibus et herbis immixtis ita duram solidamque reddunt, ut aqua penetrare eam nequeat. Tunc cliuulum sub fornice hoc struunt, cuius cacumen herbis foliisque obtegunt, sicque lectum pro pullis parant. Cliuulus hic vndique foraminibus perforatus est, per quae talpa exit et victum pro pullis quaerit. Hyeme non dormit, seu dormiendo et absque victu transigit, ut nonnulli tradunt; terram cultam inhabitat, nec in aridis, nec in frigidis regionibus reperitur. Talpa Siberiae et americana animalia diuersa sunt, virginiana autem, talpae similis, pilorum tamen colore ab ea differt.

p. 87. Corpus talpae informe, oblongum fereque cylindricum est, oculi valde parui sunt, auresque, concha destitutae, orificio tantum exterius cernuntur. Pes anterior posteriori maior magisque manui quam pedi similis est. Cauda, ut apud mures, squamosa, sed pilis longioribus tecta est; anus prominet et a cauda valde distat. Pili molles coloreque cinereo praediti sunt. Lingua valde longa eiusque apex angustus et tenuis est. In foemella papillae lactationis tantum tempore in conspectum veniunt. Dentes in vtraque maxilla quadraginta quatuor, vertebrae dorsales quatuordecim, totidemque costae, octo nimirum verae, sexque spuriae et lum-

lumborum vertebrae quinque sunt. Os sacrum ex quinque, cauda vero ex duodecim vertebrae spuris componitur.

Vespertilio, monstrosus hoc animal, imperfectior p.113.
 et quadrupes, et imperfectior multo avis, pedes anteriores monstrose elongatos et membrana coniunctos habet, qua ad volandum utitur. Pes iste alatus pollice brevi et quatuor digitis admodum longis instructus est. Manus potius sunt, pedibus decies maiores totiusque animalis corpore quater longiores. Caput difforme est, inque omnibus aures caput superant; oculi parvi sunt, nasus informis, osque ab una aure ad alteram fissum apparet. Omnes vespertilionis species se abscondunt, lucem fugiunt, loca tenebricosa inhabitant, sub nocte exeunt et tempore sub lucano eo rursus se conferunt seque contra muros agglutinant. Alae non volant, volatusque nec rapidus, nec directus, sed imperfectus est inque vibrationibus repentinis consistit. Culices et papiliones nocturnos deuorant et integre deglutiunt. Vespertiliones ad quadrupeda, non ad aves pertinet: interim musculis pectoralibus fortioribus, quam alia quadrupeda, instructi sunt, quibus ad volandum opus est. Pullos viuos, et plerumque duos, pariunt, eos lactant, et volantes eos secum transuehant. Aestate tantum coeunt pariuntque: hyeme autem immobiles absque victu vivunt. Animalis huius species duae tantum ab Auctoribus describuntur, sed Cl. DAVENTONVS quinque alias, ideoque septem, describit. Pedes huius animalis aliter ac in aliis quadrupedibus se habent. Una proxime ad genu est; brachium anterius valde longum est et oblique a superioribus ad inferiora et a posterioribus ad anteriora descendit; corpus terram tangit: in anteriori pede digitus unus, pollex
 nimi-

nimirum in conspectum venit; genu tergum transcendit; crus a superiori ad inferiora verticaliter descendit, pesque posterior quinque digitis, aequalis longitudinis, instructus est. Omnes isti pedes membrana inuoluti sunt, quae caudam corporisque partem posteriorem abscondit. Animal itaque reptat potius, quam incedit, interim tamen pedum horum ope corpus antrorsum, ad latus, et retrorsum mouet: sed gressus difficilis et lentus est, eoque animal non nisi fatigatum utitur. Tempore ad volandum apto quatuor illos digitos explicat, membranam istam tendit sicque alam format. Membrana haec, vasis sanguineis fibrisque muscularibus instructa, flexilis, semipellucida tamque fortis est, ut vix lacerari possit. Caput a corpore vix discernitur inque eo rostrum tantum et aures, magnae, cernuntur. Oculi vix conspicui sunt.

Quod ad species istas diuersas attinet, prima, p.126. quae hic describitur, *Vespertilio communis* est. Rostrum in hoc magnum et elongatum, nasus latus, os atque aures valde magnae, oculi vero parui sunt. Color huius in superiori parte corporis pallide cinereus et quodammodo flauescens, in inferiori vero parte albus leuique flauescente mixtus apparet.

p.127. Secunda species, quae aurium magnitudine omnes superat, cuiue ob id Cl. DAVBENTONVS nomen *Oreillar* imponit, aures tam magnas habet, ut earum longitudo corporis longitudini aequalis sit et latitudo duas tertias respectu longitudinis constituat. Rostrum eius longum et acutum est. Alae non longae sunt et colore fusco seu nigrescente praeditae. Color in superiori parte ex nigrescente, gryseo et rubescente, in inferiori autem parte ex nigrescente et gryseo mixtus est.

p.128. Tertia species, cui nomen *Noctule* datum est, magnitudine vespertilioni communi non cedit, sed
crura

crura breuiora, nasum minus elongatum, frontemque minus conuexam habet. Aures minus longae, sed aequali latitudine instructae sunt. Pili huius animalis fului et fusci sunt, rostri vero extremitas, alae, caudae membrana et pedes nigrescunt.

Quarta species, *Serotine* dicta, rostrum elongatum, auresque breues et amplas habet. Superficies corporis superior colore ex fusco et fuluo mixto, parum admodum obscuro, inferior vero pallidiori, flauescente nimirum et cinereo tincta est. Alarum et caudae membrana nigrescit.

Quinta species *Pipistrelle* audit. Animal hoc valde paruum aures quidem magnas, sed ultra modum extensas non habet. Frons eius pilis admodum longis obiecta est. Color pilorum in superiori corporis parte fuscus est et quodammodo flauescit, in inferiori vero parte magis flauescens quam fuscus est. Nasus, labia, aures, crura et membrana crurum et caudae nigrescunt.

Sexta species *Barbastelle* nominatur. Hoc animal longis latisque auribus donatum est. Nasus tuberculum compressum format et immediate super os situs est. Pili ex fusco nigrescunt, excepto iugulo, pectore et ventre, quae partes colorem ex gryseo et fusco mixtum habent.

Septima species ob similitudinem, quam habet cum solea ferrea equina, *Fer a cheval* nuncupatur. Animal hoc visu horridum magnis auribus donatum est, quae in basi latae in acumen terminantur. Pili valde molles, in inferiori corporis parte colorem ingrate album, in superiori autem eundem cum cinereo fusco mixtum habent. Aures et alarum et caudae membranae nigrescunt. De die pedibus posterioribus propendit alisque inuoluitur.

In describendis partibus internis Cl. DAVBEN-
TONVS ea specie usus est, quam *Noctule* nuncupavit.

vit. Inter alia, quae hic occurrunt, notamus, linguam valde crassam esse, penem nequaquam abdomini adhaerere, sed propendere, vulvamque in foeminis rotundam inque pectore papillas duas reperiri.

p. 144. *Vespertilio communis* in maxilla superiori dentes octodecim inque inferiori viginti, vertebrae dorsales undecim totidemque costas, sex nimirum veras et quinque spurias, et lumborum vertebrae quinque habet. Os sacrum ex quatuor, cauda vero ex decem vertebrae spuriiis constat.

p. 149. Animal, quod *Oreillar* dicitur, in maxilla superiori dentes sedecim, in inferiori viginti habet. Cauda huius ex novem vertebrae spuriiis constat.

p. 150. *Noctule* in superiori maxilla quatuordecim inque inferiori octodecim dentes habet; cauda eius ex decem vertebrae componitur.

p. 150. *Serotine* tot dentes, quot praecedens habet, sed differt in eo, quod primus dens incisivus utrinque in maxilla superiori latus, in *Noctule* autem acuminatus sit.

p. 151. *Pipistrelle* in maxilla superiori sedecim inque inferiori octodecim dentes habet. Cauda ex octo vertebrae constat.

p. 151. *Fer a cheval* in superiori maxilla dentes incisivos nullos, de reliquo decem, in inferiori autem et incisivos et caninos et molares numeroque sedecim habet.

p. 158. *Glis*, *Mus auellanarum maior*, *Musque auellanarum minor*, tria haec animalia plerumque ab Auctoribus confunduntur, licet a se invicem omnino differant. Durante hyeme eadem haec ob sanguinem minus calidum dormiunt et absque victu vivunt. Inter haec *Glis* maximum est animal: sylvas istud inhabitat, arbores scandit, fagi baccis, auellanis, castaneis,

staneis, aliisque fructibus agrestibus viuit, imo etiam aues iuniores deuorat. Stratum e musco in cauis arborum truncis parat seque etiam in rimas rupium confert, semperque loca sicca eligit. Humiditatem fugit, parum bibit raroque in terram descendit. Nunquam cicur fit, vt sciurus, quocum alias multa communia habet. Sub veris finem mas et femina coeunt, haecque aestate quatuor vel quinque pullos parit. Parua haec animalia strenue se defendunt et valde mordent. Hostes eorum sunt feles syluestres et martes. In regionibus frigidis, vt Lapponia et Suecia, imo etiam in valde calidis vix vnquam reperiuntur: temperatas enim et, vbi syluae sunt, amant.

Respectu corporis et caudae glis multum cum sciuro conuenit, minor tamen est eiusque partes omnes minores sunt. Superficies corporis superior gryseo colore cum nigro et argenteo mixto tincta est, inferioris vero color albus atque hinc inde fulvus est. Mystax niger duosque pollices longus est. Lingua huius animalis in apice lata et tenuis, de reliquo crassa est. Mammae et in mare et in foemina decem sunt, quarum quatuor pectus sexque ventrem occupant. Dentes viginti sunt; in qualibet nimirum maxilla anteriores duo longi, tum locus, vt in equis, dentibus nudatus, tandem vtrinque quatuor molares reperiuntur. Vertebrae dorsales tredecim totidemque costae, septem nimirum verae sexque spuriae, lumborum vero vertebrae sex sunt. Os sacrum ex tribus et cauda ex viginti quinque vertebriis componitur.

Mus auellanarum maior seu Sorèx PLINII hor. p.181
 tos et interdum domos inhabitat. Fructibus succulentis, vt persico malo, pyris aliisque, hisque deficientibus, amygdalis, auellanis, nucibus, imo
Tom. X. Pars II. V etiam

etiam leguminibus vescitur. Frigus animal hoc torpidum reddit, calorque istud rursus vita donat. Verno tempore coeunt, aestate parturiunt et quinque vel sex pariunt. Odor eius ingratus est. Animal tantum in temperatis regionibus reperitur. Mus hic, glire minor, cauda inprimis ab eo differt. In glire enim cauda pilis longis, in hoc vero brevibus testata est. Superior corporis superficies colore fuluo et cinereo, fusco et nigrescente mixto, tincta est: inferior vero superficies album flavescentem et cinereum colorem habet. Pedes albi sunt. Quod ad interiores partes pertinet, multa hic cum glire communia habet, paucis tantum exceptis, e. g. cauda, quae in hoc mure ex vertebrae viginti constat.

p.193. *Mus auellanarum minor* in domibus nunquam, in hortis raro, inque sylvis saepissime reperiendus, raro occurrit et plerumque solus in cauernis reperitur. Qui Galliae incola est, nullum odorem habet, frigore accedente torpidum fit, in globum se conuoluit sicque hyemem dormiendo et absque victu transigit. Auellanis aliisque fructibus siccis viuit. Nidum inter ramos coryli ex plantis implicatis construit et plerumque tres quatuorue pullos fouet.

p.196. Color huius animalis in superiori corporis superficie fuluus et quodammodo fuscus, in inferiori vero flavescentis est. Rostrum extremitas, aures, pedes et cauda cinereo colore tincta sunt. Mystax vnum pollicem duasue lineas longus est. Cauda ex vertebrae viginti tribus constat. Caeterum multa cum mure auellanarum maiori communia habet.

p.206. *Mus sylvestris* BRISSENO dictus, nec ab vlllo alio Auctore haecenus descriptus a Cl. BUTTONO *Sur mulot*, quasi *gros*, *grand Mulot*, hoc est, *Cricetus*

cetus maior appellatur: cum hoc enim respectu coloris et indolis naturalis multa communia habet. Animal hoc, mure domestico maiori seu ratto fortius, ingenique magis maligni, nouem seu decem abhinc annis Lutetiis Parisiorum cognitum, admodum foecundum est et ter in anno plerumque duodecim, seu quindecim, saepe sedecim, imo adeo vnde viginti pullos parit, et loca, quae inhabitat, deuastare solet. Mares foeminis maiores, audaciores et ingenii magis maligni sunt. Morsus eorum non solum crudeles, sed et periculosi sunt, vulnusque inde ortum tarde consolidatur. Vi canum venantium coactum animal in flumina, si vicina sunt, se praeceps dat et scite natat. Sub terra in cauernis, vt cricetus, habitat, fructibus et seminibus viuit, imo adeo cuniculos et aues iuniores deuorat. Mense nouembri campos derelinquunt, villasque intrant, mares tamen, aetate confecti in campis restant et fructibus, quos aestate collegerunt, viuunt. Hyeme non torpent, sed in cauernis manent, coelo tamen sereno interdum exeunt. Quae villas inhabitant, mures minores maioresue persequuntur, semina consumunt, stramina corrumpunt magnumque damnum inferunt.

Color huius animalis in superiori parte ex fusco, p.209. fuluo et gryseo mixtus est, inferius vero albicat atque cauda squamosa vix pilis tegitur. Mammae duodecim sunt, quarum sex in pectore sexque in ventre sunt. Ossâ cum mure maiori fere communia habet, exceptis sterni ossibus caudaeque vertebrae, quarum triginta numerantur.

Mus alpinus, notum istud animal, tenera aetate p.219 captus, vt animalia domestica, cicuratur. Lepore minor multo tamen breuior et crassior est. Nunquam, nisi irritatus, homini nocet, canes vero vulnerat.

nerat. Femora valde breuia sunt, et ob id pedibus posterioribus infistit et vrsorum more incedit. Anterioribus pedibus id, quod prensat, ori admouet et, vt sciurus, erecto corpore cibum capit. Arbores aliaque loca repente scandit, tarde vero in telluris superficie currit. Omne, quod ei offertur, deuorat, carnem, panem, fructus, radices, olera, scarabaeos etc. auide autem lac et butyrum, quae omnibus praefert. Nasum, labia capitisue formam vt lepus, pilos et ungues vt taxus, dentes vt castor, mystacem vt felis, oculos vt glis, pedes vt vrsus, caudamue breuem auresque curtas habet. Mundi-
tiem amat, et vt feles, seorsim in alium locum se confert et alium deponit. Odor, inprimis aestate, grauis et ingratus est. Autumno admodum pinguescit. Regiones niue glacieue tectas inhabitat, terram pedibus anterioribus effodit, sicque peculia-
res cauernas construit, in quibus degit. Appropinquante hyeme torpescit et obdormit, redeunte autem vere reuiuiscit. Semel in anno parit et tres quatuorue pullos gignit. Vita nouem aut decem annos durat.

p. 228. Animal hoc supra colorem nigrum, cum gryseo et cinereo mixtum, intra vero rufum, nigro et gryseo mixtum, habet. Lingua valde crassa, mammisque decem donatum est, quarum quatuor pectus, sex ventrem occupant. Dentes viginti duo numerantur: superior enim maxilla incisiuos, qui longi sunt, duos, decemque molares, inferior vero totidem incisiuos et octo tantum molares habet. Vertebrae dorsales duodecim, totidemque costae, septem verae et quinque spuriae, lumborum vero vertebrae septem numerantur. Os sacrum ex quinque et cauda ex viginti duabus vertebrais spuriiis componitur.

Vrsus

Vrsus, notissimum licet animal, varie tamen a variis Auctoribus describitur, neque recte distinguitur. Alius enim terrestris, alius marinus est, hicque albus vulgo appellatur. Terrestrium duae sunt species, fusci nimirum et nigri: albi enim, qui interdum occurrunt, non nisi varietatem huius vel illius speciei sistunt. In Alpibus plerumque fusci occurrunt, raro nigri, qui contra frequentius in septentrionalibus Europae et Americae regionibus reperiuntur. Fusci feroces et carniuori sunt, nigri autem, feri tantum, carnem respuunt nec vnquam deuorant. Vrsus omnem societatem et ea loca fugit, quae homines frequentant; solitudinem et deserta loca densasque sylvas amat, inque antris cavisque arborum truncis domicilium habet magnamque hyemis partem absque victu ibi viuit, nunquam tamen gelu rigidus factus, nec sensu priuatus, sed fame coactus exit. Mares, fuscis puta, vrsulos, quos in antris suis reperiunt, deuorant, vrsae vero intensissime eos amant, tuncque temporis maribus ferociores, vehementer eosdem defendunt. Vrsuli nunquam, vt vulgus putat, informes gignuntur, sed perfecti iam in vtero latent. Autumno animalia haec, vt alia quadrupeda, a tergo coeunt. Tempus gestationis nondum satis notum est, plures tamen menses, nec triginta tantum dies, vt ARISTOTELES cumque eo plures statuerunt, requiri, probabile videtur. Hyeme parit vrsa et vnum, duos, tres, imo quinque vrsulos enititur, diuque eos lactat, vsque dum matrem exeuntem sequi possint. Vrsus et vrsa domicilia separata saepeque longe a se inuicem remota habent. Vox vrsi in murmure saepeque, si irritatur, in dentium fremitu consistit. Ira subito excandescit facileque in furorem rapitur. Cicurato animali, licet obediat, nunquam tamen fidendum cumque eo circumspecte

p.248.

agendum est, cauendum imprimis, ne nasi extremitas feriatur, vel genitales partes tangantur. Aetate confecti nunquam cicurantur, nihilque timent. Vrsi vario modo capiuntur; methodus, ut dicunt, minus periculosa in eo consistit, ut mel spiritu vini mixtum offeratur, quo inebrietur. Partes vrsi utilitate non destituuntur: ita pellis inter pelles, sic dictas villosas, maioris pretii est et oleum, quod ex eo in magna copia extrahitur, in oeconomicum usum converti potest. Axungiae huius copia ipsi animali usui est; ob eam enim facile per flumina natat, eademque ipsi alimento est. Inferior pars pedum crassa et tumida est, sique cultro quodammodo aperitur, albus lacteusque succus effluit: ex parvis praeterea glandulis ceu papillis pars ista componitur, idque ratio esse videtur, cur animal durante hyeme pedes continuo fugat. Visus denique, auditus, tactus odoratusque organo exquisito animal hoc donatum esse, notamus.

p.263. Vrsus, qui hic describitur, ex alpinis montibus est. Superior pars rostri colorem obscure fulvum, anterior pars dorsi atque inferior pars pedum nigrum seu nigricantem, reliquum vero corpus colorem ex pallide flavo et cinereo fusco mixtum habet. Pili tres quatuorue pollices longi sunt et corpus informe reddunt. De partibus internis notamus, coecum huic animali nullum, canalisque intestinalis diametrum a principio ad finem usque aequalem fere, linguam vero caninae similem esse. Mammae sex numerantur, in pectore quatuor, et duae ante pubem quinque pollices a vulva distantes. Dentes triginta octo, in qualibet nimirum maxilla incisivi sex et canini duo, in superiori autem molares duodecim inque inferiori decem numerantur. Vertebrae dorsales quatuordecim, totidemque costae, novem nimirum verae et quinque spu-

spuriae, lumbares vero vertebrae sex sunt. Os sacrum ex quinque vertebrae spuriiis constat. Caudae vertebrae determinare non licuit, siquidem cauda animalis, quod ob oculos habuit Cl. DAVBENTON, imperfecta fuit.

Castor, singulare hoc animal, respectu corporis multa cum quadrupedibus communia habet: caput enim, pedes anteriores maximaque corporis pars a quadrupedum forma non differt, posteriores vero pedes, pinnis similes, caudaque, squamis tecta, piscium partibus similes sunt. Societatem amant haec animalia breuique tempore adeo saepe sibi adiunguntur, ut ad tercentum usque numerus increseat. Ex hac autem societate admirandum istud nascitur artificium, quo in aedificando domicilio utuntur. Opus hoc, architectonicum visum, solius tantum societatis effectus est. Nunquam enim haec animalia in regionibus, ubi solitaria vivunt, eiusmodi aedificium construunt, sed in cuniculis vivunt nec unquam, nisi in desertis locis, societatem constant et opus hoc suscipiunt. Mense iunio aut iulio animalia haec ad ripas aquarum congregari ibique eundem locum et conventus et aedificandi domicilii esse, perhibent. Forma horum aedificiorum semper fere ovalis seu rotunda est: eorum aliqua magna, aliqua parva sunt, eorundemque diameter quatuor, quinque imo octo vel decem pedes est. Dantur, quae ex duabus tribusue contignationibus constant. Parietes ad duos pedes crassi sunt paloque, qui fundamento et tabulato inferuit, ad perpendicularum nituntur. Aedificium superius in fornicem terminatur, qui interius exteriusque firmo caemento obductus est, ita, ut pluviae ventorumque impetui resistat. Varias materialium species, ut ligna, lapides arenosaeque terras

huic operi impendunt. Castores sedentes in aedificandis casis suis se occupant. Quaeuis casa, quarum viginti seu ad summum viginti quinque pagum constituunt, duos, quatuor, sex, maiores octodecim, viginti imo triginta continent, ita tamen, ut caput partesque anteriores erectae, posteriores vero partes per foramen, quod in inferiori casae parte aquam respicit, huic continuo immerfae reperiantur; inde fit, ut duplex corporis qualitas enascatur. Ita anteriores partes ad renes usque saporem indolemque carnis animalium terrestrium, femora vero et cauda odorem, saporem omnesque piscium qualitates habent. Foeminae, ut perhibent, quatuor menses vterum ferunt, hyemeque ad finem properante pariunt et plerumque duos tresve pullos enituntur. Mares tunc eas deserunt, campos perlustrant, per intervalla redeunt, nec tamen moram ibi neſciunt. Foeminae interim pullos lactant, qui paucis septimanis praeterlapsis matres ubique sequuntur. Eunt tunc redeuntque, piscibus, cancris et recentibus corticibus vescuntur sicque aestatem sub aquis inque sylvis transigunt. Versus autumnum rursus conveniunt, imo citius, si quando aedificia, ob inundationes hinc inde destructa, reparanda sunt. Color castorum pro diversitate regionum variat: ita in extremis regionibus septentrionalibus ex toto nigri sunt, hique optimi censentur, eorum aliqui ex toto albi sunt seu maculis gryseis notati. Quo magis a borealibus regionibus distant, quove propiores meridionalibus sunt, eo magis lucidus mixtusque color esse solet, eoque magis numerus eorum decreſcit, ita, ut versus boreales regiones numerosissimi reperiantur. Ad ripas inprimis lacuum, fluminum aliarumque aquarum dulcium degunt, interdum tamen et maris septentrionalis littora, inprimis ostia fluviorum maiorum accolunt. Lutras persequuntur. Pelles nigerrimae opti-

optimae censentur; in primis autem pelles eorum, qui casae in habitant iis, qui in cuniculis viuunt, praeferuntur. Albae pelles ob raritatem aequae ac perfecte nigrae maximo in pretio sunt. Praeter pelles et alia etiam materies, *Castorei* nomine nota, magni aestimatur, quae in duabus vesiculis maioribus continetur. Anteriores pedes huic animali ceu manus inferuiunt, digitique horum pedum a se invicem separati cernuntur; posteriorum vero digiti membrana coniunguntur, hisque ut pinnis utitur. Sensibus praeterea acutis et inprimis subtili odoratu donatum animal, immunditiam prauosque odores fugit.

Quod ad singulas huius animalis partes attinet, p.307. quarum descriptionem physicam et anatomicam exhibet Cl. DAVBENTONUS, prae reliquis cauda annotari meretur. Forma huius partis singularis apparet: larga admodum inque principio pilis, de reliquo squamis tecta est. Squamosa pars ovalis est inque mucronem terminatur, octo pollices longa et octo lineas crassa deprehenditur. Parum flexilis est, ista interim parte terram valde ferit et fragorem inde excitat, qui longe propagatur. Natans hac parte ceu remo utitur, dum eam vel attollit vel deprimat vel oblique flectit. Anteriores pedes valde breues, posteriores multo longiores sunt, et singuli quinque digitis, qui in ungues terminantur, instructi sunt, posteriores autem, membrana coniuncti, natando inferuiunt. Gressus castoris grauis et singularis est, ita, ut tergum hinc inde moueatur, animalque anatum more incedat. Pili duplicis generis sunt, alii firmiores et longiores sunt, alii autem speciem lanuginis sistunt, quae, ut sericum, mollis est, ut lana, contorta reperitur. Lanugo haec in tergo colorem cinereum inque ventre gryseum habet. Alterum pilorum genus,

nus, qui longi sunt, cinereum colorem habet. Pectus et pedes posteriores fusci sunt, capitis latera colorem pallide rufum habent; pili, qui mystacem constituunt, duos pollices cum dimidio longi, crassi et nigri sunt. Pars caudae squamosa grysea est. Lingua crassa apparet, anterieus rotunda et sulco quodam in duas partes diuisa. Vrethra et anus vnum tantum orificium exterius habent. Ad penis partem mediam duae perae apparent, quae valde magnae vtrinqe in conspectum veniunt, colorem cinereum habent, tres pollices tresque lineas longae, tredecim lineas latae quatuorue lineas crassae sunt. Inter has et commune vrethrae rectique intestini orificium duae glandulae magnae reperiuntur, quae duos pollices et quinque lineas longae, decem lineas latae sexque lineas crassae sunt, et colorem flavescentem et glandularum conglomeratarum formam habent. Testes vero valde parui sunt, formamque oliuae habent. In qualibet maxilla dentes incisivi duo et octo molares ideoque viginti reperiuntur. Vertebrae dorsales quindecim totidemque costae, octo nimirum verae et septem spuriae, lumbares vero vertebrae quatuor numerantur. Os sacrum quinque et cauda ex viginti quatuor vertebriis spuriiis componitur.

P.337. *Vulpis Americana seu Coati*, animal in meridionalibus Americae regionibus obuium, cuius descriptionem exhibet Cl. DAVBENTONVS, ad taxi fere magnitudinem accedit, rostroque gracili instructum est, ita tamen, vt labium inferius longe minus, quam nasus promineat. Cauda longa et densa est. Anteriores pedes posterioribus multo breuiore, omnes vero quinque digitis, in ungues terminatis, instructi sunt. Animal hoc, quod viuum ob oculos Cl. Auctoris fuit, alimenta pedibus anterioribus arri-

puit et ori admouit: si aquam reperit, frustrum illud, pedibus tenens, eo immerfit, ibique saepe per aliquod tempus maceravit; hocque modo omnia alimenta aqua humectauit. Fame vrgente omne, quod obiecerunt, deuorauit nec aqua irriguit. Carniuorum fuit et praeter insecta, aues et quadrupeda pisces auide deuorauit reliquisque anteposuit. Praeterea lac, saccharum omneque conditorum genus, etiam fructus, sed hos non, nisi carniuum defectu ingurgitauit: lambens, vt canis, bibit. Familiare valde fuit et blandiens, eosque bene discrevit, qui saepe ob oculos fuerunt et alimenta obtulerunt. Agile admodum fuit facileque arbores scandit. Minimo fragore percepto pedibus posterioribus institit beneque attendit, vnde causa sit fragoris. Neminem nisi eos momordit, qui subito se admouerunt praedamque ei adimere tentarunt. Aluum exonerans longe recessit et excrementa, vt feles, in terra defodit. Color huius animalis gryseus cum nigro et fuluo mixtus fuit. Mystacis pili albi duosque pollices cum dimidio longi, capitis vero et pedum breues reliquique corporis longi fuerunt. Linguae corpus valde crassum, apex vero tenuis fuit. In qualibet maxilla dentes incisui sex, canini duo molaresque duodecim, vertebrae dorsales quindecim totidemque costae, et lumbares vertebrae quinque numerantur. Os sacrum ex vertebra tribus, cauda vero ex octodecim componitur.

Ab hoc animali differt illud, quod proprie *Coati* seu *Vulpis* minor appellatur. Minus enim est, et corpus et collum longius extensa rostrumque longius habet. Maxilla superior in rostrum porcinum mobile terminatur et vnum pollicem seu vnum cum dimidio vltra inferiorem prominet. Oculi porro

porro minores, aures breuiores, pili minus longi, contra asperiores, crura breuiora pedesque longiores, omnes vero, vt in praecedenti animali quinque digitis instructi sunt. Animal hoc caudam propriam, quae ipso corpore longior est, vorat, de reliquo carne, sanguine et, vt vulpes, paruis animalibus, auibus ouisque viuit. Pili huius animalis vario colore fusco, nigricante, gryseo, flauescente et subrufo tincti apparent. Ad capiendum somnum et calefaciendum corpus in globum se conuoluit animal. Hoc, quod ob oculos Cl. Auctoris fuit, sex mammas habuit, quarum tres in latere sinistro ventrem tresque in latere dextro cartilagines costarum spuriarum occuparunt. Intestinum coecum nullum fuit. Linguae apex tenuis et rotundus apparuit. Numerus vertebrarum et dentium idem, formaque eadem, quae in vulpe maiori, reperta est.

p.375. Vltimum animal, quod agmen in hoc tomo claudit, *Agouti* seu *Acuti*, *Mus syluestris Americanus* R A I O, *Cavia* KLEINIO vocatur. Magnitudine leporem aequat. Ob pilorum asperitatem et grunitum et voracitatem porco simile est. Satiatum reliquias alimentorum in diuersis locis, vulpium more, abscondit. Irritatum pilos in dorso arrigit, terramque pedibus posterioribus valde ferit: vehementer mordet. Cauas, arbores et truncos putrefactos inhabitat. Fructus, *Patates* et *Manioc* alimenta praebent iis, quae in aedibus sunt; folia vero et radices plantarum fruticumque victum suppeditant; quae in syluis occurrunt. Pedibus anterioribus, vt sciurus, victum prensat orique admouet. Celeriter currit. Visus et auditus acuti sunt. Tenere aetate captum facile cicuratur. Foeminae ter in anno pariunt, et vna vice duos pullos enituntur, quos, vt feles, duobus tribusue diebus post partum

tum ore secum gestant et per breue tantum tempus lactant. America ipsi patria est, eiusdemque meridionales tantum regiones inhabitat.

Labium superius, vt in lepore, fissum inferio- p.380.
risque maxillae extremitas superiori breuior est. Pedes anteriores quatuor digitis instructi sunt, quique pollicis locum occupat, pro quinto habendus, cute tectus et ungue tantum conspicuus est; posterioribus pedibus tres tantum digiti sunt, sed anterioribus crassiores et longiores: omnes caeteroquin ungue instructi sunt. Extremitas nasi, labia atque inferior et anterior pars maxillae inferioris animalis, quod hic describitur, pilis orbata fuerunt, paucique tantum in inferiori brachiorum facie, inguinibus et interiori facie femorum crurumue in conspectum venerunt. Pili ad anum aurantium, subque maxilla inferiori flauum, pedes extremi nigrum, reliquiae corporis pili cinereum colorem habuerunt. Longitudo pilorum in superiori parte colli et posteriori parte dorsi pollices quatuor, reliquorum autem vnum tantum aut ultra aequauit; mystacis vero pili nigri fereque quatuor pollices longi fuerunt. Lingua huius animalis longa, angusta et crassa fuit. Papillas in pectore septem, in ventre autem quinque numerauit Cl. Auctor, exinde autem plures forte, licet non detectas, adesse debere, putat. Ad vtrumque ani latus paruum perulam, cuius ostium in ano fuit, materie mucilaginosae, grumosa, foetidissima et flauescente refertam reperit. Dentes viginti, vertebrae dorsales tredecim totidemque costas, octo nimirum veras et quinque spurias, et lumborum vertebrae sex numerauit; os sacrum vero ex quatuor et caudam demum ex septem vertebrae spuris constare, detexit.

XV.

Memoire instructif sur la manière de rassembler, de preparer, de conserver et d'envoyer les diverses curiosités d'histoire naturelle, auquel on a joint un Memoire intitulé: Avis pour le transport par mer, des arbres, des plantes vivaces, de semences et de diverses autres curiosités d'histoire naturelle. A Paris et se vend a Lyon chez Jean Marie Bruyssel. 1758. 8. pl. 16. fig. aen. 25. *).

h. e.

Commentarius, exponens modum colligendi praeparandi, asseruandi et transmittendi varias res ad historiam naturalem pertinentes rariores: cui additur tractatus de mittendis trans mare arboribus, plantis viuis, seminibus aliisque rebus naturalibus.

In vera et completa rerum naturalium cognitione acquirenda non sufficit eas tantum contemplari, quae in prouinciis nostris occurrunt, sed ad exterarum quoque progrediendum est, quo varios naturae thesauros, in iis collectos, cum nostris comparare et classes et ordines eo melius definire queamus. Cum autem hae ipsae res, corruptioni adeo obnoxiae, saepius minus apte transferantur, et dicto fini non satisfaciant, Cl. DU HAMEL libellum quendam diario oeconomico inseruerat, in qua de plantis et seminibus aliisque rebus curiosis trans mare potissimum mittendis disseruerat, Auctor noster anony-
mus

*) Versionem germanicam exhibuit WOLFGANG IAEGER Noribergae 1761. 8vo.

mus perspicuus argumentum ratione vegetabilium egregie elaboratum, de animalibus autem minus accurate tractatum esse, hinc in opusculo, quod nunc euoluimus, ad varia, praecipue animalia, respexit, et permittente Cl. DU HAMEL libellum supra indicatum suo subiunxit. Nos vero ex his nonnulla excerpta proponemus, licet ea, quae per icones additas potissimum illustrantur, non accurate satis repetere queamus.

In *capite primo* aues considerat Cl. Auctor et primo monet, illas tantum eligendas esse, quae plumis bene vestitae sunt et quarum rostra et pedes sine laesione inueniuntur. Incisio ad cutim deglubendam apta vel ab ano vtrique ad alas se extendit, vel longitudinalis ab osse sterni ad anum vsque perficitur, quo illa postmodum vel scalpello a carne separari vel deglubi possit. Os coccygis relinquitur, ne pennae, caudam efficientes, dimoueantur, pedes et alarum os extremum simili ratione cum cute coniunctum manet; ex cranio cerebrum educitur et in eius locum alumen vsum immittitur. Anates et cygni similesque aues plumis tenerioribus in pectore vestitae in dorso melius inciduntur. Si in deglubendo collo ad cranium vsque pertingere non possumus foramine per palatum facto et cerebrum eximitur et alumen vsum immittitur. Pinguedo cuti inhaerens attente separetur, sed cum omnis auferri nequeat, alumen vsum inspergendum est, quo melius ea secedat et postea aromaticis et odoriferis rebus, camphora imprimis, cutis a corruptione praeseruetur. Oculorum color, antequam euelluntur, annotandus est, quo orbitae postea repleri et picti oculi addi possint. Cava cutis postea gossypio vel stuppa repleatur, filo ferreo ideo per interiora ducto, quo et avis ipse rite disponi et plumae accurate ordi-

p. 1.

ordinari possint, quo facto avis linteo inuoluatur. In cistas reponatur alga in aqua dulci a sale adhaerente purgata et iterum exsiccata, vel muscus in clibano exsiccatus vel stuppa, stratis auium interpositis, additis rebus odoriferis, omniaque arcte disponantur, postea cistae clausae rimae charta agglutinata bene obturentur et praeter lintea, quibus eae inuoluuntur, pix liquida superinducatur, quo omnis humiditas arceatur.

p. 14. Auiculae minores, quarum corium vix detrahi potest, ad anum tantum inciduntur, quo, visceribus eductis. exsiccari possint, digito immisso sternum frangitur et postea gossypium vel stuppa in cauum introducitur, et linteolo obuoluto in spiritum vini vel alium spirituosum liquorem, non fortem, sed aqua temperatum, immittantur, et huius viribus paulisper dissipatis nouus addatur, quo corpuscula eius vi inbibantur et ita a putredine praeferuentur. Liquor etiam addito alumine et camphora ad hos vsus praestantior redditur et si in vasis aptis bene obturatis transmittuntur, postea in naturalem suam formam disponi et diu conseruari possunt. In fine huius capituli nonnulla de ouis et nidis auium conseruandis subiunguntur.

p. 32. *Caput secundum* de quadrupedibus animalibus agit. Incisio longitudinalis in ventre, vel potius ab ano vtrinque ad inguina, vel in animalibus spinosis v. c. erinaceo a collo ad internam superficiem pedis anterioris perficitur et pellis deglubitur, relictis cranio et extremitatibus pedum. Pinguedo et sanguis in cute haerentes educantur internam superficiem cultro obtuso stringendo, lauando sapone soluto, vel in hos vsus cerebro animalis ipsius vel alius adhibito, inspergendo tandem calcis in aere libero fatiscentis puluerem, cui et cretam addunt. Cum vero

vero ita nimis exsiccentur, melius forte erit, pastam, ex farina secalina cum alumine et oleo paratam illinire, et exsiccatae nouam substituere. Coria sic praeparata, vti de auibus diximus, gossypio vel stipula replentur, et alia plura ibi commemorata auxilia adhibentur. Maiorum animalium pelles simili ratione praeparari et ad oua insectorum destruenda in clibano ficcari, postea fumigatione sulphurea vltius a corruptione defendi possunt, cum autem formaiis dari nequeat, icone addita ii instruendi sunt, qui postea figuram animalis corio infarcto restituere suscipiunt. Ad hanc rem melius praestandam sceleta animalium quoque praeparanda sunt.

Caput tertium de reptilibus animalibus exponit, P. 47. quae si minora sunt, spirituofo liquori per aliquod temporis spatium immittenda sunt, quo hoc mutato et camphora et alumine additis in vasis aptis conseruari queant. In maioribus animalibus ex lacertarum et serpentum genere cutis separanda et exsiccanda est, qua in re incisiones ad squamarum ductum dirigendae sunt.

Caput quartum piscium conseruationem proponit, p. 52. quae varia est; ii enim, qui ad cetaceorum familiam pertinent, corium habent apte satis deglubendum, minores visceribus eductis in spirituofo liquore conseruantur: cum tamen in eo pulchritudinem, ex coloribus potissimum pendentem, amittant, vel toti exsiccandi et vernice obliniendi vel ab vno latere tantum separandi et chartae agglutinandi sunt. In prima methodo, piscis, visceribus eductis, per quindecim circiter dies in spirituofo liquore detinetur, quo humores viscidi magis coagulentur, postea laminae cuidam vitreae vel alii applicatus,

barba, pinnis et cauda bene extensis per plures dies aeri exponitur, quo exsiccat, pellucida tandem vernice superinducta. Altera methodus in illis piscibus applicanda est, qui squamas facile secedentes habent, et qui ob volumen corporis spiffius, exsiccare nequeunt, cum vero in his maxima vtriusque lateris similitudo sit, vnum tantum conseruare sufficit. A capite itaque ad caudam in summo dorso diuisio instituatur, et carne postmodum separata *) et ossibus capitis internis fractis et praescissis, lamina separata in naturali suo situ super chartam disponitur, quo prorsus exsiccat. In his vero praecipue respiciendum est, num squamae firmiter adhaereant, an, quod in morbis piscium interdum euenire solet, mobiliiores fiant, hoc enim in casu separatio suscipienda non est.

p. 65. *Caput quintum de conseruatione stellarum marinarum, echinorum, et zoophytorum differit.* Zoophyta vtpote animalia mollia et gelatinosa exsiccare nequeunt, licet itaque in spirituoso liquore quoque contrahantur, nulla tamen alia praeparandi ratione conseruari posse perspicimus. Stellae marinae si maiores sunt, pulposa pars interna antequam exsiccantur, remouenda est, qua in re variae incisionem praestandi methodi non fusius declarandae proponuntur, minores tabulae affigendae sunt, extensis radiis, quos, si liberi relinquuntur, nimis contrahunt **).

Echi-

*) Si etiam cute non satis firma existente aliqua carnis pars relinquitur et simul exsiccat haec postea facilius deglubitur quam in molli statu.

**) Stellae proprio motu, vt Cl. Auctor perhibet, radios suos super tabulam, cui applicantur, non extendunt, qui potius aciculis infixis in extensione conser-

Echini quoad testam facile exsiccantur, in maioribus tamen pulpa interna et viscera extrahenda sunt, quod non nisi ostio destructo fieri potest *). Cum spinae seruatae animal completum fiant, tales echini quidem conseruandi sunt **), vnus tamen a latere ponendus est, qui spinis excussis superficiem testae ipsius conspiciendam praebet. Animalia haec, marino sale imbuta, humiditatem facile attrahunt, et inde corruptioni obnoxia fiunt, antequam itaque exsiccantur, aqua dulci lauanda et a sale depuranda sunt, quo facto melius conseruantur.

Caput sextum crustacea animalia considerat, ex p. 79
quibus paruula pedibus et antennis bene extensis in linteolum inuoluuntur et filo circumducuntur postea in spirituosum liquorem coniiciuntur haec tamen eodem modo, vt per cocturam, colorem naturalem mutant. Astacos maiores carne et visceribus eductis in vmbra exsiccare conuenit, solis enim

X 2

ca-

seruandi sunt, teneriores tamen stellae marinae vel apices ramorum subtiles adeo mobiles et contractiles sunt, vt, si vi extendantur, facile frangantur, id quod in cauda lacertarum saepe etiam obseruauimus. Vidi-
mus etiam stellas marinas parvulas et pulcherrimas ex mari eductas, valida agitatione, vt araneae nostrae crura, spontaneo motu radios confregisse, minores itaque non nisi languentes et pene mortuae conseruantur, licet et tunc ob summam fragilitatem facile laedantur.

*) Dentes et ossa, quibus hi firmanantur raro conseruari possunt, cum conum referant, cuius basis interna amplior est, quam apex, dentibus coniuuentibus externe conspicuus, fracto itaque echino, eximenda est tota portio, quo separatim conseruari et mechanismus oris cognosci possit.

**) Spinas echini nos nullo modo in situ conseruare potuimus, cum non nisi tenuissima membrana in exsiccatione facile dilaceranda muniantur, spinas tamen euidenter mouent et in variam directionem ducunt.

calor et vis teneram crustam nimis crispat. si postmodum caua aluminis puluere consperguntur, gossypio replentur et filum ferreum transducitur, in situm aptum disponuntur, extremitates tamen pedum et antennae maxima cum cura custodiendae sunt, cum ad articulos facile frangantur et secedant.

p. 87. *Caput septimum* de animalibus insectis exponit; haec ratione conseruationis in tres classes coniunguntur. Prima sistit mollia insecta, vt erucas, quae non nisi in spirituofum liquorem coniici possunt, ita vt primo in debili macerentur, et hoc remoto alius nouus addatur, donec liquore conseruante satis imbuti in vasa ad transmittendum apta reponantur. Secunda classis, quae insecta colorum varietate conspicua, vt papiliones, sistit, inter chartas alis extensis optime conseruatur, calore enim solis vel clibani moderato exsiccantur, cum tamen frictio plumulas alarum destruat, magis placet methodus, quam Cl. Auctor paulo post describit, qua inter laminas vitri disponuntur. Tertia classis illa sistit animalcula, quae cute nonnihil dura et squamosa inuestiuntur vt scarabaei, cicadae, scorpiones, cet. quae vel exsiccari vel in liquorem spirituofum immitti possunt, cum colorem, qui non a paruis plumulis vt in papilionibus dependet, conseruant; cum vero ad partes varias subtiliores antennis et pedes attendendum sit, quae facile franguntur, colorum etiam elegantia, quae in viuis animalibus conspicitur, nullo modo seruari possit, in pulchrioribus insectis partibus tenerioribus maxime ornatis eo attendendum est, vt in fundo vasis apte disponantur gossypio super addito *), quo in spirituoso liquore melius conser-

*) Cum gossypii glomeres humiditate suscepta contrahantur, aptius elastici pilorum equinorum crisporum glomeres haec animalcula in situ retinent.

seruentur. Insecta paruula foliis adhaerentia post exsiccationem cum foliis ipsis transmittenda sunt.

Caput octauum de conchyliis agit, in quibus co- p. 99
lorum et fabricae elegantia eximia est, licet naturae indagatores ut plurimum ipsum animal negligentes in duro tantum eius integumento haereant. Et verum omnino est, animalia ob gelatinosam substantiam in spirituosum liquorem immissa nimium contrahi, neque postea euolutionem partium ad structuram indagandam admittere, hinc non nisi in loco natali disquisitionem viui animalis eiusque delineationem praestandam esse. In conchyliis autem ipsis colligendis superficies nullo modo detrita sit, in biualuibus ginglymus coniungens, in vniualuibus varie conuolutis ostium et apex prae reliquis partibus attendantur, quo in iis vera integritas inueniatur. Conchae anatiferae, pedunculo cartilagineo et balani basi plana scopulis adhaerentes, transitum a conchiliis ad corallia ostendunt, de quibus mox dicendum erit.

In *capite nono* de methodis variis conchylia ex p. 109.
fundo maris extrahendi differitur. Quae per vndas maris ad littora appelluntur conchylia ex mortuis saepe animalibus sunt, quae fundo maris adhaerere nequeunt, cum itaque vehementer in scopulis impingant in superficie saepe detrita sunt, et non nisi in sabulosis littoribus integrae inueniuntur. Tria itaque describit instrumenta Cl. Auctor, quibus ad fundum maris non nihil affixa animalia extrahuntur: primum *Gangui* rete est, quod sacci formam habet, ostio aperto et distento; secundum *Rateau* dicitur, rastro enim simile est, quo hortulani vtuntur et saccum annexum habet, in quo dimota ex fundo maris animalia colliguntur; tertium *Drague* dictum

dictum a praecedente parum differt. Descriptio accurata, quae a Cl. Auctore traditur, sine iconibus non satis illustrari potest.

p.123. *Caput decimum* de madreporis, coralliis, lithophytis, plantis marinis et aliis rebus naturalibus huc pertinentibus agit. Non repetimus ea, quae de differentia horum corporum marinorum et de asserto, quod non, vt plantae marinae, sed vt domicilia polyporum, considerari debeant, adduxit Cl. Auctor; nec methodum colligendi polypos ex his domiciliis, quam ille a Cl. ELLIS mutuauit, indicamus, sed tantum monemus, facile exsiccare et conseruari, dummodo antea in aqua dulci a sale adhaerente liberentur. Ob summam tamen ramorum fragilitatem haec corpora marina, in cistis bene disponenda, filis et ferreis quoque ad latera alliganda et multa materia molli circumfundenda sunt. Verae plantae marinae, vt alga cet. inter chartas dispositae et exsiccatae conseruantur. Spongiae marinae, quarum insignis varietas est, difficillime conseruantur, inprimis illae, quae tenacitate nulla conspicuae vel fragiles nimis vel molliores sunt.

p.137. *Caput undecimum* de diuersis methodis corallia ex fundo maris educendi agit. Describuntur nimirum instrumenta, quae ex nauibus per funes suspensa ad maris fundum dimittuntur ibique paululum protrahuntur, quo retibus confuse alligatis corallia et alia corpora marina adhaereant. Primum *Engin* siue machina, quae eleuat, dicitur, lignum scilicet duplex in crucis formam dispositum in media combinatione pondere graui in extremis variis retibus confuse appensis conspicuum; alterum Gallice *Truble* siue rete vel in lingua prouinciali *Sala-bre* nuncupatur, et cum rastro ferreo in forma semicir-

micirculi disposito, cui praeter rete facci ad instar circa marginem dispositum et aliae partes retis irregulariter adhaerent *).

In capite duodecimo et ultimo de vernice agitur p.143.
rebus naturalibus exsiccatis super inducenda, non inuenimus tamen compositiones idoneas, cum ex solutione sandaracae, mastichis et terebinthinae in optimo spiritu vini vel liquore spirituofo alio concentrato, vix, vti Cl. Auctor promittit, facile exsiccandae et transparentes vernices parentur.

CL. DU HAMEL libellus, quem huic conscribendo tractatui occasionem dedisse supra commemorauimus, non solum separatim prodierat, et in diario oeconomico recusatus fuerat, sed secunda etiam editio Parisiis 1753 in forma octaua edebatur, ex qua haec videtur repetita fuisse; paucissima deprehendimus mutata, nisi quod tertium de animalibus caput, quippe quod in toto opere vberius explicatum est, fuerit omissum. Superfedemus recensendo huic libello eo lubentius, quod multa, huc adducta in opere de syluis inueniantur declarata, de quibus suo diximus loco **). Diuisus ille est in quatuor capita, quorum *primum* de arboribus et plantis viuis transferendis consilia dat, *alterum* de seminibus, eorum collectione, conseruatione aliisque agit, *tertium* de animalibus exponit, *quartum* tantum de lapidibus, mineralibus, balsamis, resinis, gummi bituminibus, variisque arte factis, modum transmittendi docet.

X 4

XVI.

*) Incolae prouinciae Gallicae, qui in mari mediterraneo ad Africae littora piscaturam coralliorum exercent, nec non Genuenses qui in Tabaria insula idem praestant, priori vt plurimum vtuntur instrumento, vidimus tamen his ipsis extrahendi modis corpora haec marina vix integra educi, sed tantum fragmenta, hinc rarissima sunt ea, quae optime conseruata sunt.

**) vid. sup. pag. 282.

XVI.

10. ANTONII IOSEPHI SCRINCI, Suae sacrae Caesareae, Regiaeque atque Apostolicae Maiestatis Consilarii, Auratae militiae Equitis, Sacrae aulae lateranensis et apostolici Palatii Comititis, Philosophiae et Medicinae Doctoris, in alma Caesareo-Regia vniuersitate Carolo-Ferdinandea Pragensi Praxeos medicae, Chymiae et Physicae experimentalis Professoris primarii, Regii, publici ac ordinarii, inclytae Facultatis medicae Senioris, nec non celeberrimae Caesareo-Regiae Academiae Roveredoanae Socii *QUIMONDO* dicti, Tractatus de fontibus soteriis Toeplensibus in regno Boëimiae, atque eorum praestantissimo sale, nec non ysu in diuersissimis affectibus morbosis. In maximam aegrorum salutem conscriptus. Augustae Vindelicorum apud fratres *Veith* Bibliopolas Anno 1760. 8. pl. 5. *).

Communicat cum republica litteraria Cl. SCRINCI, *Pragensium* Professor, quasdam observationes et experientias quas cum medicatis habuit fontibus, qui prope monasterium *Toeplense*, quod vna cum

*) Praecedentem libellum etiam germanica lingua edit Cl. Auctor, in quo vero physicum et chemicum aquarum examen omisit. Prodiit autem ille, sequenti titulo ornatus, in lucem: IOHANN ANTON IOSEPH SCRINCI *Abhandlung von dem Toepler Gesundbrunnen im Koenigreich Boehem, wie auch desselben fürtrefflichsten und sehr nutzbaren Salze, samt dessen Gebrauch in unterschiedenen schweren Krankheiten*

cum vicino oppidulo *Toepl* in circulo *Pilsnensi* regni *Bohemiae* situm est, scatent. Ex horum aquis paratur sal medicatus, qui sali thermarum *Carolinarum* admodum similis est, et cum eo, ut nos quidem opinamur, perfecte convenit, quare etiam pro sale *Carolino*, qui, nescio qua vecordia, in ipsis thermis *Carolinis* vendi prohibetur, exteris diuenditur, licet dimidio tantum pretio constet. Fecit autem Cl. Auctor experimenta non ad fontes ipsos, sed cum aquis ei in lagenis *Pragam* missis, ideo non mirum, si nihil nobis de solo, terris metallisque adiacentibus, quibus hae aquae prorumpunt, indicat. Aquas vero ipsas secundum numerum lagenarum et rubricas germanicas in schedis adpensis adscriptas distinguit: quem igitur ordinem, ne confusio oriatur, servemus quoque, necesse erit. Prima igitur lagena insignita fuit: 1. *Schwefelbad oder Stenker*: i. e. aqua sulphurea, seu foetida. Secunda 2. *gesalzener trüber Sauerbrunnen*: i. e. acidulae falsae turbidae. Tertia et quarta: 3 et 4. *Ordinari Trink-Sauerbrunn*: i. e. acidulae pro potu ordinario. Quinta et sexta 5 et 6. *gesalzener Sauerbrunn*: i. e. acidulae falsae. Secundum rubricas adscriptas iudicare deberemus aquas, in tertia et quarta lagena contentas, vnas easdemque esse, quippe quarum examina inter experiendum congruunt. Idem etiam de quinta et sexta lagena opinandum. Interim tamen Cl. Auctor paulo ante dixit, aquas ex sex diversis fontibus haustas esse.

p. 4.

X 5

Ex-

beiten, zu allgemeinen Nutzen aufgesetzt. Augsburg, bey Gebrüdern Veith, Buchhändlern, 1760. 8. pl. 2. Conscriptus videtur in usum eorum, qui linguam latinam ignorant, et aquis his vel sale uti volunt. Non opus igitur habemus, ut plura de eo dicamus.

- p. 6. Explorat nunc Cl. Auctor aquas hydrometro, inuenitque fontem N. 1. leuissimum, descendit enim in eo instrumentum ad gradum septimum, in N. 2. ad gradum tertium, in N. 3. et 4. ad quintum, et in N. 5. et 6. ad secundum tantum: quum in aqua pluuiæ destillata idem instrumentum ad sextum gradum mergetur, et in thermis *Carolinis* frigidis, ex fonte furioso, vulgo *Sprudel* dicto, haustis, tertium gradum ostenderet. Simili ratione ex citiore vel tardiore harum aquarum coctione, seu ebullitione, similem, quam vulgo *respectiuam* vocant, proportionem leuitatis et grauitatis aquarum colligit, et hanc cum priorè
- p. 8. consentire contendit. Progreditur Cl. Auctor ad tentamina cum syrupo violarum facta, vt ex mutatione coloris salis alcalini praesentiam probet. Fallax nobis semper visum est hoc experimentum, licet a plurimis, dicam omnibus, aquarum mineralium scrutatoribus adhibeatur. Inter eà ex obscura viriditate, in aqua fontis N. 1. et fontium 3. et 4. re-
perta, ad aliquam portionem salis alcalini, copiosis tamen particulis ferreis mixti concludit, quemadmodum ex modica viriditate aquae fontis N. 2. par-
uam, et ex pulchra viriditate fontium N. 5. et 6. copiosiore quantitate salis alcalini colligit. Ad-
tutius, quamuis infidum experimentum nominet, procedit Cl. Auctor, nempe ad infusionem spiritus vitrioli, nullam enim in vlla horum fontium aqua obseruauit efferuescentiam, quam tamen per praecedentia tentamina expectabat. Huius igitur effectus contrarii rationem in sequentibus reddere promittit. Sumsit deinde salem tartari solutum, liquorem scilicet perfecte alcalinum, et in aqua fontis N. 1. nulla obseruabatur mutatio, N. 2. plus mutabatur, N. 3. et 4. tantillum, sed N. 5. et 6. multum lactescebant. Tandem adhibuit gallas contusas, illisque modo memoratas aquas adfudit, ani-
mad-

maduertitque mixturam brunnum cepisse colorem, plus minusue profundiore, unde ochram martialem aquas continere suspicatus est. Hoc in primis ex flocculis martialibus, qui fundum in aquis petunt, ratiocinatur, quippe qui a salibus purgati, et vasi fusorio immissi, atque vsti, magneti adhaeserunt.

Transit ad alia experimenta et aquam thermarum *Carolinarum* comparat cum aqua, in qua iusta portio salis *Toeplensis* soluta fuit, easque aquas parum differre asserit. Vtrique huic aquae affudit solutionem mercurii sublimati, nullaue observabatur mutatio coloris in aurantium colorem, ut merito suspicabatur Cl. Auctor, quum a nonnullis recentioribus aquarum examinadoribus, quos bene nouimus, adfirmatum fuerit: verum vtraque aqua tantum lacteum colorem concipiebat. Minime tamen inde inferre vult thermas *Carolinas* et salem *Toeplensem* nullum salem alcalinum continere, in sequentibus enim ex aliis tentaminibus illum detexit, qua de re explicationem huius effectus etiam tunc exhibere promittit. Progreditur ad comparisonem p. 13. salis *Toeplensis* et salis thermarum *Carolinarum*, cuius differentiam in eo ponit, quod crystalli salis *Toeplensis*, fornacis calori expositae, aquae instar fluere, quum contra sal *Carolinus* sub eodem calore, fluere renueret. Sed Cl. Auctorem falli ex repetitis experienciis certi scimus. Ex chemicis constat salem mirabilem GLAUBERI, cum quo sal thermarum *Carolinarum* et sal *Toeplensis* perfecte congruit, si eius crystalli adhuc sunt recentes, et pellucidae, vno verbo, si sufficientem copiam aquae adhuc continent, calori fornacis expositum, aquae instar fluere: eundem vero salem, si eadem crystalli per aliquod tempus in aere sicco seruentur, in puluerem album tenerum dehiscere, qui puluis, licet adhuc prior

prior sit sal nunquam fluere eidem calori fornacis expositus. Causa igitur fluxus in maiore quantitate aquae, qua crystalli gaudent, latet. Quo plus enim aquae habent, eo facilius fluunt, quo minus, eo difficilius. Quando prorsus sufficienti aqua, ad sustinendas crystallos, destituuntur, quod accidit, dum in puluerem dilabuntur, plane non fluunt. Idem perfecte euenit crystalli salis *Toeplensis* et thermarum *Carolinarum*, sicut ex multiplici tentamine didicimus, ut igitur in hoc discrimen salis *Carolini* et *Toeplensis* minime ponendum sit. Fortasse Cl. Auctor salem *Carolinum* siccatum et diu seruatum accepit, quum contra *Toeplensem* recentem, quem ipse parauit, ad tentamina adhibuit. Magna etiam differentia intercedit inter salem, qui ex prima coctione, quam crystallisationem vulgo vocant, obtinetur, et illum, qui ex tertia et vltima, ut omnes, qui tentamina ipsi facient, experientur. Vltimus ad alcalinam indolem plus vergit priore, difficiliusque fluit fornaci impositus. Idem autem vtrique sali tum *Carolino*, tum *Toeplensi* accidit.

P. 18. At ex diuerticulo in viam redeamus! Ex praemissis experienciis quasdam consequentias notat, contineri scilicet in his aquis mineralibus, spiritum quendam mineralem, quem primo secundum HOFFMANNVM explicat, deinde, quid per illum ipse intelligat, adiicit. Concedimus, inquit, spiritum hunc mineralem ex purissimo minerali, aut metallico sulphure, seu, ut alii vocant, ex principio phlogistico intime mixto cum aëreo-aethereis moleculis. — — Phlogisticon vero principium, vel inflammabile, opinor, nihil aliud esse, quam igniculos elementares in subtilissima molecula terrea concentratos, accedunt tenerrimae particulae aquae, et sic constituunt sal illud primogenium, vel vniuersale, ex quo omnia alia salia generantur. Hoc sal, si cum aliis copiosioribus moleculis terreis iungatur,

gatur, accedentibus insuper multis moleculis igneis aqueisque sal alcali generatur. Si vero cum subtilissimis particulis martialibus connubium erigat, volatile *) producit vitriolum. Acidum vero fixius generatur, seu vitriolum, si hoc ipsum sal copiose valde multis ramentis metallicis praesertim martialibus adhaereat. Maluimus ipsissimis Cl. Auctoris verbis suam de generatione salium describere doctrinam, quam libera nostra translatione ambiguum eius reddere sensum. Post ea de acido sapore acidularum differit, et illum p. 24. ex sale isto primogenio, ramentis martialibus nupto, explicare nititur. Quo facto rationes reddere studet Cl. Auctor, quorundam Φαινόμενων, quae ipsi inter experiendum occurrere, inter quae primum erat thermas Carolinas admixto syrupo violarum veridiorem acquirere colorem prae aquis Toeplensibus, cuius rationem in eo quaerit, quod thermas Carolinae plus de sale alcalino fixo (dicerem de terra calcaria, seu tophacea) contineant: quum contra in Toeplensibus aquis sal medius praeualeat. Quae ceterum de laxiore adhaesione salis alcalini ad particulas salis neutrius, seu medii, habet, vt verum fateamur, nobis non suffecere, nisi laxiorem adhaesione de illa terra tophacea, modo memorata, intelligat. Alterum τῶν Φαινόμενων, quod explicare conatur, est, cur affuso spiritu vitrioli, neque in thermis Carolinis neque in solutione salis Toeplensis effer-

*) Vitriolum volatile in natura existere nobis persuadere nunquam potuimus, licet a multis aquarum scrutatoribus ita nominetur. Contradictionem enim in adiecto, vt Philosophi loqui solent, inuoluere nobis semper visum est, minime tamen hac infirmatione negare volumus, dare spiritus volatiles acidos, ex vitriolo natos. Hoc ideo notamus, vt inanes disputationes euitare, et accuratius in rebus physicis loqui addiscamus.

efferuescentia orta sit? quum e contrario satis distincte adpareret, praesertim in *Carolinis*, si super massam, quae post euaporationem thermarum *Carolinarum*, et solutionis salis *Toeplensis* remanet, aquam tantum frigidam affudisset. Rationem in promptu et sequentem esse credit, quoniam particulae salis alcalini, vtut thermae *Carolinae* eo abundant, nimis essent dispersae, quam vt spicula salium acidorum illas aggredi possent, quum sufficiens, magna et certa particularum alcalinarum quantitas requireretur, si ebullitio oriri deberet. Multo aliter autem se haberet res, si aqua frigida affunderetur, hac enim particulae alcalinae, intactis mediis salis, tantum soluerentur, quare non mirum in posteriore solum tentamine ebullitionem oriri. Pari ratione, nonnullis tantum mutatis, exponit, cur solutio mercurii sublimati post admixtionem aquarum *Carolinarum* et *Toeplensium* non aurantio tingatur colore. Quam ingeniosa etiam haec sit explicatio, apud lectorem tamen relinquimus iudicium, num ei illa satisfaciat. Fortassis ratio omnium illorum *Φαινόμενων*, in eo latet, quod neque in thermis *Carolinis* neque in sale *Toeplensi* praeualeat, quem tamen vbique praesupponit Cl. Auctor, sal alcalinus, sed tantum terra alcalina, calcaria. Haec autem ipsa terra efficit, vt *Carolinae* praesertim thermae in naturam alcalinam vergant, et alcalinae videantur. Magna tamen est differentia inter salem alcalinum et terram alcalinam, licet inter experiundum similes, nonnullis tantum exceptis, exhibeant effectus. Ad eam igitur differentiam, si attentus examinador respicit, faciliiori negotio supra disputata explicabit *Φαινόμενα*. Ex his porro videbit Cl. Auctor, nos minime posse ei concedere, particulas salis mediis *Toeplensis*, siue alcalini, vti expressis verbis affirmat, longe tenuiores

res esse *Carolinis*. Vt nil iam dicamus de fallaci illo experimento, quo probatum credit salem *Toeplensem* prae *Carolino* leni calore facilius fluere, quum sancte testari possumus, salis *Carolini* cryсталlos, si recentes sunt, et ex prima coctione acquiritae ad tentamen adhibentur, aequae facile fluere, ac *Toeplensis*. Firmiori non nititur fundamento illa opinio, qua asserit, salem *Toeplensem* sub eadem copia plus salis medii et minus salis alcalini continere *Carolinō*; *Carolinum* contra comparate plus de sale alcalino et minus de sale neutro participare. Repetita enim et magis euidentia ad hoc probandum requiruntur tentamina. Si dicendum quod res est, nullae differentiae propriae, quas *specificas* Philosophi dicunt, adhuc adduci queunt, quibus sal *Carolinus* a *Toeplensi* omni tempore et certo possit distinguui, praesertim si vterque aequali modo paratus sit. Non praeiudiciis capti, sed multiplici experientia conuicti haec affirmamus, dum aliquot per annos in detegenda eiusmodi differentia, quae tamen firma et constans sit, occupati fuimus. Consistentes etiam habemus peritissimos in arte chemica viros, quibus vtrumque hunc salem ad examinandum misimus, et qui nullam notam, qua a se distinguui queat nobis, indicare potuerunt. Quum in nostris laboribus ad nil magis, quam ad veritatem respicimus, et Cl. Auctor et Lectores b. ignoscent, si nos nimis longi, in hac inuestigatione fuerimus: persuasi enim sumus, veritatem ex hac disputatione facturam esse lucrum. Eo breuiore circa sequentia erimus.

Exposita natura salis *Toeplensis* et *Carolini*, na- p. 30.
turam ipsorum fontium scrutatur Cl Auctor, et declarat fontes N 5 et 6 reliquis magis in vsum medicum adhiberi posse, et multo fortiores in operando esse futuros. His missis, transit ad virtutes
expo-

exponendas illasque partim a fale medio, partim a fale alcalino deriuat, et quid vterque fal in corpore efficiat, simul adiicit. Recenset morbos, in quibus falem *Toeplensem* salutarem iudicat, inter quos morbi obstructionum, et morbi primarum viarum, et viarum vrinariarum praecipui sunt. Quam efficaciam fali tribuit, eam ipsam, et longe efficacior, fali in aquis diluto dat: quare eiusmodi aquas paratas in morbis chronicis ab humorum vitiis et obstructionibus vasorum oriundis inprimis extollit earumque operandi exponit modum. Docet autem Cl. Auctor certam copiam falis in iusta portione aquae calidae, vel, quod magis laudat, in aquis fontium N. 3 et 4 calefactis solui, et hac solutione perfectam, vt aiunt, curam, per aliquot dies vel hebdomades continuatas, aliarum aquarum medicatarum instar, peragi suadet. At valde dubitamus, num vsus eiusmodi curae comparandus sit cum illo, quo fruimur, si aquis naturalibus vtimur. Veremur potius, ne stomachi debiles eiusmodi aquis adulteratis magis debilitentur et aggrauentur. Spirituosum enim illud aethereum atque elasticum aquarum medicatarum, *Gas HELMONTIO* dictum, quo virtus primaria et singularis aquarum medicatarum consistit, nulla arte imitari, vel cum aquis communicare possumus, quod artificium solus Deus sibi reseruauit. Qua de re etiam minime adprobamus methodum calefaciendi aquas minerales, quam etiam suadet Cl. Auctor, vtpote quae calore spiritum illum aethereum plane perdunt, et in vapidam mutantur aquam, id quod inde cognoscimus, quod turbentur, et ochra martialis, quae ab acido vitriolico antea soluta fuit, praecipitetur. Non quidem negandum, Cl. Auctorem suam sententiam in sequentibus aliquo modo restringere, et thermis *Carolinis*, ad fontem potis, praerogatiuam prae aquis medica-

p. 46. tis

tis artefactis concedere: interim tamen his magnum in curandis morbis attribuit vsum. In viam redit Cl. Auctor et alios adhuc morbos adducit, in quibus fontes *Toeplenses* et salem inde paratum salutare praedicat. Primarius ex his est malum sic dictum hypochondriacum, cuius naturam, causas, symptomata et gradus diuersos explicat, et simul probat, fontes hos et salem optime huic contuenire morbo. Ad hoc malum adiungit morbos fluxus haemorrhoidalis et menstrualis; morbos viarum vrinariarum et pulmonum; morbos arthriticos, podagricosque, quibus pariter saepe dictos fontes et salem mederi asserit. Quae restant, rationem potandi aquas, exhibent, cautiones nonnullas in cura obseruandas adiiciunt, et de abusu salis nos monent.

XVII.

D. IOHANN GOTTLOB LEHMANN'S, Königl. Preussischen Bergraths, Mitglieds der königl. Academie derer Wissenschaften und der Chur - Mayntzischen nützlicher Wissenschaften, Entwurf einer Mineralogie zum Dienst derer allhier in Berlin Studirenden. Zweyte und vermehrte Auflage. Berlin 1760, bey Gottlieb August Lange, 8. 10¹/₂ pl.

i. e.

Sciagraphia mineralogiae in vsum eorum, qui Berolini in scientias incumbunt; auctore IOANNE GOTTLOB LEHMANNO, Med. Doct. etc.

Non fuit ea mens nostro Auctori, vt completam omnibusque numeris absolutam regni fossilis
Tom. X. Pars II. Y tracta-

tractationem exhibere voluerit. Ipse iamiam titulus et exiguus pagellarum numerus instituti rationem optime declarant. Deficere nimirum videbatur inter tot a clarissimis viris condita systemata libellus, qui lingua patria conscriptus et praelectionibus semestribus accommodatus sit; hinc indicatum hoc opusculum luci publicae exponere non dubitavit, in quo annis fuit, tam ea, quae alii celebres auctores in hac re praestiterunt, quam ea, quae propria meditatio indefessaque naturae disquisitionis ipsum docuit, colligere atque breuissime et concinne tradere. Mutavit candide in altera hac editione, quae in priori vel falsa, vel limitanda, vel alio loco ponenda animaduertit. Eadem vero ratione et in hoc libello suo muneri satisfecit CL. LEHMANNVS, qua factum illud iam fuit in aliis opusculis suis, quae ab omnibus rerum harum gnaris probantur et cum plausu excipiuntur. Prima fronte introductionis definitionem mineralogiae supplet, quam recte nominat *scientiam, quae mineralium corporum formam, qualitates externas, ad alia corpora rationes et utilitatem historice tantummodo cognoscere docet. Mineralia corpora appellat omnia solida, terrea, salina, lapidea metallicaue corpora, quae vel in superficie vel ut plurimum in gremio telluris generantur.* Quam definitionem tamen paulo angustiores esse suo definito, nobis persuadere videntur fossilia fluida, *mercurius v. c. naphtha, petroleum*, alia. In strictiori significatione mineralia a variis auctoribus dici tantum mineras, salia et inflammabilia monet, cum lapides terrasue hoc nomine non insignire soleant: nec tamen probatur Nostro haec facta distinctio.

- p. 7. Notas characteristicas generales fossilium sequentes adfert: 1) omnia mineralia esse corpora sicca, solida, densa. 2) ea esse figurae incertae ac indeterminatae, si exceperis salia, corpora petrefacta, drusarum-

farumque et metallicarum et lapidearum congeries, quorum omnium tamen figuram accidentalem tantum putat, 3) vita mineralia carere, si vitae notionem posueris in vi locomotiva, humorum circulo per vasa, crescendi, procreandi ac sentiendi facultate, 4) oriri vel supra vel in tellure, vel tantum particularum aggregatione, vel principiorum per appropriationem mixtionem. Vsum rerum fossilium, quem praestant in variis artibus ac scientiis, adfert et scriptorum catalogum addit. Iure tamen simul monet, nunquam veram posse rerum mineralium ex scriptis colligi cognitionem, sed autopsia opus esse glebarumque diligenti inspectione, si utile quoddam musaeum quis velit construere.

Prima sectio ea loca eorumque differentiam explicat, in quibus mineralia delitescunt, et variam rationem, qua inveniuntur mineralia, exponit, ubi de venis profundis, dilatatis, cumulatis, nidis et fragmentis venarum dispersis agitur, et breuiter de matricibus geneseque mineralium disseritur. Sub finem summas fossilium classes quinque constituit *Terras, Salia, Inflammabilia, Lapidet et Metalla.*

Secunda sectio terras distribuit, quae eo caractere ab aliis corporibus mineralibus distinguuntur, ut friabiles sint, in aqua non solvantur, sed vel dissoluantur vel immutatae persistant. WALLERII, DE IVSTI, POTTII, WOLTERS DÖRFII, CARTHEUSERI, LUDWIGII terrarum classificationes adfert, ob variam tamen rationem, nullam harum sequitur, sed duodecim genera diuersa constituit; *argillam, margam, lac lunae, tripelam, bolum, smectitem, cretam, lithomargam, graphium, umbram, ochram et humum.* Margae nomen falso ab oeconomis dari monet terrae subtili alcalinae, sed eam terram margam esse appellandam ad ductum Cl. LUDWIGII censet, quae pinguis non adeo tenax

in aqua in lamellas dehiscit, in igne vero non vt argilla indurescit. *Graphium* Nostro dicitur terra solida, indissolubilis, inquinans. Alias ab aucto-ribus commemoratas terras v. c. puteolanam, terram Catechu, terram Tensue Chinenfium cet. vel mixtas vel regni vegetabilis producta esse affirmat.

p. 33. *Salium* tria genera summa, *acidum*, *alcalinum*, et *medium* distinguit. Acida pura sensibus sese subducunt, nisi chemica arte ex corporibus, quibus inhaerent, educantur. Idem de alcalinis salibus puris dicitur, quae vt plurimum fontibus medicatis insunt. Mediorum varia genera occurrunt, *sal commune* cum suis speciebus, *sale gemmae*, *fontano* ac *marino*; *nitrum*, *sal ammoniacum*, *natrum*, *borax cruda*, *vitriolum* et *alumen*, quae stiptica sunt; quibus Noster addit genus quoddam hucusque lapidi-

p. 57. bus accensitum *selenitem* nimirum, cum suis speciebus *fluore*, *glacie Mariae*, et *lapide Bononiensi*. In magna aquae copia soluitur, hinc sal verum, nec cum acidis nec cum alcalinis efferuescit, hinc sal medium: sal medium terreum appellat Noster, cum ex acido vitriolico ac terra alcalina constet, vt Cl. MARGGRAFI experimenta confirmant. *Salium* classi et *arsenicum* iungit, quod sal medium metallicum nominat, multasque addit rationes, quibus commotus arsenicum non sal tantummodo, sed et sal medium esse existimat. Occurrit arsenicum vel *natiuum crystallinum*, vel *regulina* sub forma in *co-balto testaceo*, et *arsenico nigro*, vel mineralisatum cum sulphure, metallis, semimetallis aut terris.

p. 62. Sectio quarta *inflammabilia* continet; quae in *bitumina*, *sulphura*, et *vegetabilia bitumine penetrata* distribuit. Bituminibus accenset *naphtham*, *petroleum*, *maltham*, *asphaltum*, *gagatem*, *lithantraces*, *succinum*, *gummi copal*, *ambram*, et *terram quandam*, quae prunis iniecta *gummi animae odorem refert*. Mul-
tis

tis argumentis veram originem fossilem gummatis copal euincit, esse tamen et gummi quoddam verum hoc nomine insignitum, rarissimum in nostris regionibus, quod ex arbore *Rhus. S. Copalinum* LINNAEI Spec. Pl. exsudat. Sulphur vel *natiuum* effo P. 266. ditur vel ex *pyrite* excoquitur. Vegetabilia bitumine penetrata vel *ligna* sunt *bituminosa*, vel *turfum* s. *cespes bituminosus*.

Lapidum historiam sectio quiata exhibet. Di p. 76. stinguit eos in *communes amorphos* et *figuratos*. Priorum quatuor classes constituit, *calcareos*, *vitrescentes*, *igne indurantes* et *saxa*. Calcareorum alii proprie tales sunt vt *vulgaris calcareus*, *marmor*, *spatum alcalinum*, cui falso *fluores coloratos* annumerat, *lapis suillus*, *fissilis calcareus*, *cobalti species nigra friabilis* et *tophus*: alii gypseorum genus efficiunt, *gypseus* nimirum *vulgaris*, *alabastrum*, *glacies Mariae*, *spatum vitrescens*, *lapis Bononiensis*, *gypsum striatum*, *crystallus Islandica*, quae tamen, quia cum alcali efferuescit, vix huic generi annumeranda erit.

Sexta sectio lapides vitrescentes describit: quibus accenset *gemmas*, *silices*, *lapides corneos arenarios* et *schistum*. Gemmas a coloribus ordinat ipsisque *turmalinum* iungit. Silicum genera sequentia sunt: *Silex*, *crystalli quartzosi hexaëdri*, *pyromachus*, *calcedo*, *carneolus*, *onyx*, *opalus*, *achates*, *lapis corallinus Freybergensis*, *asteria vera* PLINII, quam olim a Cl. Auctore descriptam allegauimus dubiaque quaedam contra hanc Nostri opinionem mouimus. Lapis corneus dicitur ipsi eiusmodi gleba lapidea, quae granulata quodammodo in fractura apparet, opaca prorsus cum chalybe scintillat et polituram aliqualem assumit; cuius generis censet *iaspidem*, *porphyritem*, *basaltem*, quem *basanum* etiam vocant, *cobaltum nigrum corneum*, *lapidem lazuli*. Arenarius pro grumi subtilitate vel crassitie cotem, are-

arenarium vulgarem, *filtrum* sistit, quibus et *arenam* iungit, quam pro destructo arenario habet. Schistos omnes vitrescere affirmat et duas tantum species eorum distinguit *vulgarem* et *durum*.

P. 91. Lapidum in igne indurescentium catalogum septima sectio exhibet, quorum alii *lamellofi*, alii *fibrosi*, alii *continui* sunt. Prior ordo comprehendit *molybdaenam*, *vitrum ruthenicum*, *micam*, *talcum platinam del Pinto*. Fibrosi sunt *amianthus*, *aluta montana*, *caro montana*, *asbestus* cum suis speciebus *matureo*, *immatureo* et *alumine plumoso*. Continui offerunt *serpentinum*, *nephriticum*, *steatitem*, *ollarem*, *corneum fissilem*,

P. 96. *Saxorum* ordinem in octava sectione breuiter tantummodo commemorat Cl. Auctor, eorum vero genera distinguere difficillimum vel prorsus impossibile obmiram eorum varietatem esse iure censet.

P. 97. Nona sectio de figuratis lapidibus disserit, qui formam suam corpori alius regni debent; quos triplici modo distinguit in *petrefacta*, *typolithos*, et *figuratos*. De modo oriundi horum lapidum breuiter disserit, et affirmat, 1) omnes materias lapideas ad corpora in lapidem mutanda aptas esse, 2) petrefactiones fieri terrarum solutione, corporisque penetratione et pororum eius repletionem. 3) Corpora in putredinem maxime prona nunquam in lapidem mutari. 4) Petrefacta non cataclysmo nec lusu naturae adscribenda, sed per varias telluris mutationes sensim sensimque producta esse. 5) Petrefacta ut plurimum non adeo alte in terra sepulta inveniri. 6) Petrefacta vera semper organicam debere ostendere structuram, ne cum typolithis vel figuratis confundantur.

Disperscit vera petrefacta, uti omnibus mineralogis solenne est, in animalia et vegetabilia, nec in eorum subdiuisione ab ordine consueto recedit. In
secto.

sectorum petrefacta, exceptis gammaris ac astacis negat. *Trochleatos lapides* (*Schraubensteine*) trochitis annumerat; miramur tamen Cl. Auctorem *echinitas* sub genus zoophytolithorum referre, cum aptius crustaceis vel conchis multialuibus annumerandi sint. Ex vegetabili regno *arbores integras*, vel earum *ramos, folia, fructus, flores, semina, radices* in lapideam massam mutatas inuenimus.

Typolithorum mentionem facit sectio decima, in P. 107. quibus tamen ordinandis non diu commoratur Noster cum facillimo negotio possint ad verorum petrefactorum ordinem distribui. *Dendritas* a destructis muscis suam repetere originem putat, videtur tamen nobis proprius ad verisimilitudinem accedere illa hypothesis, quam Cl. CONDAMINE et GESNERVS de eorum ortu proposuerunt. *Figurati lapides* vel in sua figura ac forma similes aliis corporibus sunt, vel tantum in superficie sua imagines variarum rerum ostendunt.

Sectio vndecima de metallis in genere exponit, p. 110. et varia de eorum genesi ex triplici terra vitrescibili, inflammabili et mercuriali, atque de matricibus metallorum commemorat; ac tandem ea in perfecta vel imperfecta distinguit.

Priorem ordinem sectio duodecima exhibet. Differunt in eo, quod alia in igne persistant, vt aurum et argentum, alia in eo mutantur. *Aurum* in minerae statum mutari posse negat, hinc omne quod effoditur *natiuum* forma tamen diuersum est. *Argenti* species sunt *natiuum, minera stercoris anserini, minera vitrea, rubra, cornea, alba, grisea*, cui accenset spicas Franckenbergenses, *plumosa*; et aliis variis fossilibus inest.

Sectio decima tertia agit de metallis, quae igne p. 123. mutantur et destruuntur, quorum alia sunt duriora alia molliora. Priori censui insunt *cuprum*, quod

vel natium vel praecipitatum vel mineralisatum in minera cupri vitrea, nigra, alba, grisea, hepatica, pyritacea, coerulea, viridi, schisto venereo, cupro Nicolai et ochra cupri occurrit. Ferrum vel natium vel in minerae forma effoditur et haematitem, mineram globosam, albam, griseam, coerulefcentem cet. sistit; nonnullas quoque mineras martis improprias recenset sub finem huius sectionis. Molliorum duo sunt stannum et plumbum. Stannum nunquam effoditur in forma nativa, sed in minerae statum vt plurimum arsenici ope redactum in *crystallis stanni*; *lapide stanni* (Zwitter), *spatho stannifero*, aliisque fossilibus occurrit. Plumbum quoque natium non occurrit. Minerae vero sub forma in *galena*, *plumbagine*, *minera crystallina viridi*, *spatho saturnino*, *terrisque variis plumbiferis* delitescit. Ultima sectio, p.136. quae est decima quarta, tractat de *semimetallis*: *bismuthum* nunquam mineralisatum sed semper nativum inuenitur: *zincum* latet in *lapide calaminari*, in *variis pseudogaleneae speciebus*, in *cadmia Goslariensi*, aliis; *antimonium*, cuius reguli nativi existentiam in dubium vocat Noster, mineralisatum vel *gryseum*, vel *rubrum*, quod florem antimonii dicit, apparet: *cobalti* duo genera distinguit, eorum nempe, quae nihil arsenici continent, et eorum quae arsenico et regulinis partibus abundant: horum sex species recenset, *scoriaeforme*, *album*, *flauum*, *dendriticum*, *cobaltum galenae* (*Glantz kobalt*) et impurum quod variis mineralibus corporibus mixtum, est: *mercurius* vel *natiuus s. virgineus*, vel sulphure mineralisatus in *cinnabari* deprehenditur. Haec sufficient ad ideam breuissimi huius fossilium conspectus formandam, cuius utilitas, ipsi quam sibi proposuerat Cl. Auctor scopo, certo est responsura.

XVIII.

Versuch einer neuen Mineralogie aus dem Schwedischen übersetzt. Kopenhagen, auf Kosten der Rothenschen Buchhandlung. 1760. 8. pl. 20.

i. e.

Tentamen nouae mineralogiae, ex idiomate suecico translatum.

Dudum iam huius libelli rationem reddidissimus Lectoribus nostris, quod non solum ipsius materiae, quam tractat, vtilitas, sed et methodi dignitas ac praestantia maxime postulare videbatur; si suecicam editionem acquirere potuissimus. Cuius tamen voti hucusque compotes nos fieri, cum fors recusauerit, ideam opusculi huius excellentissimi ex germanica translatione Cl. WIEDEMANNI *) exhibere, contra nostram haecenus diligenter obseruatam consuetudinem suscipimus. Commendationis loco sufficere putamus tantummodo auctoris nomen addere, CRONSTÄDTII nimirum, qui nomen se ideo reticuisse ipse fatetur, vt tam sibi corrigendi, quam eruditis libere iudicandi potestas supersit. Cl. huius viri, qui minerarum in Dalekarlia et Westmannlandia praefectus est, in hoc scientiarum genere peritiam ex multis iam speciminibus diario suecico sparsim insertis cognoscimus, vltiusque hoc ipso libello probatam videmus. In praefamine rationes recenset, quibus commotus hos labores, qui forsan multis superuacanei videri possent, aggredi conatus fuerit: historiam de fati ac progressibus

Y 5

*) Titulum suecicum his verbis Cl. WIEDEMANNVS adfert: *Försök til Mineralogie eller Mineral-Rikets Uppställning.*

bus scientiae huius addit; et concinne quidem apte tamen ac eleganter varios systematum conditores diiudicat. Pleraque haëtenus formata systemata ita esse comparata vidit, vt a vera cognoscendi fossilia via potius abducant; hoc ergo suum tentamen publice proponere constituit, vt ii, qui in ordinandis corporibus naturalibus notas tantum, ab exterioribus qualitatibus desumtas, attendunt, impediuntur, quo minus huic tramiti vltcrius insistere pergant. *Figuromaniam* appellat operam in eiusmodi systemata impensam; quanquam et simul ingenue fatetur, ignis gradus vix tam accurate posse determinari, vt et in chemica methodo omnia rite definiri ac quaeuis suo loco poni possint

Ita versatur in ipsa tractatione, vt prae aliis chemicas notas attendat et cuiusuis fossilis materiem ac principia describat, adductis tamen semper simul notis externis. In ipso terrarum calcarearum exemplo postmodum videbimus auctoris mentem, et rationem, qua suam mentem exposuit, cum in omnibus generibus eam fusius repetere recensitionis

p. I. limites non permittant. Mineralia dicit corpora, quae infra telluris superficiem vel a prima rerum creatione vel post illam producta, quotidie ex suis principiis congregantur et absque semine, vita et humorum circulo persistunt. Quatuor tantum classes eorum constituit: *terras* primae accenset et ipsis lapides, qui cohaesionis gradu solo ab illis differunt, iungit; *phlogista mineralia* formant secundam; tertiam *salia*, quartam *metalla*.

Terras nominat corpora mineralia, quae extendi non possunt, in aqua et oleis non soluuntur, et in eo caloris gradu, quo candent, nihil de suo volumine amittunt. Nouem earum ordines materiae mixtionisue diuersitas distinguit.

Pri.

Primus ordo *calcareas* fittit, quarum characteres p. 11.
 sequentes adfert 1) in igne fiunt friabiles et in al-
 bum puluerem debiscunt; 2) in aqua post ignitio-
 nem citissime dissoluuntur cum calore intenso et ali-
 quali solutione; 3) in igne clauso sine additamento
 non vitrescunt; 4) acredinem et corrosiuitatem sa-
 lium alcalinorum fixorum augent; 5) in acidis sol-
 vuntur cum efferuescentia calida; 6) cum borace fu-
 fae in vitrum facillime fluunt; 7) item cum sale mi-
 crocosmico; 8) cum fluoribus s. spatho vitrescente in
 durum vitrum cito mutantur; 9) plumbi ac bismuthi
 calces reducant; 10) hinc salibus alcalinis fixis similes
 apte *terrae alcalinae* dicuntur; 11) omnibus reliquis
 naturae regnis insunt eorumque basin fere consti-
 tuunt. Invenitur terra calcarea vel *pura*; quae pul-
 verulenta *agaricum mineralem*, vel cohaerens friabi-
 lis *cretam*, vel indurata *lapides calcareos* fittit: hi vel
 particulis impalpabilibus duritie varia *marmora* di-
 cuntur, vel *granulati*, vel *squamosi*, vel *spathosi*, vel *cry-*
stallisati, vel *stalactitici* apparent. Impura redditur terra p. 22.
 calcarea variis rebus: 1) per acidum vitriolicum in *gyp-*
sum mutatur, quod vel puluerulentum occurrit in *fari-*
na fossili, vel induratum in *alabaastro*, *gypseo micaceo*,
gypso fibroso, quod *alabastriten* Noster nominat, *selenite*,
gypso crystallisato et *stalactite gypseo*; 2) per acidum
 salis communis in *sal ammoniacum fixum naturale* mu-
 tatur; 3) cum phlogisto mixta vel *lapidem suillum*, vel
 si 4) vitriolicum simul accesserit acidum, *lapidem he-*
paticum generat; 5) argilla si calcareae terrae adhae-
 ret, *marga* oritur, quae vel friabilis, vel indurata pau-
 lulum in aëre tamen fatiscens, vel prorsus lapidea
 in *topho* conspicitur; 6) terris metallicis commixta
 calcarea haec terra quoque occurrit, cum martiali
 terra *mineram ferri albam* tam friabilem, quam soli-
 dam constituit; cum cupro vel *coeruleum montanum*
 et *lapidem armenum verum*; vel si gypsea iam facta
 fuerit

fuerit *malachitem*; vel cum cerussa natiua terras plumbiferas sistit. Adspersit tunc quasdam notulas, quibus terrae huius magnam vtilitatem, quam in oeconomia artibusque variis mechanicis praestat, commemorat atque exponit.

p. 45. Secundus ordo *siliceas terras* describit. Puluerulenta haec terra non inuenitur, nisi forsan tripelam pro tali terra haberi velis, quam tamen Noster inter argillaceas impuras refert. Indurata semper cum chalybe scintillat, per se nunquam vitrescit, si pura, ignita non dehiscit, fit tamen quodam modo friabilior, cum acidis non efferuescit, cum alcali fixo vitrescit, hinc multis auctoribus vitrescens dicitur. Continet hic ordo *adamantem*, cui et *rubinum* iungit, quem *adamantem rubrum* nominat; *sapphirum*; *topazium*, cui *chrysolithum* et *beryllum* addit; *smaragdum*; *quartzum*; *silicem* s. *lapidem corneum*, cuius genera recenset *opalum*, *onychem*, *calcedonem*, *carneolum*, *sardonychem*, *achatem*, *pyromachum*, *petrosilicem*; *iaspidem* et *spatum scintillans*.

b. 73. Tertio ordine *terras granateas* exponit Cl. Autor. Adfert notas quasdam, quibus commotus has dictas terras siliceis, quibus cum maxime conveniunt, iungere non possit. Per se enim vitrescunt, quod in silicea terra nunquam deprehenditur, ut reliquas notas taceamus. Insunt huic ordini *granatus*; *basaltes* qui vel *amorphus* vel *spathosus*, vel *fibrosus*, vel *crystallifatus* occurrit et a Nostro Schoerl appellatur.

p 82. *Terras argillaceas* quartus ordo exhibet, quae eo caractere ab omnibus reliquis differunt, quod in igne indurescant. Genera continet hic ordo quinque 1) *argillam apyram* s. terram porcellaneam, quae vel *pura* vel *inquinata* effoditur. Phlogisto mixta haec et indurata *sineclitem*, *steatitem*, *serpentinum* efficit. Alterum genus *lithomargam* nominat, tertium

tium bolum, quartum terram tripolitanam, quintum argillam vulgarem plasticam.

Quintum ordinem ex *terrīs micaceis* efformat, p.100. quas in puras et martiales distinguit. Haec vel *lamellofis*, vel *squamosis*, vel *contortis*, vel *acerosis* partibus constant, interdum et in drusica forma occurrunt.

Fluores minerales sextum ordinem efficiunt. Semper p.104. per induratae hae terrae apparent, nec scintillant, nec efferuescunt; nec per se vitrescunt; cum omnibus vero terrarum generibus mixtae in igne facile fluunt, incallescunt phosphorescunt; cum borace et sale microcosmico fluunt et solvuntur. Inveniuntur vel *amorphi*, vel *spatosi* vel *crystallisati*, variis coloribus tincti.

Septimus ordo continet *terras asbestinas*, quibus p.108. accenset *asbestum* et *amianthum* cum speciebus subdivisis *corio montano*, *subere montano* et *byssō*.

Nouum fossile genus ordo octauus describit, p.111. quod *Zeolites* Nostro dicitur, a nullo auctore hactenus distinctum. Commemoratum iam supra *) a nobis fuit, hic tamen fusius eius notas recensere iuuabit. Non scintillat cum chalybe; durior tamen est fluore et calcareis lapidibus; facile per se vitrescit, vti borax, in vitrum porosum; facilius ab alcali fixo minerali et soda soluitur, quam a borace aut sale microcosmico; cum sale microcosmico in igne non intumescit vt terrae calcareae, nec cum borace vt gypseae; cum acidis non effervescent, sensim tamen ab iis soluitur: in puncto fusionis phosphorescit. Inuenitur vel *amorphus*, cuius census lapidem lazuli esse perhibet, vel *spathosus*, vel *crystallisatus* colore vel albo, vel flauo, vel rubro, vel coeruleo.

Vlti-

*) vid. Comment. nostr. Vol. VI. P. III. p. 398.

p.116. Ultimum terrarum ordinem constituunt *magnesia*, quas vel friabiles vel induratas describit; has rursus vel puras vel inquinatas distinguit, *spumam lupi* putat esse magnesiā marte et ioue mixtam.

p.120. Secunda classis *salia* disponit. Excludit ex salium mineralium numero omnia, quae ars vel natura mediante corpore vel vegetabili vel animali producit vt *nitrum*. Duplex ordo salium est, vel eorum, quae acida sunt, vel eorum, quae alcalina deprehenduntur. Acidorum primum est vitriolicum, quod vel purum vel aliis corporibus mixtum invenitur. Metallis si saturatum est *vitriola varia cupri, martis, zinci* vel et *hermaphroditica* s. *composita* efformat; terrae calcareae iunctum *gypsum*; argillaceae *alumen*, quod vel *natiuum* vel in *minera varia* occurrit; phlogisto commixtum *sulphur*; corpori alcalino minerali intextum *sal mirabile* GLAUBERI *natiuum* constituit. Alterum acidorum genus est illud *salis communis*. Terra calcarea saturatum efficit *sal ammoniacum fixum*. Alkali fixo minerali combinatum *sal commune* eiusque species *sal montanum* s. *geminae, marinum* et *fontanum*; cum alcali volatili *sal ammoniacum naturale*; phlogisto unitum *succinum*; argento saturatum *mineram argenti corneam* format.

p.136. Alcalia salia vel fixa sunt vel volatilia. Fixorum purum est illud, quod salis communis partem alcalinam constituit et proprio nomine *minerale* dicitur: inuenitur *natiuum* in India, cuius varias notas chemicas vsunque eius adfert: *aphronitrum* dicit alcali salis communis pauca terra calcarea mixtum. Accenset et his alcalinis fixis salibus *boracem*, qui ex nativo quodam magmate salino, *Tincal* quod dicitur, depuratur. Alkali volatile tam *salis ammoniaci nativo* quam argillarum multis speciebus inest.

Ter-

Tertia classis *phlogista mineralia* continet, quorum genera sunt: *ambra grysea*; *succinum*, quod vel opacum vel diaphanum; *petroleum*, cuius species *naphtham*, *petroleum* proprie sic dictum, *maltham* et *picem montanam* distinguit. Iungitur diuersis corporibus hoc phlogiston minerale. Cum acido vitriolico *sulphur* producit, quod vel *natiuum* effoditur; vel metallis saturatum in *pyrite*, *molybdaena*, *galena*, *pseudo-galena* et aliis metallorum mineris latet; vel terris variis immixtum cum argilla *lithantraces*, *Kolm*, *fissilem carbonarium*; cum calcarea *lapidem suillum*; cum terra metallica varias mineras, *phlogisticas* quas appellat, *Brandertze*, *Kohlenertze*, constituit. p. 144.

Metalla quartam classem summam ingrediuntur; p. 157. et vel ductilia vel fragilia dispescuntur. Priora vera, altera semimetalla nominat. Multus est in recensendis notis characteristicis, chemicis praesertim, semperque adnectit notas quasdam vtilis ac bonas de usu et physicis metallorum qualitatibus.

Aurum vel *natiuum* in diuersa forma effoditur; vel in minerae statum redigitur ope sulphuris accedente tamen alio adhuc metallo, ferro in *pyrite*; mercurio in *cinnabari*; zinco, ferro et argento in *pseudogalena Schemnitzensi*. Quamuis enim sulphur nullam vim soluendi in aurum exferere largiatur Noster, aurum tamen cum sulphure posse combinari contendit, si aliud quoddam corpus intercesserit.

Argentum purum *natiuum* in varia forma inuenitur, et magnam quoque minerarum efficit differentiam. Sulphuri iunctum *mineram argenti vitream*; cum sulphure et arsenico combinatum *mineram argenti rubram* tam coloris quam pelluciditatis gradu diuersam; arsenico et cupro sulphurato mineralisatum tum

tum *mineram argenti griseam*; ferro et arsenico sulphurato mixtum *mineram argenti albam*; antimonio sulphurato mineralisatum *mineram argenti hepaticam et plumosam*; cupro et antimonio sulphurato mineralisatum *mineram argenti griseam Dahliac*; zinco sulphurato iunctum *pseudo galenam*; cum plumbo sulphurato mixtum *galenam*; plumbo sulphurato et antimonio mineralisatum *mineram*, quam Noster *Stripertz* nominat; ferro sulphurato combinatum *pyritem argentiferum*; acido salis solutum *mineram argenti corneam* efformat. Cum alcali posse argentum in minerae statum mutari, ut Cl. IVSTI contendit, negat Noster.

Platinae del Pinto mentionem hic iniicit, eiusque notas characteristicas ex Cl. SCHEFFERI et LEWIS libellis repetit.

Quartum locum inter metalla *stannum* obtinet. Nativum exstare non probabile Nostro videtur. Occurrit mineralisatum in *minera stanni vitrea arsenicali*, quae vel amorphia *lapidem stanni*, vel crystallisata *crystallos stanni* sistit, quae, si minores fuerint, *Zwitter* dicuntur. Aliis mineralibus et stannum iungi ex supra iam adductis capitibus patet.

Plumbum nativum itidem negat. Effoditur vel calciforme vel mineralisatum. Prioris generis est *cerussa nativa*, quae si indurata, pura tamen, fuerit *spatum plumbi*, vel album vel viridescens sistit; mixta vero interdum arsenico interdum terrae alcalinae exstat. In minerae formam redigitur plumbum a sulphure solo in *plumbagine*; ab argento sulphurato in *galena*; a ferro et argento sulphurato in *galena martiali*; ab antimonio et argento sulphurato in *minera ista*, quam *Stripertz* appellat Cl. CRONSTÆDT.

Cuprum nativum occurrit vel *solidum* vel *præcipitatum*. Effoditur vero et in *ochrae* forma, quae si friabilis est et pura coeruleo, viridi vel rubro colore

lore differt, et si induruerit, *mineram cupri vitream* efficit: impurior vero redditur vel terra calcarea in *coeruleo montano* et *lapide armeno*, vel gypsea terra in *malachite*; vel aliis metallis ac lapidibus. Mineralisatum vel sulphure solo *mineram cupri griseam*; vel ferro sulphurato *pyritem cupri*; vel ferro et arsenico sulphurato *mineram cupri albam* sistit; inest etiam *vitriolo veneris* et *mineris quibusdam phlogisticis*.

Ferrum duplici modo effoditur: vel enim calciforme vel mineralisatum occurrit. Prioris generis species vel purae vel mixtae sunt. Pura minera ferri calciformis, si friabilis est, *ochras* efficit, si indurata, *haematitem* eiusque varias species format. Terris fere omnibus supra dispositis ferrum inest: phlogisto si iuncta est calx martialis et per alcali praecipitata, terram coeruleam sistit, quam Noster *coeruleum Berolinense nativum* appellat: *cementum* dicit speciem minerarum martialium, in qua calx martis terra quadam incognita in aqua indurescente mixta est; *crystallos stanni albas* in hunc ordinem esse referendas affirmat, cum multum ferri contineant, parum aut omnino nihil stanni.

In *mineram* mutatur ferrum aut sulphure in *minera ferri pyritacea* et *atra*, quae vel *atractoria* vel *retractoria* a Nostro distinguitur aut arsenico in *pyrite albo*; aut sulphurato arsenico in *pyrite auripigmenti*; aut acido vitriolico in *vitriolo ferri*; aut phlogisto in *minera martis phlogistica*. Nativi ferri non mentionem iniicit, forsan vero, ut nobis videtur, posset ea species, quae ipsi *retractoria* dicitur, pro tali haberi.

Semimetallorum septem distinguit; quorum primum est *hydrargyrum*. In frigore fluidum illud persistere adhuc affirmat, nondum de eius per frigus summum congelatione instructus. Vel *nativus s. virgineus* inuenitur mercurius, vel mineralisatus *cinnabarim*.

rim sistit, si sulphur tantum ipsi mixtum est; meminit tamen et minerae cuiusdam, in ducatu Bipontino in praefectura Meissenheimensi reperiundae, quae mercurium sulphure et cupro mineralisatum contineat.

Bismuthum natium in varia forma apparet. *Ochram* bismuthi nunquam coloris rosei, sed semper flauescentis esse monet. Adfert et bismuthum vereminerisatum vel solo sulphure, vel ferro sulphurato. Reprehendit simul recentiores quosdam, qui bismutho tingens principium inesse contendunt coeruleum, quod cobalto tantum debetur bismuthi mineris frequentissime inhaerenti.

Zincum, cuius notis ab omnibus recensitis addit eam, quod tritum virtutem electricam ostendat et a magnete trahatur, natium non exstat. Effoditur in forma calcis, quae *ochra zinci* commode appellari posset, *lapis calaminaris* ab omnibus dicitur. Mineralisatum est ferro sulphurato in *pseudogalena*, quae multas varietates ostendit et colorum et texturae ratione diuersas. Spathum zinci, quod Cl. de I V S T I commemorat, in dubium vocat.

Antimonium in forma regulina natua occurrere probat. Mineralisatum sulphure solo *antimonium proprie sic dictum*; auripigmento *antimonium solare* s. *rubrum* format. Multis quoque aliis mineris supra iam allegatis inesse solet. *Arsenicum* natium vel *puluerulentum* vel solidum in *cobalto testaceo* occurrit. Sulphure mixtum est in *auripigmento*: mineralisatum vel ferro sulphurato vel aliis metallis aut semimetallis exstat. *Cobaltum* calciforme constituit vel *ochram cobalti nigram*, quae indurata *mineram cobalti vitream* sistit; vel *rubram*, quae interdum crystallisata in striis roseis apparet, et quam *florem cobalti* dicimus. Mineralisatum vero vel ferro et arsenico;

fenico; vel ferro sulphurato; vel ferro, sulphure et arsenico simul existit.

Niccolum nouum est semimetallorum genus, p. 229. quod noster Auctor primo detexit ac descripsit *). Notas characteristicas iamiam in loco, quem modo citauimus, fuisse explicauit. Occurrit vel in forma puluerulenta coloris viridescantis; vel mineralisatum tam ferro et cobalto arsenicatis et sulphuratis in *cupro nicolai*, quam acido vitriolico.

Appendix continet *saxa* et *petrefacta*. Distin p. 234. guit saxa in *composita*, quorum gluten non conspicitur, et in *conglutinata*, quorum gluten sensibus se manifestat. Compositorum adfert, *ophitem*, *cotem porphyritem*, *granitem*, multasque alias species quas suecicis nominibus determinat, nondum a mineralogis nominatus, e. g. Norrka, Trapp. cet.

Conglutinatorum duplex est genus, *Breccia* et *arenarius*. Breccia pro glutinis diuersitate est *calcareae*, *iaspidea*, *siliceae*, *quartzosa*, *saxosa*, *porphyrea*, *indeterminata* et *arenacea*. Arenarius ex arenae granulis constat et vel glutine argillaceo, vel calcareo, vel incognito cohaeret.

Petrefacta Nostro dicuntur *mineralia larvata*. Breuis est in iis ordinandis, cum recte existimet earum disquisitionem ratione externae figurae ad animale vel vegetabile regnum pertinere, in mineralogia autem tantum esse attendendum ad materiam, in quam mutata sunt naturalia corpora. Primum genus *terras larvatas* s. corpora terrefacta continet, quorum alia calcareae, alia siliceae, alia argillaceae indolis inueniuntur. Alterum genus *laruas insalitas* sistit, quae, vt plurimum acido vitriolico sunt impraegnata. Tertium genus *laruas phlogisticas*, quartum *metallicas* e. g. spicas Franken-

Z 2

ber.

*) vid. Comment. nostr. Vol. V. P. III. p. 338.

bergenſes, turcoſam cet, quintum *corpora peregrina deſtrudta* exhibet, ſub ſpeciebùs *humi et turfi*.

Ultimo tandem loco *ſcorias vulcanorum* addit; *achatem* v. g. *islandicum nigrum*, *lapidem molarem rhenanum*, *pumicem*, *ſcoriam conglomeratam*, *cineresque*, quos euomere ſolent montes igniuomi.

XIX.

FRIDERICI WILHELM. LEYSER *Flora Halenſis exhibens plantas circa Halam ſalicam crescentes, ſecundum ſyſtema ſexuale Linnaeanum diſtributas. Halae Salicae. Sumtibus Auctoris 1761. 8 mai. pl. 17.*

Recenſentur in hac Flora 1122 ſpecies plantarum, quae fere omnes intra trium milliarium ſpatium occurrunt, nonnullis ſaltem, quaſi alienis, vel in remotiori terra habitantibus, rarioribus viſis, vel hortenſibus maxime familiaribus, aditis; harumque plurimas in loco natali ſe ipſum inueniſſe, nonnullas vero, a ſe non viſas, ab Halenſibus Floriſtis, КНАУТНЮ imprimis et ВУХБАУМЮ, mutuaſſe, aſt his ipſis Auctoribus ſuam ubique gloriam tribuiſſe, ſcripſit Cel. Auctor. Haſ ſyſtematice diſpoſuit, ſecutus ſexuale LINNAEI ſyſtema, conciſos quoque generum characteres, et quantum fieri potuit, eſſentiales, ſynonyma vero, ne mole ſua flores venantem premeret libellus, ſtudio fere nulla addidit, varietates autem ad faciliorem reddendam earum cognitionem ſynonymis diſtinxit, et ubique locum natalem, tempusque floreſcendi ſollicite annotauit. Nomina ſpecifica, nec non triualia ab Ill. LINNAEO data, non immutata retinuit, nouas vero ſpecies, nouis ad recentiorum leges compoſitis, inſigniuuit. In fine libelli

libelli duplicem dedit indicem quorum alter alphabeticus est, et nomina enumeratarum plantarum exhibet, alter autem chronologiam et topologiam huius Florae sistit, quo quilibet herbationem factururus, quorsum iter plantarum desideratarum causa dirigat, facile cognoscat.

Quae Cel. Auctoris libello propria sunt, et vt noua a nobis annotari debent, vel species concernunt, vel additas obseruationes. Floram suam centum et quadraginta tribus speciebus auxit, ast licet eadem a Floristis Halensibus memoratae non fuerint, ab aliis tamen auctoribus annotatae descriptae existunt, tres autem vel quatuor nouas, a nullo Botanicorum forte memoratas, inuenimus. Prima scilicet est *Bromus (inermis) panicula patula valvulis corollae aristatis muticisque*. Planta a SCHEVCHZERO inter gramina arundinacea adducta. Secunda dicitur *Rosa (umbellata) germinibus ouatis glabris capitatis subumbellatis, caule aculeato, geritque folia pinnata, foliolis quinis infra pubescentibus, supra subnudis; pedunculos breues umbellatos, terminales; bracteas ad basin pedunculorum ouatolanceolatas; calicisque folia saepius duplicato pinnata*. Florentem nondum vidit Cel. Auctor. Tertia etiam, a SCHEVCHZERO inter Cyperoidea gramina commemorata, dicitur *Carex (humilis) spica mascula oblonga, femineis remotis subpedunculatis serioribus subbifloris*. Quarta, cum Boleto flabellum referente GLEDITSCHII forte conueniens, est *Boletus (flabelliformis) stipitatus, coriaceus, poris tenuissimis, stipiten. 1093 laterali*.

Obseruationes rarius adposuit Cel. Auctor, et sequentes modo inuenimus. *Campanulae rotundifoliae* folia radicalia, aestate emortua et caulina saepius angustissima, setacea, diuersam facile plantam mentiuntur; *Campanula ceruicaria* dubia videtur

- planta, tantamque in synonymis huius et complurium specierum regnare confusionem scribit Cl. Auctor, vt illa saepius nullo modo extricari possit.
- n.193. *Frangulam* vnicam Nostratium arborem gemmis denotatam esse, *Selini sylvestris* folia vulnerata lactescere, *Polygonum amphibium* in aquosis natantem, glabram laetamque, in siccis erectam, scabram, tristemque plantam esse, *Polygonum auiculare* in pingui solo folia lata, in sterili angustiora, in arenoso calices rubros, in umbroso albidos ostendere monet. In
- n.390. *Spergula pentandra* decem semper vidit stamina, eam vero pro varietate *arvensis* habendam esse, non existimat, cum differat foliis rarioribus, caulibus simplicibus, minus ramosis, vernalis praeterea sit et fugax, arvensis autem aestiua et autumnalis, diutiusque durans. *Lychnidem dioicam* vt plurimum flores purpureos, rarius albos gerere, feminasque semper rariores, et nullum hermaphroditum; *Portulacam* corollam suam non explicare, sed florere et
- n.672. fructificare clauso calice obseruat. *Lotum pratense* ab illa, quae in maritimis et ad falsum lacum habitat, non differre, in pratensi adultiori modo leuissimam hirsutiem in prona foliorum parte ostendere, Varietatem *quercus* cum longo pediculo, folia sicca per hyemem retinere, illam vero, quae breui pediculo dicitur, eadem deicere asserit Cl. Auctor.



Diff. inaug. medic. de urina cretacea, quam Prae-
siede D. CAROLO FRIDER. HVNDERT-
MARK, Anat. Chir. P. P. O. Facult. Med.
Adseffore, Acadd. Imperial. Rom. Nat. Cu-
rios. Regg. Londinens. et Holmiens. Col-
lega, cet. proponit *I. Samuel Pilling*, Al-
tenb. Misn. Med. Baccal. Lipsiae, ex officina
Langenhemii. 1761. in 4. pl. 4 $\frac{1}{2}$.

Vir, sexaginta annos natus, ex gente honestissi- p. 6.
ma oriundus, a teneris vnguiculis lautiori mol-
liorique vitae generi adeo erat adsuefactus, vt ne
minima quidem aëris humidioris frigidiorisue in-
commoda sine molestia ferre posset. Corpore vte-
batur, maxima humorum copia scatente, staturae
quidem procerissimae, structurae tamen rarioris et
tenerioris, satis vero, quoad eius per vitae ratio-
nem fieri poterat, firmo atque robusto. Hic mor-
bis, puerili et iuuenili aetate solemnibus, feliciter
superatis, ad annum ferè quinquagesimum vsque, si
leuiiores infirmitates exceperis, satis recte valebat,
licet varios diaetae errores studiosius commisisset.
Etenim cum iam adolescens, ob ingenii praestan-
tiam, muneribus praeficeretur dignissimis, et quo
magis proueheretur aetate, eo grauioribus officiis
laboribusque immergeretur, ita, vt maximam vi-
tae partem domi ageret, et ab omni corporis exer-
citio, aërisque vsu liberiori abstineret, lautius ta-
men largiusque et pranderet et coenaret; ex nimia
quiete, et minus recte absoluta alimentorum dige-
stione et concoctione, cruditatem necessario con-
trahebat variam. Cumque simul corporis molli-
tiem, sibi quasi innatam, sensim confirmatam, effi-
ceret adhuc maiorem, quod semper, et calidissima

etiam anni tempestate, in conclaui degeret tam vehementer calefacto, vt sudoribus paene difflueret: ex hucusque dictis elucet, omnibus partibus haud exiguam laxitatem, et aliquam debilitatem fuisse conciliatam. Annum agens circiter quinquagesimum septimum, nullo praeuio lumborum dolore, nec vlla vrinae mingendae difficultate, lotium libere, neque iusto copiosius fundebat, turbidum tamen et sub initium feri lactis simile, paulo post ad ipsius lactis spiritioris formam accedens, ex quo post semihoram alba subsidebat materies, crassior, colorem cretae, calcis, vel gypsi subtilius contriti, prae se ferens, quae, vrina clariori naturali supernatante effusa, exsiccata coibat in corpus durius, terrestre, et vere cretaceum vel calcarium visum, cuius excretionem, quae sensim ita copiosa fiebat, vt diem noctemque collecta, se cum pondere drachmarum sex, immo tandem vnciae vnus, facile aequaret, tres annos sine notabili virium iactura ferebat. Tandem casu quodam, et post quam *pulvere* D' AILHAYD. inscio Cl. Auctore abusus, corpus humoribus viribusque exhausisset, in febrem incidit catarrhalem malignam, cuius vehementia, aequae ac regularum omnium neglectu oppressus, nono die extinctus est. In corpore dissecto, cuncta viscera, hepate excepto, aliquam partem scirrhuso, sana et recte comparata, intestina autem copiosissimo spiritu inflata, et renum papillae ac pelvis praeter naturam expansae et dilatatae et nonnullis reliquiis ipsius materiae cretaceae obsitae reperiiebantur.

p. 9. Sed, quatenam vrinae huius, cretaceae visae, fuerit materia, a Cl. Auctore iam disquiritur. Ex *chylo*, vrinae admixto, eandem non profectam esse, inde sibi habet quam firmissime persuasum, quoniam turbida nec intime mixta cum vrina perstitit, et quia alba illa materia, ex vrina delapsa et exsiccata, nullum

lum odorem leniorem subacidum sparfit, neque inde corpus casei simile et tenacius, sed potius durum, calcarium et cretaceum visum effectum fuit, quod plane non ita potuisset fieri, si ex chylo originem suam habuisset. Neque a *semine*, ex vesiculis seminalibus laxioribus ac debilitatis, sponte profluente, vrina ista ita contaminata fuit, quoniam eius sedimentum non ex gelatinae specie, et filis quasi inde ductis confectum esse videbatur. *Pituitae* etiam suam originem non debet; ex qua si orta fuisset, tunc vere glutinosa fieri, et aqua feruida macerata faciliiori negotio dissolui, ac gelatinae similis reddi debuisset. *Mucum vesicae urinariae*, quovis modo abrasum et simul cum lotio egressum, non fuisse, tum eadem fere ratio, tum ardoris urinae dolorisque vesicae absentia suadent. *Materia purulenta* itidem non fuit: id quod ex eius exsicatae durioris natura, ex coloris foetorisque, quibus pus infici consuevit, et abscessus praegressi defectu elucescit.

Quaenam itaque propria huius urinae cretaceae p. 16 fuit materia? Haec est nempe Cl. Auctoris sententia, *illam vere calcariam tophaceamque fuisse, quae obstructionem viscerum, et aquam inter cutem, vel arthritidem et podagram, cum nodis ad articulos sensim paulatimque se prorupturis, vel calculum in aliqua corporis parte, imprimis in renibus et vesica, quam certissime procreasset, nisi aliquot annos obstitissent singularis quaedam huius corporis idiosyncrasia, et adcommodata remedia.* Materia porro ex vrina nostri aegroti collecta, arefacta, et pluries igne in vase retorto tractata, ex se dimisit omnia illa elementa chemica, in quae partes corporum animalium omnes, per aeris ignisque vim dissoluuntur. Ex quibus aliisque colligitur, calcariae istius modi materiae partem oriri posse ex congestis corporis nostri particu-

lis detritis, partem maiorem vero ex muco viscido, terra et sabulo, vel in corpus aduentitiis, vel iam ibidem inquilinis, debiliora in loca depositis, et vario liquore humani corporis perfusis, et in eius naturam conversis.

p. 24. Inter causas vero huius vrinae cretaceae remotiores, in nostro aegro, principem aliquem locum tenet hereditate accepta dispositio, cui accedebant aliae, illam gypseam materiam quasi innatam augentes, summa nempe corporis teneritas, vitae molities, nimia quies, veneris frequentior abusus, faciliior vehementiorque ira, maxima quotidie ingesta alimentorum, praeprimis pinguium, sale copioso fumoue conditorum, glutinosorumque copia, non rite subacta. Hanc vero materiam tam diu absconditam haesisse, singulari idiosyncrasiae et dispositioni huius corporis, amplis scilicet, aliquo tamen adhuc robore instructis vasis gaudentis, est tribuendum. Hoc ipsum robur auctum fuit potu ordinario, quo decem circiter ultimos vitae annos aeger utebatur, aqua nempe Pyrmontana, cum vino Rheno vel rubro Gallico commixta: atque tum hoc ipso vasa ad materiam illam tandem expellendam fuere stimulata, tum eorum etiam vis plurimum adacta fuit optimis validisque medicamentis, a Cl. Auctore, quem circiter sex annos ante sui obitum aeger adsciuerat, exhibitis.

p. 28. In consilium enim vocatus Cl. Auctor, cruditatem primarum viarum correxit, pituitamque viscidam ex illis, incidentibus aptisque laxantibus eiecit. Deinde, his praemissis, solidas partes corroborare studuit cortice peruiano et lenioribus martialibus medicamentis potissimum propinatis. Cum tandem in aegro, minus obediente, calcarea illa materies cum vrina prodiret, hisce remediis partim continuatis addidit ea, quae in ipsa materia calcarea dissoluen-
da,

da, atque in lymphâ spiffiori et acriori incidenda corrigendaque longe excellentioris sunt vſus. Haec quidem id praestiterunt, vt materia illa, fingulis diebus, ob non mutatam vitae rationem, recens genita, cum vrina mixta quotidie sponte prodiret, neque alicubi ſtagnaret. Et valetudo forte fuiſſet reſtituta integra, niſi et regulis diaetae aeger omnino reſtituiſſet, et *pulvere* D'AILHAVD abusus fuiſſet. Huius cum octo doſes, non conſulto Cl. Auctore, tres dies adſumiſſet, plus quam ſexagies alvum depoſuit, et tantum deiecit humorum, vt ſummam virium pateretur iacturam languoremque. Corpus ita conſtitutum paulo poſt obruebat febris catarrhalis maligna, ſub qua, cum vires iam eſſent exhaustae, cumque medicamenta a medico praefcripta minus apte, et alia inſcio eodem minus conſulte adhiberet, omneque regimen negligeret, tandem occubuit.

XXI.

Diff. cauſam cur homines ſemel tantum variolis veris et morbillis corripiantur adumbrans,
Praef. IO. GVIL. WERNER. Reſp. *Andr. Io. Orlouio*. Regiomonti 1760. 4. pl. 5.

In praefamine de b. HAHN hypotheſi ſuper cauſſa variolarum deque aliorum hac de re ſententiis quaedam proponit Cl. Auctor. Ipſe vero in cauſſam inquirens, cur variolae verae nunquam reuertantur, ad euolutionem ſanguinis per variolas perficiendam reſpicit, et conuenientiam euolutionis huius cum ea, quae in partibus ſolidis fit, euincit. Speciali ſeri ſanguinis fermentatione euolutio iſta abſoluitur: *eſt vero fermentatio ſecundum Cl. Auctoris definitionem, motus quidam attritorius inteſti-*
nus,

- nus, plus minusue manifestus, sub quo texturae vegetabilium ipsorum (vel partes succum vegetabilem componentes) resoluuntur, et quaedam eorundem partes attenuatae, anteaque dispersae, nouam unionem subeunt, unde liquor alius indolis, quam antea fuit, prodit. Monet vero Noster, vocem fermentationis in omnibus punctis applicatiue ad sanguinem assumi non debere, sed sub eo nomine in applicatione ad sanguinem intelligi mutationem determinatam, a motu intestino sanguinis aucto factam, qua partes eiusdem constitutivae, aliam antea non praesentem mixtionem talemque indolem acquirant, quae postea, mutatione hac rite peracta, ab eadem causa amplius excitari de nouo nequeat. Hancce mutationem, ab efferuescentia et putredine diuersam, in sanguine fieri posse, partes sanguinis heterogeneae probant, et quidem in serosis particulis fermentationem hanc reponi asseritur, quanquam nondum certum est, in quibusnam vegetabilium particulis causa fermentationis quaerenda sit.*
- p. 16.** *Ostenditur deinceps partium fermentescibilium in vegetantibus et animalibus analogia, et aeris accessus ad omnem fermentationem necessarius in sanguine sufficiens quoque deprehenditur, quam rem experimenta physica cum sanguine instituta, et turgescencia vasorum, in omni sanguinis orgasmo nata, monstrant. Causae fermentationem variolosam impediennes tam in singulari fibrarum motricium robore et viribus vitae maioribus, quam in singulari partium fluida componentium mixtione, a causis occasionalibus non tam facile mutabili, in genere quidem latent: ast quoque peculiariter in ipso iure haereditatis, in victus et rerum non naturalium usu diuerso, in contagio et singulari aeris atmosphaerici constitutione. Sed quaeritur, cur primaeui nostri et plures gentes ab hac sanguinis euolutione immunes fuerint et adhuc sint? huic obiectioni respondet*
- No.

Noster, in istis populis non partes fermentescibiles, quas ab aliis fomitis variolosi nomine indigatari monemus, sed tantummodo causas occasionales defecisse. Alia mouetur dubitatio, nimirum si vario-
p. 20.
 lae tanquam fermentatio generalis considerari debeant, cur in virginibus vel feminis variolis laborantibus, non simul ouula in similem fermentationem rapiantur, aut cur in maribus vel semen, vel secundum aliorum systema, animalcula spermatica per generalem hanc euolutionem non simul mutantur, ut postea liberi, a talibus parentibus generandi, ab hac, semel tantum sustinenda, euolutione immunes maneant? Respondetur ad hoc, latentia in ouulo elementa nondum ad decentem perfectionem euoluta esse, ut fermentatio variolosa in istis succedere queat. Aliae occurrunt obiectiones, nempe variolas in summa cute, non vero in vasis sanguineis deprehendi, et denique bruta fermentatione variolosa nunquam affici: illi obiectioni Cl. Auctor regerit, sanguinis statum in hac mutatione maxime alteratum, resolutum et ad minima vasa subeunda aptum esse; ad alteram autem respondet, non datam esse a summo Creatore eandem similemque hominibus et caeteris animantibus omnium partium constitutionem. In sequentibus paragraphis fermentatio variolosa tanquam causa febris et putredinis in variolis assumitur et tandem morbilli ad fermentationis quandam speciem, nimirum ad effervescentiam referuntur.
p. 31.
 Ad defendenda omnia hactenus proposita vestigiis aliorum auctorum Noster innititur, et consensum tacitum medicorum praeinexercentium, variolosam hanc fermentationem affirmare putat.

Noua physico - medica.

Bernae iam ante hos tres annos in societatem se contulerunt viri quidam docti patriae suae, uti bonos ciues decet, amantissimi, eo fine, ut omni studio viribusque confertis agriculturam adiuuent eamque in illa regione ad summum perfectionis gradum euehant, quem modo soli natura viresque attingere permittent. Quem omni laude ac imitatione dignissimum finem ut consequatur illustris illa societas, hoc non solum cepit consilium, sed ipsius quoque praestandi iam huc usque felix initium fecit, ut singulari opere periodico, edi iam coepto, non tantum aliena, sed propria potissimum agriculturae specimina, cum ab ipsius societatis membris, tum ab aliis doctis Helueticis cogitata, vel inuenta inque singulis Helvetiae regionibus experta colligat inque usum publicum et germanica et gallica lingua edat. Duo insuper praemia singulis annis largietur illis, qui ab ipsa propositas quaestiones ceteris feliciter exsoluent. Harum quoque non nullas iam obtulit doctorum virorum studio et examini, eorumque labores promissis praemiis coronauit. Quas vero nuper pro anno, quem agimus, 1762 exhibuit, illae huius sunt argumenti: *Quaenam, rogat nimirum Societas, omnium utilissima est praediorum communium diuisio?* Altera thesis agit *de constituendis ouium gregibus et de perfectioribus lanis obtinendis.* Dissertationes, quas super oblatis quaestionibus conscriptas ad societatem mittere velint viri docti, ad primum usque diem mensis decembris cuiusvis anni, ad quem illae referuntur, ab eadem recipientur subque initium subsequenti mensis februarii diiudicabuntur. Ipsi commentarii vel gallica, vel germani-

manica, lingua debent esse exarati et hac inscriptione insigniti: *A la Société Oeconomique Helvétique: à Berne.* Praemia tandem duplicis sunt valoris, quorum primum viginti est ducatorum, qui dici solent, alterum vero quindecim; prius excellentiori dissertationi, alterum vero priori conterminae visae adscriptum semper iri, ab Ill. societate declaratum fuit.

Quum Regia scientiarum, elegantiorum litterarum artiumque Academia *Rothomagensis* praemium, quod anno 1759 et 1760 obtulerat, alicui adiudicandi deinde caruerit opportunitate, argumento illo prorsus nunc misso, aliud nuper proposuit ad annum, quem agimus, 1762 referendum, ita, ut commentarii ideo exarandi ante primum diem iunii huius anni Cl. L E C A T, perpetuo academiae secretario, tradantur. Optimus nimirum determinari debet modus, quo terrarum genera, pro diuersa earum indole diuersisque earum qualitatibus, emendari possint: *Déterminer la meilleure maniere d'amander les terres, en egard à leur diverse nature et leurs diuerses qualités.* Praemium optimae argumenti huius explicationi destinatum, iam iterum erit duplicatum, duobus nimirum constans nummis aureis, quorum singulus trecentorum pondo gallicorum habebit valorem.

Parisiensis porro Regia Chirurgiae academia pro consueto praemio sequenti anno 1763 obtinendo, hancce, ut explicetur, materiem exhibuit: Exponi nempe debet morborum, qui aures affligere possunt, theoria, sedulo simul inuestigatis auxiliis, quae ad curandos ipsos afferre queat ars chirurgica: *Exposer la théorie des maladies de l'oreille et détailler les moyens que la chirurgie peut employer pour leur curation.* Perpetuus

petuus academiae secretarius, Cl. MORAND, ad finem vsque huius anni 1762, recipiet commentarios, sub conditionibus iam satis notis conscribendos tradendosque.

Reliqua etiam, de quibus olim iam ad lectores nostros retulimus *), inferioris veluti ordinis dicenda praemia inter bene merentes chirurgiae cultores distribuendi occasionem Ill. academia non omittet.

Electoralis quoque Moguntina scientiarum utilium Academia *Erfordiae* ante hos octo annos constituta, **) praemii quotannis exhibendi spem olim fecit nuncque promissum hoc seruatura, quaestionem pro hoc anno 1762 proposuit, ac illi, quieam optime soluerit, aureum nummum centum imperialium vel thalerorum dictorum pretii, ad diem quintum mensis martii subsecuturi anni 1763, quippe qui dies nomini Eminentissimi academiae conditoris sacer est, attribuet. Exhibita thesis haec est: *Quomodo meliora redduntur olea ex indigenis seminibus expressa, quo gustui gratiora et ad hominum usum utiliora fiant?* Indigenorum oleorum nomine comprehendit Ill. Academia quaelibet oleorum genera, ex variis, v. c. napi, raphanistri, cannabis, lini, myagri, papaveris, helianthi, aliisque in Germania cognitis seminibus oleosis expressa. Qui vnus vel plurium horum seminum correctionem prae aliis bene inuestigauerit, is reportabit praemium. Gustus atque coloris horum oleorum correctio potissimum hac in re ponitur, vt amarus iste rancidus atque ingratus indigenorum oleorum sapor per artes, vel sub ipsa expressione adhibitas, vel alias chemicas, vel per loturam huicque inferuientes machinas,

*) vid. Comment. nostr. Vol. V. P. I. p. 175.

**) vid. Comment. nostr. Vol. VI. P. III. p. 615.

nas, similiue modo tentatas, tollatur, atque ista olea clara, pellucida gustuque grata, qualia esse solent exotica, reddantur. Quum in hac etiam oleorum purificatione, eorum pars aliqua remanere et ad alios vsus apta forsitan esse queat: hanc quoque per tentamina inquirendam cupit academia. Commentarii vel germanica, vel latina, vel gallica lingua consignati, ante finem huius anni 1762 ad academiae secretarios, consiliarium BAVMER, vel Professore HADELICH, viros clarissimos, debent mitti, inscripto symbolo additaque schedula, auctoris nomen continente.

Regia scientiarum societas *Göttingensis* annum quidem celebrauit nuper conuentum die novembris decimo quarto superioris anni 1761, praemium vero huic anno destinatum offerendi opportunitatem haud nata fuit, quum tristes belli, quod proh dolor! saeuire pergit, iniuriae impediissent, quo minus commentarii ad ipsam peruenerint.

Aliam vero *eadem* Ill. Societas quaestionem eodem tempore proposuit, cuius optimae solutioni praemium aurei numi quinque et viginti ducatorum, qui dici solent, die novembris decimo anni 1763 se adiudicaturam esse pollicetur. Expectat nimirum illa *naturalem historiam insectorum lucentium, in qua ipsorum varia recenseantur genera; artus et viscera describantur, horum simul usu inuestigato; lucens porro eorum pars explicetur insimulque determinetur, qua insectorum aetate, in quonam genere et qua de causa pars ista luceat?* Ex legibus, quas praefixas sibi habet Ill. Societas, talibus, quae tantum ex itinerariis aliisque similibus scriptis depromptae fuerint, descriptionibus contenta esse nequit, sed nouiter suscepta tentamina et experientias sic expositas postulat, vt hasce

potissimum in attribuendo praemio respicere possit. Ante primum diem septembris eiusdem anni vel ad ipsam societatem, vel ad ipsius secretarium, cuius munere iam fungitur Cl. KAESTNER, Matheos P. P. O. Vir meritissimus, mitti debent commentarii, ita tamen, vt nullum suppeditetur indicium, ex quo auctor possit antea intelligi, et, quod cursus publici nomine solui debet, solutum quoque sit. Iam constat latine exarandas esse dissertationes, cuius fronti inscribatur aliquod symbolum, quod iisdem verbis in alia etiam describatur schedula, cuius discissae aut disruptae vna pars addatur commentario, altera vero in manibus auctoris remaneat, donec notum factum fuerit, quod ipse praemium consecutus sit, tumque altera hac schedulae particula Societati tradita, verum se auctorem testari possit.

Eadem porro Ill Societas, quaestiones, vti solet, duas alias exhibuit oeconomici argumenti, quarum vni ad diem decimum nouembris huius anni 1762, alteri vero anno 1763 primo die saturni mensis iulii, consuetum praemium duodecim ducatorum assignatura est. Illius autem commentarios, germanica lingua conscribendos, hoc anno 1762 ante primum diem octobris, huius vero anno 1763. ante diem primum mensis iunii expectat.

Primum igitur a societate quaeritur: *Num augendae incolarum alicuius regionis multitudini conueniat, agrorum vel pratorum communionibus abrogare et cuius earum participi, vel nouis quoque agrorum cultoribus, ita proprie suas attribuere partes, vt eis soli queant frui? An melius, vel quoque propter pascuorum usum plane necessarium sit, communionibus istas, prout huc usque obseruatae fuerint, relinquere non mutatas?* Communionum illarum nomine a se intelligi declarauit societas, cum illa loca, vbi vni vel pluribus

bus quoque pagis eorumque singulis incolis greges suos pascere per integrum annum licet, tum illud pascendi ius, ex quo post consummatam messem, vel alio etiam determinato quodam tempore, per agros, prata, aliaque loca publica, pastum ire gregibus licet. Ita enucleatam hanc rem optat societas, ut extra dubium ponatur communisque usus fieri queat. Illi in primis, qui communionem tollendas esse suadeant, rogantur, ut animi sui cogitata velint addere super modo, quo illorum iura compensari queant, qui in tollendis istis communibus forsitan laedantur, quales sunt praediorum aut decimarum domini aut emphyteutici, quos appellant iuris consulti, illi porro, quibus aliquot modo dies per annum pascere licitum est, vel alius tandem tertius, v. c. a iuris peritis sic dicti casarii, quibus forte nimis parca telluris copia ad alendam suam pecudem relicta esse queat. Si quis insuper suum adiicere velit iudicium, qua ratione silvarum auferri possint communionem, quarum quippe usus communis variis in locis solet esse varius, ita ut unus pascendi, alter caedendi ligni, alius denique saginae colligendae, iure fruatur, gratissimum is fecerit Ill. Societati.

Altera quaestio oeconomica, ab eadem Ill. societate oblata, Hannoueranas potissimum prouincias respicit. *Nonne in illis, nimirum quaeritur, ouium cultura adeo emendari queat, ut, nisi omnibus in locis, certe in illis, quae huic fini prae aliis conueniant, oves possint ita ali, ut meliorem praebeant lanam, ac huc usque ab iis conquisita fuerit? Quatenam porro huic praestandae emendationi obuia sint impedimenta? Numque et qua ratione haec tolli possint? Quibusnam in locis emendatio haec locum habeat, et in quibus illa praestari non possit? Quum eum in finem plura iam ab harum rerum peritis viris lata sint consilia, ab aliis tamen modo*

paucis in vsum trahantur, optat omnino societas, vt indigitetur, num illa forte consilia non sufficiant? an forte causae adsint, quae illorum applicationem reddant tam difficilem? an denique fructus ab ouiaris, viliorē lanam suppeditantibus, maiores sint illis, qui ex perfectioris lanae cultura prouenire soleant?

Petropoli splendidissimum illud ac grauissimum archiatri *) vel cancellariae sic dictae medicae praesidis, munus ab Augustissimo nunc regnante Russorum Imperatore, PETRO tertio, obtinuit, Ill. MOUNSEY, olim iam a nobis commemoratus, **) Quum is etiam primus huc vsque inter illos medicos fuerit, qui iam defunctae Imperatrici ELISABETHAE a sanitate tuenda essent, vt eandem in posterum quoque curam ipsius Imperatoris habeat, ipsi simul datum fuit. Insuper Consilarii Intimi honoribus annuoque septem millium nummorum vncialium stipendio cohonestatus fuit.

Ibidem etiam paulo post ab eodem Augustissimo Imperatore inter sui ipsius medicos et actuales, qui dici solent, Consiliarios status relatus fuit Ill. GUYON, Med. D. qui a viginti iam annis sui Domini ante, quam is auitum solium conscenderit, sanitatis conseruandae curam habuit, singularem ipsius fiduciam meritis suis sibi concilians. Ex anno iam huius seculi tricesimo secundo Vir ille meritissimus in nosocomiis Petropolitanis et anatomen et artem chirurgicam, tum secando, cum operationes chirurgicas demonstrando, artis tirones cum applausu docuit, donec anno seculi quadragesimo secundo a fere-

*) De quo insigni munere pauca olim diximus in Comment. nostr. Vol. IX. P. I. p. 168.

**) ibid. p. 170.

ferenissimo suo Domino inter ipsius medicos referretur.

Rothomagi iussu atque auctoritate Pot. Galliae Regis inter equites nobiliori loco natos, ad exornanda sua merita relatus fuit CLAVDIVS NICOLAUS LE CAT, Regiae scientiarum Academiae Rothomagensis Secretarius perpetuus, Reg. Academiae Scientiarum Parisinae socius sic dictus Correspondens, et Reg. Chirurgiae Academiae Parisinae socius adscitus, Vir in erudito orbe doctrina sua, industria meritisque famam laudemque ex merito consecutus.

Londini a Reg. Scientiarum societate secretarii fui, qui cum exteris viris doctis litterarum habeat commercium, honore atque officio exornatus fuit nuperrime Cl. МАТѸ, Med. D. Vir Cl. qui celeberrimo illi publico museo Britannico *) praeest, variisque iam huc vsque editis scriptis inter viros doctos clarus factus fuit. Eum in primis in finem hanc Viro huic traditam spartam omnibus notam facere voluit Ill. societas, vt omnium populorum, viri docti, qui inuenta sua aliasque res cum societate communicare velint, nunc ad hunc ab ipsa constitutum Secretarium mittant.

Argentoratensis Academia superiore iam anno 1761 die nouembris vigesimo nono iacturam fecit morte Viri, dum viueret, et honestissimi et meritiissimi, IOANNIS PHILIPPI GRAUEL, Phil. et Med. D. et Physices Professoris publici ordinarii, de cuius vita et meritis alio adhuc tempore ad lectores nostros relaturi sumus.

Aa 3

Tubin-

*) vid. Comment. nostr. Vol. II, P. II. p. 367. et P. IV. p. 731.

Tubingensis porro academia amisit hoc, quem vivimus, anno 1762 die ianuarii vicesimo secundo, Virum Cl. CHRISTIANVM LVDVICVM MOEGLING Medicinae Doct. eiusdemque Professore Pub. Ord. Sereniss. Marchionis Bado-Durlacensis Consiliarium et Archiatrum, Reg. Scient. Academiae Lugdunensis et Instituti scientiarum Bononiensis socium, anno aetatis quadragesimo septimo defunctum.

Parisis denique nuper die mensis februarii octavo obiisse legimus Cl. CAMILLE FALCONET, Med. Pot. Galliae Regi a ferendis sanitatis consiliis (*Medecin Consultant*,) Reg. Parisiensis Academiae elegantiorum litterarum Membrum.

Facere non possumus, quin utile aliquod omni-que laude dignum lectoribus nostris commendemus consilium, quod cepit Cl. IOSEPHVS BENVEN-
TUS, Phil. et Med. D. Imperial. Acad. Naturae curiosorum Collega et Reg. scient. Societatis Gottingensis socius Correspondens, qui *Lucae* medicinam faciens non nullis huc vsque iam editis et a nobis etiam suo tempore commemoratis scriptis studium suum atque industriam de amplificanda arte salutari, comprobavit. Quum is enim singularem illum usum expenderet, quem attenta symptomatum in aegris obuiorum et diligens in eorum deinde mortuorum cadaueribus morbosae labis indiciorum observatio et inter se facta comparatio afferre possit medicae artis incremento, iam ante aliquot annos opus se velle edere constituit, quo morborum historias hoc indicato modo conscriptas colligeret inque usum publicum ederet. Eum etiam in finem observationes tales ab amicis iam accepit secum communicatas, quarum breui nunc edenda-
rum

rum facturus est initium. Vt earum tamen numerum conquirat auctiorem, ideoque usum inde expectandum amplificet, schedula sub huius anni initium *Lucae* typis expressa, celebres viros in Europae regnis medicinam facientes excitauit rogauitque, vt eius modi obseruationes a se factas atque collectas ad ipsum velint mittere, vt eas operi illi suo possit inferere. Quum impensae tamen in transmittendis litteris saepius esse soleant satis insignes, Anglicos, Germanicos et Italicos orat medicos, vt scripta sua, si vsitato tantum chartae folio comprehendere queant, per tabellarium publicum, si vero mole sint maiora, per mercatores vel bibliopolas potius, ipsi tradenda curent; Galliae autem et Hispaniae medicos rogat, vt mercatorum tantum vel bibliopolarum opera vti velint, nomen tamen suum atque patriam vt addant illi omnes, quibus obseruationes suas cum ipso communicare lubeat, insimul precatur, quum anonymorum scripta in collectione sua locum habere nequeant. Vt suum porro opus, quantum demum possit, vtile reddat atque acceptum, historias, quoque ad finem suum pertinentes, ex diariis librisque recentioribus depromtas illi inferet, additis etiam, praeter necessarios indices, nouis litterariis physico medicis et librorum nuper editorum physici aut medici argumenti catalogis. *Iacobus Iusti*, typographus Lucensis, nitida charta optimisque litterarum characteribus opus illud se excusurum esse promisit.



Memoria GEORGII MATTHIAE BOSII, Professoris Publici Ordinarii Physices in Academia Vitebergensi, Academiae regiae scientiarum Parisinae Correspondentis, Academiae scientiarum Bononiensis, regiae Holmienfis, Societatis regiae Londinensis vt et humaniorum litterarum, Academiae Gryphiswaldensis, et Societatis Teutonicae Ducalis Helmftadiensis, et Ienensis Socii.

Quamquam ii iustissimam laudem merentur, qui in litterarum studiis ea tantum, quae ab aliis bene inuenta, et copiose aucta sunt, cognoscere student, cum nec omnibus data sit sollerter inueniendi facultas, et haec quoque velut imitatio, non amplectens temere, quae ab aliis dicta sunt, sed cogitatione vtens et diligentia, permultum laboris poscat et industriae: tamen haud paulo efficacior ad illustrandam famam, et ad ingenii admirationem melior videtur eorum ratio, qui vel primi aliquid viderunt, vel ante inuenta ita ornarunt, vt multo clariora redderentur atque certiora. Quo in genere quanta opus sit ingenii felicitate, quae sibi iure quodam suo eiusmodi rerum initia vindicat, non dicemus, propterea quod, quidquid in hoc boni est, id omne liberalitati naturae acceptum referri debet, quae profecto non plus admirationis habet, quam meriti. Hoc autem multo maius est, quod ceteri, non minus subtiliter intelligentes et acriter iudicantes, inchoatam ab aliis rem nisi perficiunt, tamen augent et ornant, vt sua merita illorum gloriae recte aequare videantur. Primum enim quam diligenter singula examinanda sunt, ne vel nominis gloria, vel verisimilitudo quaedam inventorum nos ad temere assentiendum alliciant.

Quam

Quam multo deinde labore efficiendum est, ut nostra ipsorum cogitatione talia nobis familiaria reddamus. Neque porro paucis experimentis defungi licet, si quis ipse velit vel confirmandi vel illustrandi causa inuentis aliquid addere. Quod quidem in physicen maxime conuenit, cuius cognitio per singulas res, easque innumeras, eundo sententiam constituit, quae rationem, quam natura sequitur, declarat. Verum non opus est, ut haec vniuersa oratione explicemus, cum BOSII exemplum demonstret, quomodo et in inueniendis et ornandis rebus physicis recte versandum sit, qui assidua earum tractatione consecutus est, ut in hoc genere excellere crederetur. Neque enim quemquam putamus eius doctrinae, quae de electricitate exponit, paulo studiosiorem esse, quin BOSII inuenta et scripta bene cognita habeat, cui omnium consensu multa in hoc genere propria fuerunt, cuiusque maxima scientia non nostris solum hominibus vehementer probata est; sed externos etiam in admirationem Viri traxit, ut non contemnendis honoribus atque laudibus eum ornandum esse decernerent. Quidquid igitur haec physices pars vel ab inuentione utile habet, vel a confirmatione et explicatione certum ac perspicuum, id ad BOSIUM magna ex parte pertinet. Recte igitur tanti Viri eruditio et fama postulare videtur, ut, qui eam iam olim admirati sint, vitam quoque eius cognoscant, quam nunc summatim enarrabimus.

Patriam habuit Lipsiam, felicem illam magnorum ingeniorum parentem et benignam altricem, quae ut multum profuit ad ingenium BOSII formandum, ita ex doctrina eius atque celebritate iucundissimos honoris fructus cepit, ut nec patriam ciuis, nec ciuem patriae poenitere deberet. Prodiit in lucem anno h. f. decimo, honestissimis parentibus genitus,

patre GEORGIO HENRICO, splendidissimo mercatore, matre EVA SIBYLLA BACHMEYERIA, referturque adeo genus eius ad nobilissimam familiam, cuius magna fuit in hac vrbe inde ex longissimo tempore auctoritas et gloria. Profecto autem debuit ei talis patria parentumque conditio contingere, quae plurima suppeditaret ingenio eius praesidia, nec inopia destitutum cogeret facultati naturali deesse, quam in eo excellentem fuisse et praeceptorum amicorumque testimoniis certum est, et omnis Viri vita demonstravit. Eluxit enim mox in eo ingenium acre cum fidei memoria, qua adiutus praecipue in historia cognoscenda tantos fecit progressus, ut iuuenis aequales multum superaret, et adultiori etiam aetate, si quid ex hoc genere ab eo tractatum esset, in historia velut habitare videretur. Accessit etiam carminum non incommode scribendorum facultas, qua partim grauiora negotia cum iocis mutare, partim extremae vitae acerbitem mitigare solitus est. Sed haec omnia naturae bona, quae, nisi alantur, decrescunt, aut etiam luxuriant, nisi compressa sint, BOSIVS cum ipse assidua exercitatione auxit, tum vero a peritis doctoribus ornatiora et ad usum aptiora reddi passus est. Fuerat enim a parentibus et publicis et domesticis doctoribus traditus, apud quos ea interdum proposuit ingenii specimina, quae cum vix a prouectiori aetate expectari potuisse videntur, futuram Viri magnitudinem multo ante atque certo significarunt. Accessit deinde ad academiae Lipsiensis doctores, quibus enarrantibus mathesin, medicinam et physicen, ad quam ante omnia impetu quodam naturae ferebatur, assiduam dedit operam. Tum vero apparuit, quorsum a natura tam acre ingenium tamque fidelem memoriam accepisset, sine quibus si voluisset ad physices cognitionem se applicare, nec celeriter multa et sagaci-

gaciter deprehendere, nec in promptu semper et ad demonstrandum parata habere potuisset. Ornatus est anno h. f. septimo vicesimo summis in philosophia honoribus, et mox duas disputationes in hypothesein soni Perraultinam proposuit, quarum altera ius atque potestatem docendi consecutus est, altera locum Assessoris in ordine philosophorum, atque ex hoc tempore integros decem annos et academiae ornameto fuit, et studiosis vtilissimus, atque exteris etiam carus, cum ipso hoc tempore coepisset electricitati declarandae se prorsus dicare, et praeterea astronomiae. Quae enim scripta astronomica ab eo proposita sunt, ea magno cum plausu excepta esse nouimus, eiusque scientiam multo melius declarant, quam hic exponi potest. Obierat autem eo tempore LOESCHERVS, physices Professor in academia Vitebergenfi, in cuius locum BOSIVS anno h. f. duodequadragesimo vocatus est, quod munus ad finem vsque vitae magna cum laude ornauit. Atque omnes, qui eius vel consuetudine vel doctrina vfi sunt, fatentur, nec librorum, quos edidit, multitudinem, nec gloriae priuatim quaerendae studium eius in docendo industriam defatigare potuisse, hanc potius, coniunctam praesertim magna cum perspicuitate, omnium venerationem ei conciliaffe. Rector academiae aliquoties creatus est. Iam propter multa eius merita factum est, vt, cum summis viris simillimus esset, summo etiam ab exteris honore cole retur, quod ii praesertim in Anglia, Gallia et Germania fecerunt, a quibus in societates litterarias adscitus est. Atque haec fuit Viri vita, fatis illa beata et doctrinae perpetua delectatione, et nominis celebritate: sed extrema aetas eius in hoc miserum bellum incidit, cuius calamitates, etsi communes omnibus, multos tamen praecipua miseria adflixerunt, in quibus haud dubie BOSIVS cum Viteberga sua nu-
meran-

merandus est. Praeterquam enim quod Magdeburgum abductus fuerat, non multo post, cum Viteberga obsessa foedissimo incendio conflagrauit, BOSII etiam pretiosissima bibliotheca cum permultis iisque optimis instrumentis physicis combusta est. Cuius calamitatis nuncius quo tristior debuit absenti accidere, eo ille maiori cum fortitudine et constantia rerum suarum damna tulit, atque adeo suos grauisimis solatiis per litteras erexit. Tandem, fortasse ne diutius miseram vitam traheret, anno sexagesimo primo dysenteria correptus est, cuius vis ut minui non potuit, ita eum in dies vehementius debilitauit, donec ipsis calendis Septembribus morbo succumbere coactus est. Nos autem valde dolemus, Virum hunc rebus humanis exemptum esse, qui etsi forte naturae et gloriae satis. litteris tamen parum vixit, certe sub vitae finem meliori conditione dignus fuit.

XXIII.

Index scriptorum physico-medicorum, quae anno 1760 prodierunt.

Der Römisch Käyserlichen Akademie der Naturforscher auserlesene medicinische, chirurgische, anatomische, chymische und botanische Abhandlungen. Achter Theil, Nürnberg. 4. m. K.

Histoire de l'Academie Royale des Sciences. Centième ou dernier Volume de la premiere Centurie. Contenant un Abregé Historique de chaque Science. Avec une Liste generale des Memoires de Mathematique et de Physique jusqu'à l'année 1751 inclusivement. a Amsterdam. 12.

Table generale des Matieres contenues dans l'Histoire et Memoires de l'Academie Royale des Sciences
de

- de Paris depuis l'année 1735 jusques en 1751 inclusivement. Tome quatrième. a Amsterd. 12.
- Memoires de Mathematiques et de Physique, présentés a l'Academie Royale des Sciences, par divers savans et lus dans ses Assemblées. Tome troisieme. a Paris 4. c. f.
- Philosophical Transactions, giving some Account of the present Undertakings, Studies and Labours of the Ingenious in many considerable Parts of the World. Vol. LI. Part. I. for the Year 1759. London. 4. c. f.
- Verhandelingen uitgegeeven door de Hollandse Maatschappye der Weetenenschappen te Haarlem. Vyfde Deel. Te Haarlem. 8. c. f.
- Kongl. Vetenskaps Academiens Handlingar foer Aor 1760. Vol. XXI. i Stockholm. 8 mai. c. f.
- Noui commentarii Academiae Scientiarum Imperialis Petropolitanae. Tomus V ad annum 1754. 1755. Petropoli. 4. c. f.
- Nuova Raccolta d'opuscoli scientifici e filologici. Tom. VI. VII. in Venezia. 12. Voll. 2.
- Histoire naturelle generale et particulière avec la Description du Cabinet du Roi. Tome huitieme. a Paris. 4. c. f.
- Eiusdem libri in duodecima recusi forma tomus XIV. ibid.
- Collection Academique composée des Memoires, Actes ou Journaux des plus celebres Academies et Sociétés litteraires étrangères, des Extraits des meilleurs ouvrages périodiques, des Traités particuliers et Pieces fugitives les plus rares, concernant l'Histoire naturelle et la Botanique, la Physique experimentale et la Chymie, la Médecine et l'Anatomie. Traduits en françois et mis en ordre par une Société de Gens de Lettres (Tome VI de la Partie étrangere et I de la Physique experimentale separée) a Dijon, 4. Re-

Recueil de Memoires concernant l'Oeconomie Ru-
rale par une Société établie a Berne en Suisse.
Tome Premier. Parties IV. a Zurich. 8. c. f.

Idem liber teutonice quoque prodiit sub hoc titulo :
*Der Schweizerischen Gesellschaft in Bern Sammlungen
von Landwirthschaftlichen Dingen. Erster Theil. 4
Stücke, ibid. 8. m. K.*

Excerptum totius Italicae nec non Helueticae lite-
raturae. pro Anno 1760. Tom. I. II. III. IV. Bernae
8. c. f.

*Bremisches Magazin zur Ausbreitung der Wissenschaf-
ten, Naturlehre, Künste und Tugend, mehrentheils
aus den englischen Monathschriften gesammelt.
3 Band. Bremen. 8.*

*Kopenhagener Magazin, oder oeconomische Gedanken
zum weitem Nachdenken eröffnet. Zweyten Bandes
1 u. 2 Stück. Kopenhagen u. Leipzig. 8.*

*Fränkische Sammlungen von Anmerkungen aus der Na-
turlehre, Arzneygelahrheit, Oekonomie und den da-
mit verwandten Wissenschaften, (bis zum 30 Stück,
oder 5ter Band) Nürnberg. 8.*

Oekonomische Nachrichten. 112 - 114 Stück. Leipz. 8.

*Oekonomische physicalische Abhandlungen. 18 Band,
Leipzig 8.*

Journal oeconomique, ou Memoires, Notes et Avis
sur les Arts, l'Agriculture, Commerce et tout ce,
qui peut y avoir rappot pour l'Année 1760. Par-
ties 12. a Paris 8.

*Neue gesellschaftliche Erzählungen für die Liebhaber der
Naturlehre der Haushaltungswissenschaft, der Arz-
neykunst und der Sitten. 3ter Theil. Leipz. 8.*

Le Nouvelliste oeconomique et litteraire, ou Choix
de ce, qui se trouve de plus curieux et de plus in-
teressant dans les Journaux, Ouvrages periodiques
et autres Livres, qui paroissent en France et ail-
leurs. Tome XXXII. XXXIII. XXXIV. XXXV
pour l'Année 1760. a la Haye. 4. Leipzi-

Leipziger Sammlungen von allerhand zum Land- und Stadtwirthschaftlichen Policey · Finanz- und Cammerwesen dienliche Nachrichten. 173-175 St. Leipz. 8.

Corps d'Observations de la Société d'Agriculture, de Commerce et des Arts, établie par les Etats de Bretagne. Années 1757 et 1758. a Rennes. 8.

Memoire sur l'Agriculture envoyé a la tres-louable Société d'Agriculture de Berne avec l'Extrait des six premiers Livres du Corps complet d'Oeconomie Rustique de feu M. THOMAS HALES; une Reponse à l'Essai sur le Ponts et Chaussées, la Voierie et les Corvées et un Tableau Oeconomique avec ses Explications. a Paris 4.

A new system of Agriculture, or a plain Essay, and demonstrative method of speedily growing rich: by a Country Gentleman. London. 12.

Memoires sur les Defrichemens; a Paris. 12 (*Auteur* DE TURBILLY).

Memoire sur la Pratique du Semoir, dont les avantages sont démontrés par le resultat des produits de plusieurs Champs en semences, avec cet instrument d'Agriculture, comparés avec ceux d'autres Champs ensemences suivant l'usage ordinaire. a Lyon. 12.

Anleitung, wie man durch Verbesserung der nassen Weydgängen und vernünftige Sorgfalt, im Handel, Verpflegung und Gebrauch des Viehes den Viehseuchen vorbeuen könne. Zürich. 4.

Les Voyageurs modernes, ou, Abrégé de plusieurs Voyages faits en Europe, Asie et Afrique, traduits de l'Anglois. a Paris 12. Voll, 4.

Lettres et Memoires pour servir a l'Histoire naturelle, Civile et Politique du Cap-Breton. a la Haye et a Londres 12.

Reliqua proxime.

Con-

Contenta in hac parte.

1. Kongl. Wetenskaps Academiens Handlingar foer
Aor 1759 Vol. XX. p. 195
2. BRAVNII de admirando frigore artificiali, quo
mercurius est congelatus. Diff. etc. p. 212
3. WOLFF Diff. Theoria generationis p. 217
4. KNIPHOFII Botanica in Originali Centur.
I-VIII. p. 227
5. Ectypa vegetabilium p. 230
6. TILLET Diff. sur la ductilité des Metaux et les
moyens de l'augmenter p. 232
7. MONESTIER Diff. sur la nature et formation de
la Grele p. 237
8. DE SAUVAGE Diff. ou l'on recherche comment
l'air suivant ses differentes qualités agit sur le
corps humain p. 243
9. BALL the modern Practice of Physic p. 251
10. VANDELLI Analisi d'alcune acque medicinali
del Modonese p. 260
11. TISSOT de morbo nigro, scirrhis viscerum etc. p. 265
12. STOERCK annus medicus secundus p. 271
13. DU HAMEL DU MONCEAU des Semis et
Plantations des Arbres et de leur culture p. 282
14. Histoire naturelle generale et particuliere avec
la Description du Cabinet du Roi Tom. VIII p. 295
15. Memoire instructif sur la maniere de rassembler,
de preparer, de conserver et d'envoyer les di-
verses curiosités de l'histoire naturelle p. 318
16. SCRINCI Tractatus de fontibus soteriis Toe-
plensibus in regno Bohemiae p. 328
17. LEHMANN'S Entwurf einer Mineralogie p. 337
18. Versuch einer neuen Mineralogie p. 345
19. LEYSER Flora Halensis. p. 356
20. HUNDERTMARK Diff. de vrina cretacea p. 359
21. WERNER Diff. causam cur homines semel tan-
tum variolis veris et morbillis corripiantur ad-
umbrans p. 363
22. Noua physico-medica p. 366
23. Index scriptorum physico medicorum, quae anno
1760 prodierunt p. 373